



NAFARROAKO PARLAMENTUKO

ALDIZKARI OFIZIALA

IV. Legegintzaldia

Iruñean, 1998ko urtarrilaren 23a

9 ZK.

A U R K I B I D E A

A SAILA:

Foru Lege Proiektuak:

— Nafarroako Administrazio Publikoen kontratuei buruzko Foru Lege proiektua (2. or.).

A Saila:
FORU LEGE PROIEKTUAK

Nafarroako Administrazio Publikoen kontratuei buruzko Foru Lege proiektua

Nafarroako Parlamentuko Mahaiak, 1997ko urriaren 14an egindako bilkuran, Erabaki hau hartu zuen, besteak beste:

“Nafarroako Foru Eraentza Birrezarri eta Hobetzeari buruzko Lege Organikoaren 19.1.a) artikulua aitortzen dion legegintzarako ekimena erabiliz, Foru Diputazioak, 1997ko urriaren 6an hartutako Erabakiaren bidez, Nafarroako Administrazio Publikoen kontratuei buruzko Foru Lege proiektua igorri du Nafarroako Parlamentura.

Hori horrela, Biltzarreko Erregelamenduko 125.2 artikuluan ezarritakoarekin bat, Bozeramaleen Batzarra entzun ondoren, hona

ERABAKIA:

Lehena.- Nafarroako Administrazio Publikoen kontratuei buruzko Foru Lege proiektua ohiko jardunbidez bideratzea.

Bigarrena.- Proiektu hartaz Irizpena emateko ahalmena Ekonomia, Ogasun eta Aurrekontuak Batzordearen esku uztea.

Hirugarrena.- Nafarroako Parlamentuko Aldizkari Ofizialean argitara dadin agintzea.

Proiektua argitaratzen denetik **epe bat irekiko da, 1998ko otsailaren 2ko eguerdiko hamabietan bukatuko dena.** Epe horretan, Erregelamenduko 126 artikuluan ezarritakoarekin bat, Parlamentari Taldeek eta Foru Parlamentariak emendakinak aurkezten ahalko dizkiote proiektuari.”

Iruñean, 1997ko urriaren 16an

Lehendakaria: M^a Dolores Eguren Apesteguía

Nafarroako Administrazio Publikoen kontratuei buruzko Foru Lege proiektua

Zioen Azalpena

-1-

Foru Legearen lege-aurrekariak, haren eskumena eta justifikazioa

Nafarroan kontratuei buruzko legedia 1986koa da. Foru Komunitateko Administrazioaren Kontratuei buruzko azaroaren 14ko 13/1986 Foru Legeak 1982ko Kontratazioari buruzko Arau Orokorra ordeztu zuen eta luzaz Foru Komunitateko Administrazioaren kontratazioaren esparru egokitako balio izan du.

13/1986 Foru Legea Nafarroako legedia Estatuko esparrura egokitzen saiatu zen. Esparru hori Estatuko Kontratuei buruzko Legea aldatu zuen maiatzaren 2ko 931/1986 Errege Dekretu Legegilearen bidez aldatua izan zen, Europako Ekonomi Elkartearen zuzentarauetara doitzearren.

Estatuko legedia 1965 urtekoa da eta Estatuko Kontratuei buruzko Legearen testu artikuluduna onetsi zuen apirilaren 8ko 923/1965 Dekretuak osatzen zuen.

Gero, Estatua beste arau batzuk emanez joan zen, 923/1965 Dekretua garatu eta osatzen zutenak eta Europako Elkartek ezarritako eginbeharretara egokitzen zutenak, hala nola, Estatuko Kontratazioari buruzko Erregelamendu Orokorra onesten duen azaroaren 25eko 3410/1975 Dekretua; Europako Ekonomi Elkartearen zuzentarauetara egokitzeko Estatuko Kontratuei buruzko Legea aldatzen duen maiatzaren 2ko 931/1986 Errege Dekretu Legegilea; 931/1986 Errege Dekretura egokitzeko Kontratazioari buruzko Erregelamendu Orokorra aldatzen duen azaroaren 28ko 2528/1986 Errege Dekretua, besteak beste.

Nafarroan, bestetik, 13/1986 Foru Legean aztertzen ziren gai zehatz batzuk garatzen zituz-

ten arauak aldarrikatu ziren. Hori horrela, arautu ziren Administrazio Kontrataziorako Batzorde Aholkulariaren sorrera (maiatzaren 4ko 132/1988 Foru Dekretua); Nafarroako Foru Komunitateko Administrazioaren kontratuetan emaniko abalak (uztailaren 21eko 205/1988 Foru Dekretua); laguntza teknikoko kontratuak (apirilaren 25eko 161/1991 Foru Dekretua); Kontratuen Erregistroa (apirilaren 25eko 162/1991 Foru Dekretua); kontratu publikoen esleipena (1994ko maiatzaren 16ko Erabakia); espediente xeheen izapidatzea eta hornidura kontratu batzuetarako arau batzuk (1993tik aurrerako Aurrekontuei buruzko Foru Legeak).

Abiapuntua den 1965eko Estatuko Legeaz egin den eta zentzuzkoa den erregelamenduzko garapenaz gain, Espainia Europako Ekonomi Elkarteko kidea denez, beharrezkoa zen barne legedia antolamendu juridiko berrira egokitzea.

Kontratazio publikoari buruzko Europako Bata-suneko Zuzenbidearen xedea kontratuak objektiboki eta publikitatez esleitu daitezela lortzea da eta zuzentarau batzuetan gauzatu da. Hona hemen: 71/305/EEE, 89/440/EEE eta 93/36/EEE obra kontratuari buruz; 77/62/EEE, 80/767/EEE, 88/295/EEE eta 93/37/EEE, hornidura kontratuari buruz; eta 92/50/EEE, zerbitzu kontratuari buruz.

Halaber, Estatuko legedia beharturik egon zen 1994ko urtarrilaren 1ean indarra hartu zuen Europako Ekonomi Espazioari buruzko Itunaren eta Marrakechen 1994ko apirilaren 15ean egin zen Kontratazio Publikoari buruzko Itunaren ondoriozko konpromisoak aintzakotzat hartuz.

Hori horrela, Estatuan Administrazio Publikoen Kontratuei buruzko maiatzaren 13ko 13/1995 Legea argitaratu zen. Arau horrek, gehienbat oinarritzko izaera duenak, arlo honetako foru legedia ukitzen du eta hori egokitzera behartzen. Egokitze hori, gainera, beharrezkoa zen, Nafarroako Foru Komunitatea lehengo lerroetan aipaturiko estatuez gaindikozko zuzenbideari loturik baitago.

Egia da Nafarroaren egoera berezitik abiatu beharra dagoela, Nafarroako Foru Eraentza Birrezarri eta Hobetzeari buruzko abuztuaren 10eko 13/87 Lege Organikoko 49.1.d) artikulua, foru araubideari jarraiki, administrazio kontratu eta kontzesioei buruz eskumen eskusiboa aitortzen dion neurrian, arlo horretako Estatuko legediaren oinarritzko printzipioak errespetatuz. Jurisprudentziak behin eta berriro zehaztu izan du horien identifikazio generikoa, Azalpen honen beste toki batean adierazi bezala.

Nafarroaren berezitasun horren ondorioa da Zioen Azalpen honekin batera doan testu artikuluduna, prestakuntzaldi luze baten emaitza dena.

Bestaldetik, Nafarroako Kontuen Ganbarak, Nafarroako Parlamentuko fiskalizazio organoa den aldetik, 1994ko urriaren 12ko data duen txostena prestatu zuen (1994ko urriaren 20ko Nafarroako Parlamentuko Aldizkari Ofizialean argitaratu zena), non, baitio, besteak beste, beharrezkoa dela Nafarroako Kontratuei buruzko geroko Foru Legeak lortu nahi den erreformarekin bat datorren Zioen Azalpen bat edukitzea, bere artikulua ulertzeko gakoak adierazten dituen eta legezko aurrekariak, lege berriaren justifikazioa, xedeak, egiturak, eragin dioten printzipioak, sartzeko dituen aldaketak eta abar biltzen dituen.

Gomendioan, begi bistakoa ezezik, garrantzitsua ere den horretan, aditzera ematen da gaurko egoeran interpretatzeko gako horietarako ezean sistematikoki Estatuko erregulaziora jo delako ordezko moduan.

Teknika hori Foru Lege honen testuaren bidez zuzentzen da. Izan ere, Zioen Azalpenak adierazten du zer kontu berri agertzen diren Nafarroako legedian eta zer oinarrik sortu duten erregulazioa. Horrela, geroan izan litekeen kudeatzaileak ideia bat izango du erregulazioa eragin duten printzipioei buruz.

Zuzenean aplikatzekoak diren Europako zuzentzarauak kontratazio publikoaren alorreko oinarritzko printzipioak finkatzen dituzte, maiatzaren 18ko 13/1995 Legean biltzen direnak eta, horietatik dira prestatzaileen iritziz, kontratazioari buruzko edozein arauzko garapenetan bildu behar diren gutxienekoak.

Hala ere, deusek ere ez du eragozten, berrituz eta printzipio horiekin bat, berdintasun, objektibotasun, gardentasun eta konkurrentzia publikoko printzipioekin bat datozen aldaketak proposatuz legeak egitea, printzipio horiek baitira oinarritzkoak eta botere publiko guztiak lotzen dituztenak.

Horregatik, aurrerago esaten denaren arabera, Foru Legea prestatzeko eginiko ahalegina Administrazioen funtzionamenduan aurkituriko beharrezko konpontzeko filosofiarekin dago loturik, dela Foru Komunitateko Administrazioa, dela tokian tokikoa, dela Unibertsitatekoa berekoa, hori ere espreski kontratuei buruzko erregulazioaren xedea baita.

Alegia, lortu nahi da testu berria lanabes erabilgarria izan dadila, benetako arazoei konponbideak eman diezazkiela eta berehala aplikatzekoa izan dadila.

-2-**Foru Legearen xedeak eta edukia**

2.1. Lehenago esan den bezala, Nafarroako Foru Eraentza Birrezarri eta Hobetzeari buruzko Lege Organikoko 49.1.d) artikulua behartzen du Foru Komunitatea, administrazio kontratazioaren alorrean, "Estatuak duen oinarrizko legediaren funtsezko printzipioak" errespetatzera.

Printzipio horien identifikazio generikoak ez du zailtasun handirik sortzen. Arlo horri buruzko jurisprudentziak behin eta berriro azpimarratu ditu nagusiak: publizitatea, konkurrentzia, objektibotasuna, berdintasuna, eta administrazioak zuzendu, ikuskatu, interpretatu, aldatu eta kontrolatzeko dituen ahalmenak. Hori horrela, Foru Lege honek berarekin dakar foru eskumenak oinarrizko legedian printzipio horiek dauzkaten bermeak sendotzeko moduan erabiltzea.

Oinarrizko legedian aipatzen diren gutxieneko bermeak gainditzeko xede hori Foru Legearen arauzko bilbean dautzan oinarrizko aukera batzuetan nabarmentzen da.

– Nafarroako Foru Eraentza Birrezarri eta Hobetzeari buruzko Lege Organikoko 49.1.d) (administrazio kontratazioa) eta 46 (toki administrazioa) artikuluetan aitorturiko eskumenek bideragarri egiten dute administrazio kontratazioaren araubidea Nafarroako esparruan homogeneizatzeko.

– Kontratatzeko betebeharrak, gaitasun, kaudimen, sailkapen eta debekuei buruzko oinarrizko eta Europako araudiek zirrikitu estua uzten diote foru araudiari, publizitate, konkurrentzia, berdintasun eta objektibotasun printzipioen osotasuna arriskuan jarri nahi ez bada. Izan ere, Europako araudiak Estatuko eta Foru Komunitateko arlo horietako legedien edukia neurri handi batean baldintzatzen du.

Dena dela, ñabartu behar da oinarrizko eta Europako Batasuneko legeriek ahalbidetzen dutela kontratisten foru sailkapena ezartzea, Estatuko Legean gaitasun tekniko, ekonomiko eta finantzarioa frogatzeko aurreikusiriko oinarrizko irizpideak muga bakarra izanik.

– Kontratazio motak zeinek bere berezitasunak dituen irizpideen arabera definitzen dira, Estatuko erregulazioko jarraibide nagusien kontra jo gabe.

– Haatik, berezko erregulazioa eman daiteke kontratzeko prozeduren alde formalei buruz, konkurrentzia eragozten duten oztupoak saihesteko.

– Pentsatu da Estatuko legeko berme era guztiak onartzea komenigarria ezezik juridikoki zuhu-

rra ere badela, oinarrizko araudia Nafarroako esparruan aplikatzearen ondoriozko disfuntzio, zehazgabetasun edo hutsune batzuk konpontzeko foru legedia egokitu badaiteke ere.

– Esleipen erei buruzko oinarrizko araudiari dagokionez, aukerarik hoberena da foru araudiak aurreikusten dituen publizitate eta konkurrentzia betebeharrak gehigarriak gaineratzea eta publizitatea eta konkurrentzia bultzatzen ez dituzten betebeharrak formal soilak kentzea. Arlo horretantxe dute foru eskumenek alde handiagoa lehendik zirriborraturiko kontratazio prozedurak berritu edo hobetzeko, eta horiei legezko maila emateko.

– Zuzendu, ikuskatu, interpretatu eta kontrolatzeko Administrazioaren botereei buruzko oinarrizko araudiaren aplikazioak saiatu behar du botere horien erabilera foru araudiak aurreikusten dituen prozedura arauari jarraituz gauzatu dadila.

2.2. Hona hemen Foru Lege honetako erregulazioaren xede nagusiak:

Kontratatzeko prozedurak Foru Komunitatean administrazio kontratuek dituzten berezitasunetara egokitzea. Horien ezaugarrien artean, beste kontu bereizgarriez gain, batezbesteko tamaina koantitatiboa Estatuko Administrazioarena baino txikiagoa dela.

Kontratazioaren funtsaren gaineko kontrola gehiago sustatzea kontrol formal hutsa baino.

Esperientziak erakusten du Administrazioa burdinazko kortse formalaz gerrikatzea, prozedurako faseen ugaltze soilaren bidez, ez dela lanabesik eraginkorra administrazio kontratazioa kontrolatzeko. Kontrakoa: interes publikoko ekimen iturriak lehor eta antzu bihurtzake.

Eraginkortasuna sustatzea, kontratazio espedienteen izapidatze burokratikoaren arinduz, kontratazioaren publizitate, gardentasun, berdintasun eta objektibotasuna deusetan galarazi gabe.

Horren guztiaren ondorio gisa, tresna erabilgarri bat eskaini nahi da kontratu publikoen kudeaketa errazteko, kontratazioaren gardentasun, objektibotasun, eraginkortasun, administrazio on, malgutasun eta administrazio eta gizarte errealitateko egokitzapen printzipioek gidatuko dutena.

Zalantzarik ez, xede horiek lortzea ez dago bakarrik -ez eta nagusiki ere- arauzko tresna onaren esku, erabilpen egokiaren esku baizik. Haatik, botere publikoen erantzukizuna da administrazio kudeatzaileak tresna juridiko egokiez hornitzea, kudeaketa arin, zentzuzko eta eraginkorra erraztearren.

2.3. Artikuluak kontratu motaren arabera banatu beharrean, Foru Lege honek darabilen sistematik aukeratu du kontratazio faseen bilakaerara doitzea. Foru Legea artikulatzeko modu horren xedea erabiltzeko erraztasun eta testuaren barne koherentzia handiagoak lortzea da. Oinarrizko legedian bezala, obra kontratuak utzi egiten dio kontratazio guztiaren ardatz egituratzailearen eginkizuna izateari.

2.4. Foru Legearen esparruak Nafarroako Administrazio Publiko guztiak hartzen ditu. Horrela, lehenbizikoz, Foru Komunitateko kontratazio publikoaren eginkizun bateratzailea beteko du, funtsezkoa dena. Halarik ere, Administrazio Publikoek beren menpeko sozietate publikoen esku prestazioak uzteko duten ahalmena (hots, sozietate horien estatutua) kontratuei buruzkoa ez beste legedia batean behar da mugatu.

2.5. Kontratazioaren arauzko egituraketaren funtsa kontratu moten sailkapenetik abiatzen da. Foru Lege honen xedea da sailkapen horren oinarrien kontzeptu juridikoen ezaugarriak behar den gardentasunez finkatzea, nahasketak saihestuko dituzten irizpide bateratzaileetan oinarrituz.

Hori horrela, aholkularitza eta laguntza, zerbitzu eta kasuan kasuko lan zehatzetarako kontratuak, Estatuko legedian ohikoak ez direnak, kontratu mota bakarrean biltzen dira: laguntza kontratuak izenekoan, hain zuzen ere. Horrela, kontratuak antzekoak diren kategoria horietan sailkatzeko zailtasunen ondoriozko alferrikako nahasketa nahi da saihestu.

2.6. Espedienteen izapidatze administratiborako arau orokorren ardatzak garbi daude:

– Funtsaren kontrol errealean eraginik ez duten izapidatzeak arintzea.

Kontratazio negoziatuan, teorikoki Kontratazio Mahaiek zeuzkaten hainbat eginkizun har ditzakete administrazio zerbitzuek. Praktikan, hala ere, eginkizun horiek kasuan kasuko zereginarekin lotura zuzenagoa zeukaten unitate organikoetatik etorritako kideek bakarrik betetzen zituzten (legetariak, kontuhartzaileak edo teknikari fakultatibok).

Kontratazio Batzordeak sortzeko aukera konfiantza hartu da, oinarrizko legediako Kontratazio Batzorde Aholkulariek dauzkaten eginkizunen antzekoak edukitzean ahalak dituztenak.

Foru Legeak prozedura arintzeko beste neurri asko biltzen ditu, interes bereziagatik hemen nabarmentzen direnez gain.

– Lizitatu eta eskaintzeko erraztasunak. Legezko testuak posible egiten du lizitatzailerak Administrazioak ofizios egiaztatzen dituen gora-beherei buruzko agiriak aurkeztetik salbuestea eta esleipen proposamenak, baita esleipenak berak ere, egiteko bide ematen du, kontratua formalizatu aitzin agiri batzuk aurkezten baldin badira. Azkeneko ekintza hori kontratatzeko prozesuko funtsezko une bezala agertzen da. Izan ere, kontratatzeko eskatzen diren betebeharrak alde aurretik egiaztatzea dakar eta exekutatzeko faseari bide ematen dio.

Hori horrela, interesgarria da Foru Legeak aukerako izaera ematen diola behin-behineko bermea ezartzeari. Ausarkeria ustearen kasuan kontratuaren salneurriaren % 100 adinako bermea eskatzeko bidea ere ez da hartu, oinarrizko legedian hala bildurik badago ere.

Halaber, kontratista beraren kontratu batzuk estaltzeko berme orokor bat sortzeko aukera aitortzen da, baina aipatzen da hura sortzeko modua, haren zenbatekoa, bermea aldatu ahal izateko edo aldatu behar izateko inguruabarrak eta aldaketak horren ondorioak zehaztuko dituen arauzko garapen egokia burutu beharra.

Foru Legeak agiri pribatuan osaturiko aldi baterako enpresari batasunekin kontratatzeko aukera aipatzen du. Aukera horrek erraztu egiten ditu aldi baterako enpresa batasunak osatzeko izapidatzeak, berme formalak nabarmenki ukitu gabe, agiri pribatua beti ere Administrazioaren eskuetan baitago.

2.7. Esleipen moduei buruzko zatiak biltzen ditu Foru Legearen alde berrietatik nabarmenenak agian.

Erregulazio horren oinarrizko xedea da izan litezkeen gehiegikeria eta akatsak kontrolatzerakoan izan beharreko estutasuna kontratuen benetako garrantzirako egokituago dauden bide formal malguekin konbinatzea, beharrezkoa ez den kasuetan zama burokratikoak gutxitzearen.

Foru Lege hau aldarrikatu baino lehenagoko urteetan formalki zuzenekoak ziren esleipen moduak asmatuak ziren, baina egitez irekiak zirenak, komunikabideak erabiltzen zirelarik publizitatea eta konkurrentzia sustatzeko. Baina Foru Lege honek prozedura negoziatuen formulazio bukatuago eta osatuagoa eman nahi du eta, legezko mailaren babesean, euskarri juridiko sendoa eskaini.

Foru Lege honek jasotzen duen esleipen sistemak bi oinarri ditu: batetik, prozedura irekien eta murriztuen arteko bereizketa eta, bestetik, prozedurazko betebeharren elkarren segidako mailaketa.

2.7.1. Lehenengo mailan prozedurazko betebeharrak gutxi-gutxiturik daude (orokorrean, fakturen bidez jardun ohi da). Maila hau oinarritzko legediako kontratazio xehearekin parekatzen da, zenbatekoak azken horren mugetakoak baino anitzez txikiagoak badira ere: 500.000 pezeta.

2.7.2. Bigarren mailan (publizitaterik gabe negoziaturiko prozeduran), goiko muga koantitatiboa oinarritzko legediako kontratazio xeheak duen bera duen horretan, aukeratzeko ahal da azken legedia horretan osaturik dagoen publikitaterik gabeko prozeduraren eta izapidatze laburtuko publikitaterik gabeko prozedura negoziatuaren artean. Azken kasu horretan, foru erregulazioaren azkeneko xedea prozedura erraztea delarik ere, Estatuko kontratazio xehekoak baino estuagoak diren betebeharrak eskatzen dira, kontratuen gardentasun, berdintasun eta objektibotasuna oinarritzko legediaren bidez baino hobeki kontrolatzearen. Funtsean, hiru berme nagusi hartzen dira kontuan:

– Gutxienez ere hiru enpresa behar dira kontsultatu, posible bada.

– Negoziatzeko prozesuak (haren deskripzioa ez da agertzen oinarritzko legedian, eta hutsune horri aurre egin nahi dio Foru Lege honek) kontsultatzeko fasea dauka bukaeran, non kontsultaturiko enpresa guztiek entzunak izateko eta baldintza administratibo eta tekniko berekin bat eskaintzak aurkezteko eskubidea izango baitute. Horretaz denaz agiri bidezko frogak agertu behar dute espedientean.

– Esleipen hartzaile izan ahal izateko, kontsulta horien arabera hautaturiko enpresak alde aurreko eskaintza baldintza administratibo eta teknikoaren araberrako eskaintza bihurtu behar du, segurtasun juridikoa bermatzearen.

– Negoziatzeko prozeduren gainerako kasuak, neurri handi batean, oinarritzko legedian aurreikusitako direnekin bat datoz, baina tratamendu bateratu eta sistematikoa ematen zaie artikulu bakarrean.

2.7.3. Beste prozedura negoziatu bat, publikitatearen prentsan daukana, osatzen da, oinarritzko legediako kontratazio xehearen goiko mugaren eta obra kontratuko 20.000.000 pezeten eta gainerako kontratu tipikoetako 10.000.000 pezeten arteko alde koantitatiboa hartzen duena. Prozedura horrek, konkurrentzia eta gardentasun printzipioak errespetatzen dituenak, posible egiten du kontratuaren izapidatzea arina eta malgua izan dadila. Hona hemen haren ezaugarri nagusiak:

– Prozedura edozein interesaturen partaide-tzarako irekirik dago.

– Lizitaziorako publikitateko bideak, prentsa bidez, horrek egitez zabalpen handia baitu, Administrazio Kontrataziorako Batzorde Aholkulariak sustengaturik, interesatuei informatzeko eskura dauzkan baliabideen arabera.

– Lizitaziorako gutxienezko epeak zenbateko txiki edo ertaineko kontratuen benetako beharretara egokituago daude, baina luzatzen ahal dira kontratuaren izaerak horretarako behartzen duenean.

– Posible da hasierako baldintza administratiboak lizitatzailerik proposamen teknikoetan aipaturiko hobekuntzen arabera aldatzea. Eskumen horrek behar diren berme formalak ditu, maulazko moduan erabilia izatea saihestearren.

– Posible da espediente administratiboa ebazpen bakarraren bidez gauzatzea, publikitaterik gabeko prozedura negoziatua bezala. Horrela ahalbidetzen da prozedura negoziatua bere benetako izaera juridikora egokitzea, horrek alde aurretik pleguak formalki onesteko beharrik ez baitu -eta batzuetan haren kontrakoa baita-, negoziatioaldian alda daitezke eta.

– Barne izapidatzerako betebeharrak gutxiago dira (Mahaiaren osaketa aukerakoa da).

2.7.4. Lehiaketa eta enkantea, oinarritzko legedian aurreikusirik kasuetan. Lehiaketari dagokionez, espreski aitortzen da enpresaren esperientzia eta kontratua burutzeko ekarritako baliabideak kontuan hartzeko eskumena, Europako Batasunak arlo hori arautzeko emaniko zuzentarauak aplikatzeko alde ekonomikoen azpitik esleitzeko irizpide gisa.

2.7.5. Europako Ekonomi Elkarteko 92/50 Zuzentarauko 11.c) artikuluan xedaturikoaren babesean, ideia eta proiektu lehiaketak sustantibotasun propioaleko institutu juridikotzat joko dira, ondorengo kontratutik bereizirik, azkeneko horri konkurrentzia betebeharrak kentzen ahalko bazaio ere.

Lizitatzeko epeak modu uniforme, sistematiko eta koherentean zehazten dira Foru Legean. Ahal den ber, arauen sakabanaketa eta nahasketa saihestu dira hain sentsiblea den afera horretan. Espreski adierazten da zer epe hasten diren esleipena jakinarazi eta biharamunetik, kontratuei buruzko oinarritzko araudiaren eta guztiendako administrazio prozedurako legediaren arteko kontrastesanaren ondoriozko nahasketa saihesteko.

2.8. Kontratua exekutatu, eten eta amaiarazteari dagokionez, arlo batzuetan, hala nola azpikontratazio eta kontratuaren amaiaraztean, oinarritzko legediaren aldean garrantzi gutxiko aldaketa eta

berme gehigarriez gain, azpimarratzekoa da kontratuaren aldaketak izapidatze formalen beharrik gabe egiteko aukera, baldin eta haien xedea kontratuan aurreikusiriko unitateak badira eta esleipenaren prezioaren ehuneko 10 baino gutxiago egiten badute.

Prezioen berraztertzea orokortu egiten da, oinarrizko legedian bezala, prezio altxatuak, tarifak eta ordainsariak deritzen gaurko motak onartzen dira, baita mota batzuen konbinazioa ere. Nafarroako Kontsumorako Prezioen Indizea da erabiltzekoa.

Harrera bakarreko sistema, oinarrizko legedian aurreikusirik dagoena, ezartzen da.

2.9. Kontzeptualizazio juridikoko ahaleginak egin dira kontratuen balio gabetasunari buruzko oinarrizko erregulaziotik nahasketa eragin dezaketen gorabehera disfuntzional eta izen baliobikoa kentzeko. Foru Legeak ondorio juridiko batzuk ematen dizkio balio gabetasunaren deklarazioari. Foru Legean zehazten diren ondorioak ez dira aldatzen, kontratuaren deuseztasunari edo deuseztagarritasunari dagozkion zioak direlarik ere haien jatorria.

2.10. Azkenik, interesgarria da obra kontratazioaren berezitasun batzuk nabarmentzea, hala nola, obrak osotasunaren gaineko prezio bidez kontratatzeko aukera, azterketa geoteknikoaren egin beharra, espreski eta zioak emanda salbuesirik dagoenean ezik, fondoak hornitzea kopuru zehaztezina duten unitateetarako, beste gorabehera interesgarriak beste. Zuinketa kontratazio espedientea izapidatu baino lehen eta proiektua onetsi eta gero eskatzen da. Lurren alde aurreko eskuragarritasunari buruzko deklarazio bat espedienteari gaineratzea dago aurreikusirik, ur eta bide azpiegiturarako obrak salbuetsiz, eta kasu batzuetarako prozedura laburtua ezartzen da. Proiektuen ikuskapena behar den malgutasunaz arautzen da, bideragarria izan dadin, Administrazio Publikoak ezin bete daitezkeen egin beharrez zamatuta gabe.

I. TITULUA

Xedapen orokorrak

I. KAPITULUA

Aplikazio eremua eta araubide juridikoa

1. artikulua. Aplikazio eremua.

1. Hurrengo ataletan aipatzen diren subjektuek izenpetzen dituzten kontratuak Foru Lege honetan eta hori garatzen duten erregelamenduzko xedapenetan ezartzen denari egokituko zaizkio, beti

ere, alorra arautzen duen Estatuko oinarrizko legediaren funtsezko printzipioak errespetatuz, Nafarroako Foru Eraentza Birrezarri eta Hobetze-ari buruzko Lege Organikoko 49.1.d) artikuluan ezarrikoarekin bat.

2. Foru Lege hau oso-osorik aplikatuko zaie:

a) Foru Komunitateko Administrazioari eta haren erakunde autonomoei.

b) Nafarroako Unibertsitate Publikoari.

c) Nafarroako toki entitateei eta haien erakunde autonomoei, horien berariazko foru legedian aipatzen diren berezitasunei aurka egiten ez dien guztian.

d) Nortasun juridiko propioa duten zuzenbide publikoko gainerako entitateei, a) letran aipatzen diren Administrazio Publikoetako edozeini loturik edo haien menpe badaude. Ondorio horietarako, betebeharrak hauek batera agertzen direnean ulertuko da lotura edo menpekotasun hori dagoela:

– Industriako edo merkataritzako izaerarik ez duten interes orokorreko beharrak espezifikoki asetzeko sorturiko entitateak direnean.

– Aipaturiko Administrazio Publikoek edo zuzenbide publikoko bestelako entitateek haien jarduera nagusiki finantzatzen dutenean edo haien kudeaketa kontrolatzen dutenean edo haien administrazio, zuzendaritza edo zaintzako organoetako kideen erdiak baino gehiago izendatzen dituztenean.

3. Foru Lege honek enpresen gaitasunari, publizitateari, lizitzatzeko prozedurei eta esleipen erei buruz dituen arauak aplikatuko zaizkie:

a) Lehengo ataletan zehazturiko esparruan ez dauden zuzenbide publikoko entitateei, izenpetzen diren kontratuetan betebeharrak hauek batera agertzen direnean:

– Obra kontratuak edo haiei loturiko laguntza kontratuak direnean, baldin eta, haien zenbatekoak, Balio Erantsiaren gaineko Zerga kendurik, obra kontratuen kasuan 5.000.000 ecu edo gehiago egiten duenean, edo, aipatu den beste edozein kontratuen kasuan, 200.000 ecu edo gehiago egiten duenean.

– Kontratuak finantzatzeko iturri nagusia Administrazioetik zuzenean edo zeharka datozen kapital transferentzia edo ekarpenen ondoriozkoa denean.

b) Beste edozein subjektu kontratugileri, izenpetzen diren kontratuek betebeharrak hauek guztiak betetzen dituztenean:

– Haien xedea izatea ingeniartzat zibileko obrak egitea; ospitaleak, kirol, jolas edo aisialdiko ekipamenduak eraikitzea; eskola edo unibertsitateetako eraikinak eta erabilpen administratiboko eraikinak, baita obra kontratu horiekin zerikusirik duten laguntza kontratuak ere.

– Administrazioak zenbatekoaren ehuneko 50 baino gehiagotan diruz laguntzea, baldin eta, zenbateko osoa, Balio Erantsiaren gaineko Zerga kendurik, 5.000.000 ecu edo gehiagokoa bada, obra kontratuak izanez gero, edo 200.000 ecu edo gehiagokoa bada, laguntza kontratuak izanez gero.

4. Publizitate eta konkurrentzia printzipioak Foru Komunitateko sozietate publikoek eta toki entitateetakoek izenpetzen dituzten kontratuei aplikatuko zaizkie, egin beharreko eragiketaren izaera printzipio horiekin bateraezina denean izan ezik.

2. artikulua. Obra publikoen kontzesio-hartzaileri aplikatzea.

1. Obra baten kontzesio-hartzailea Administrazio Publiko bat izanez gero, hirugarrenekin egiten dituen obra kontratuetan, Foru Lege honetan xedaturikora egokitu beharko du bete-betean.

2. Kontzesio-hartzaile pribatuak izanez gero, hirugarren batekin izenpetzen dituzten kontratuak Foru Lege honetan ezarritako publizitate arauen menpe jarri beharko dituzte, salbu eta kontratuaren prezioa 5.000.000 ecu baino gutxiago bada, Balio Erantsiaren gaineko Zerga kendurik, edo esleitu izateko publizitaterik gabe negoziaturiko prozedura erabiltzen bada.

Ondorio horietarako, ez dira hirugarrentzat joko kontzesioa eskuratzeko elkaturiko enpresak, ez eta haiei loturikoak ere.

3. Loturiko enpresatzat joko dira, zuzenean edo zeharka, kontzesio-hartzailearen eragin menperatzailea izan dezaketen horiek edo eragin hori haren gainean izan dezaketenak edo, kontzesio-hartzailea bezala, jabetza, finantza partaidetza edo bertako arauengatik beste enpresa baten eragin menperatzailearen nagusitasunpean dauden horiek.

Ulertuko da eragin menperatzailea dagoela enpresa batek, beste bati dagokionez, zuzenean edo zeharka:

a) Harturiko kapitalaren gehiena daukanean.

b) Enpresak luzaturiko partaidetzei dagozkien botorik gehienak daukanean.

c) Enpresaren administrazio, zuzendaritza edo kontrol organoko kideen erdiak baino gehiago izenda ditzakeenean.

4. Kontzesiorako eskaintzak aurkezten dituzten eta lehen aipaturiko inguruabarretan dauden enpresek, haiekin batera, enpresa lotuen zerrenda aurkeztu beharko dute.

3. artikulua. Salbuetsiriko negozio eta kontratuak.

1. Foru Lege honen esparrutik at gelditzen dira:

a) Funtzionario publikoen zerbitzu harremanak eta lan legedian arauturiko kontratuak.

b) Administrazioak zerbitzu publiko bat ematek eratorritako harreman juridikoak, administrazio zerbitzu hori erabiltzeko ahalmena badaukate, erabiltzaileendako aplikazio orokorrekoa den tarifa, tasa edo prezio publikoa ordainduz.

c) Administrazio Publikoek, erakunde autonomoek eta Foru Lege honi atxikiriko zuzenbide publikoko entitateek elkarrekin edo beste administrazio, erakunde edo entitate publiko batzuekin izenpeturiko lankidetzat hitzarmenak.

d) Kasuan kasuko arauen arabera, Administrazioak zuzenbide pribatuari atxikiriko pertsona fisiko edo juridikoekin izenpetzen dituen lankidetzat hitzarmenak, haien xedea Foru Lege honetan edo administrazio arau berezietan arauturiko kontratuetan jasota ez badago.

e) Merkataritza, industri, finantza edo antzeko izaerako erakunde autonomoen zuzeneko jardueri buruzko hornidura kontratuak, ukitzen dituzten ondasunak ondareko trafikora itzuliak izateko eskuratu badira, eraldaturik edo eraldatu gabe, kasuan kasuko helburuen arabera, sortu zituen arauak esleitu zizkien berezko eskumenak erabiltzen baldin badihardute erakunde horiek.

f) Arbitraje eta adiskidetzat zerbitzuetarako kontratuak.

g) Balore negoziagarrien edo bestelako finantza tresnen salerosketa eta transferentziarekin Espainiako Bankuak emaniko zerbitzuekin zerikusia duten kontratuak. Halaber, ulertzen da kanpogan gelditzen direla, alde batetik, aplikatzeak diren aurrekontu arauetan aurreikusiriko beharrak finantzatzeko buruturiko edozein motatako finantza eragiketen, hala nola, mailegu, kreditu edo antzeko izaerako, instrumentazioarekin zerikusirik duten kontratuak eta, bestetik, lehengo onduziozko interes tasen eta truke tasen arriskuak estaltzeko itunduriko finantza tresnekin zerikusirik duten kontratuak ere bai.

h) Administrazioaren eta zuzenbide pribatuko sozietateen arteko harremanak, horien kapitalean haren partaidetza nagusi bada, dela zuzenean, dela zeharka.

2. Lehengo letretan aipatzen diren kasuak arau berezien bidez erregulatuko dira eta sor litezkeen zalantza eta hutsuneak konpontzeko Foru Lege honetako printzipioak aplikatuko dira.

4. artikulua. Kontratuen izaera administratiboak eta pribatua.

1. Administrazioak izenpetzen dituen kontratuek izaera administratibo eta pribatua izango dute.

2. Kontratu administratiboak dira:

a) Tipikoak, haien zuzeneko xedea obrak burutzea, zerbitzu publikoak kudeatzea, hornidurak eskuratzea bada, eta laguntzakoak.

b) Atipikoak edo bereziak, haien xedea lehen-goienak ez beste bada, baina izaera administratiboa baldin badute, Administrazioaren giro edo trafikoz zehatzari loturik egoteagatik, haren eskumen bereziko helburu publiko bat zuzenean edo berehala betetzeagatik, edo lege lerruna duen arau batek hala deklaratzegatik.

3. Administrazioak izenpetzen dituen gainerako kontratuek izaera pribatua izango dute; bereziki, salerosi, eman, trukatu, errentan jartzeko kontratuek eta ondasun higiezinak, jabetza gorpuzgabeen eta balore negoziagarrien gaineko antzeko negozio juridikoei buruzkoak.

5. artikulua. Kontratu administratiboen araubide juridikoa.

1. Kontratu administratiboak, haien prestakuntza, esleipen, ondorio eta iraungipenari dagokionez, Foru Lege honen eta haren erregelamenduzko xedapenen bidez arautuko dira; haien ordez zuzenbide administratiboko gainerako arauak aplikatuko dira eta, horrelakorik ezean, zuzenbide pribatuko arauak.

Orden juridikzional kontentzioso-administratiboa izango da eskudun bi aldeetan sortzen diren liskarrak konpontzeko.

2. Kontratu administratibo bereziak beren arauen bidez zuzenduko dira lehentasunez. Kontratu horien klausula administratibo partikularren pleguan agertaraziko da:

a) Kontratu administratibo bereziak direla.

b) Kontratistak betebeharra betetzeko eman behar dituen bermeak.

c) Administrazioak eskumena duela kontratu interpretatzeko, haren betetzearen ondoriozko zalantzak ebazteko, interes publikoko zioengatik aldatzeko, haren amaiera erabakitzeko eta ondorioak zehazteko.

d) Jurisdikzio kontentzioso administratiboak duela eskumena haien inguruan sor daitezkeen aferak aztertu eta ebazteko.

3. Mota ezberdineko beste administratibo batzuei dagozkien prestazioak dauzkaten kontratuei kontratu administratibo misto iritziko zaie. Horietan, sailkatzeko eta arautzen dituzten arauak aplikatzeko, ikuspuntu ekonomikotik garrantzi handiena duen prestazioa hartuko da kontuan.

6. artikulua. Kontratu pribatuen araubide juridikoa.

1. Administrazioaren kontratu pribatuak, haien prestakuntza eta esleipenari dagokionez, kasuan kasuko arau administratiboen ezean, Foru Lege honen eta hori garatzen duten xedapenen bidez arautuko dira eta, haren ondorio eta iraungipenari dagokionez, zuzenbide pribatuko arauen bidez.

2. Salerosi, eman, errentan jarri eta trukatzeko kontratuak eta ondasun higiezinak, jabetza gorpuzgabeen eta balore negoziagarrien gaineko gainerako antzeko negozio juridikoen kontratuak kasuan kasuan aplikatzeko den ondareari buruzko legediaren bidez arautuko dira.

3. Orden juridikzional zibila izango da eskuduna kontratu pribatuetan aldeetan artean sortzen diren liskarrak konpontzeko. Hala ere, egintza juridiko bereizgarritzat joko dira kontratuaren prestakuntza eta esleipenari dagokionean ematen direnak eta, horren ondorioz, orden juridikzional kontentzioso-administratiboan aurkatzen ahalko dira, jurisdikzio horri buruzko araudiaren arabera.

7. artikulua. Ituntzeko askatasuna.

Administrazioak egoki deritzen kontratu, itun eta baldintzak hitzartzen ahalko ditu, baldin eta interes publikoaren, ordenamendu juridikoaren edo administrazio oneko printzipioen kontrakoak ez badira, eta horien arabera bete beharko ditu, Foru Lege honek haren alde ezarritako eskumena deusetan galarazi gabe.

II. KAPITULUA

Administrazioaren kontratuen xedapen amankomunak

8. artikulua. Kontratuen betebeharrak.

1. Administrazioaren kontratuak publizitate eta konkurrentzia printzipioei egokitu zaizkie, salbu eta Foru Lege honetan ezarritako salbuespenetan

eta, beti ere, berdintasun eta bereizkeriarik ezeko printzipioei.

2. Foru Lege honetan aurreikusiriko salbuespenetan izan ezik, hauexek dira kontratuak egiteko baldintzak:

- a) Kontratazio organoa eskuduna izatea.
- b) Kontratista esleipen hartzaileak gaitasuna izatea.
- c) Kontratuaren objektua zehazturik egotea.
- d) Prezioa ezarririk egotea.
- e) Behar adinako kreditu egokia egotea, kontratuaren ondorioz Administrazioarendako eduki ekonomikoko eginbeharrak sortzen badira.
- f) Espedientea izapidatzea. Horri bera arautuko duten klausula edo baldintzen pleguak eta gas-tuaren aurrekontuaren zenbatekoa gaineratuko zaizkio.
- g) Eduki ekonomikoko egintza administratibok alde aurretik fiskalizatzea.
- h) Organo eskudunak gastua onestea.
- i) Kontratua formalizatzea.

9. artikulua. Abstenitzea eta errefusatzeta.

Kontratazio prozeduretan parte hartzen duten agintari eta Administrazioaren zerbitzuko langileek abstenitu egin beharko dute edo ezetsiak izaten ahalko dira, Administrazio Publikoen Araubide Juridikoari eta Guziendako Administrazio Prozedurari buruzko Legean ezarritako moduan.

10. artikulua. Kontratuaren prezioa.

1. Kontratuak beti ere prezio zehatza izango dute, merkatura egokitua, nazioko monetan adieraziko dena eta kontratistari egiazki eginiko prestazioaren arabera eta hitzartuarekin bat ordainduko zaiona. Kontratuan ezarritako baldintzek atzerriko monetan ordaintzera behartzen dutenean, nazioko monetako guztirako prezioaz gain, haren gehieneko zenbatekoa eta dibisa mota ere adierazi beharko dira.

2. Foru Lege honen testuan kontratuaren zenbatekoa aipatzen den bakoitzean, ulertuko da haieran Balio Erantsiaren gaineko Zerga sarturik dagoela, espreski kontrakoa adierazten denean izan ezik.

3. Kontratuaren prezioen berraztertzea Foru Lege honetan ezarritakora egokituko da.

4. Prezioaren ordainketa geroratua debekatu da, Foru Lege batek espreski baimentzen badu izan ezik.

5. Administrazioak kontratuak finantzatzeko dituen, prestazioaren exekuzioak behar duen errit-mora egokiturik. Helburu horretarako, bai urteko sariak programatzean bai exekutatzeko ere beharrezko diren neurriak hartu beharko ditu kontratazio organoak.

III. KAPITULUA Kontratazio organoak

11. artikulua. Kontratuak izenpetzeko eskumena.

1. Kontratuak Foru Komunitateko Administrazioaren izenean eta hura ordezkatzuz izenpetzeko ahalmena arau hauek zuzenduko dute:

- a) Eskumen orokorra kontseilariari dagokien kasuan kasuko eskurantzaren barruan.
- b) Erregelamendu bidez arautuko diren baldintzetan, Ekonomi eta Ogasun kontseilariari dagokien kontratazio zentralizatuaren xede diren hornidura edo prestazioak zehaztea. Kasu horretan, kontratatzeke eskumena kontseilari horri eratzkitzen zaio.

Segurtasunerako osagaiak, material eta ekipo informatikoak eta haien eranskin, ordezkoko pieza eta osagarriak eskuratzea xede duten hornidura kontratuak Lehendakaritza eta Barne kontseilariak izenpetuko ditu.

Halaber, Lehendakaritza eta Barne kontseilariari dagokien segurtasun zerbitzuen kontratazio zentralizatua.

c) Kontratatzeke eskumenak banatzen ahalko dira, Nafarroako Gobernuak Foru Dekretu bidez hala erabakitzen badu.

d) Nafarroako Gobernuak erregelamendu bidez ezartzen dituen baldintzetan, hark departamentuetan eta erakunde autonomoetan kontratazio batzordeak osatzea baimentzen ahalko du. Horiek kontratazio organo gisa arituko dira.

2. Foru Komunitateko Administrazioari loturik edo horren menpe dauden erakunde autonomo eta zuzenbide publikoko entitateetan, kontratuak izenpetzeko eskumena haien legezko ordezkariari dagokien baina, 100 milioi pezetatik goitiko kontratuetarako, atxikirik daudeneko departamentuaren titularraren alde aurreko baimenaren beharra edukiko dute.

3. Nafarroako toki entitateetan kontratatzeke eskumena kasuan kasuko arauen arabera ezarriko da.

12. artikulua. Nafarroako Gobernuaren baime-na.

1. Foru Komunitateko Administrazioaren, haren erakunde autonomoen eta hari loturik edo haren menpe dauden zuzenbide publikoko entitateen kontratazio organoek Nafarroako Gobernua-ren baimena beharko dute kontratu hauek izenpe-tzeko:

a) 200.000.000 pezetatik goitiko aurrekontua dutenak eta zenbateko txikiagokoak ere bai, kontratazio organoak, kontratuaren garrantziagatik, Nafarroako Gobernura igortzea erabakitzen duenean, horrek baimen dezan.

b) Urte anitzetako kontratuetan, Nafarroako Ogasun Publikoari buruzko Foru Legean aurreiku-sirikoarekin bat.

Nafarroako Gobernuak eskatu ahal izango du, hala nahi bada, beste edozein kontraturen berri izatea eta horretarako baimena ematea.

2. Lehengo lerroaldean aurreikusirikoarekin bat, Nafarroako Gobernuaren baimena behar duten kontratuetan, baimen hori kontratazio espe-dientea onetsi aitzin emango da. Hori, gastuaren onespena bezala, kontratazio organoari dagokio.

3. Nafarroako Gobernuak baimentzen dituen kontratuetan, haren baimena ere beharko da, amaitzea ekar lezaketan aldatetak egiteko eta, hala bada, amaitzeko ere.

II. TITULUA

Kontratu administratibo tipikoak

I. KAPITULUA

Kontzeptua eta oinarritzko araubidea

1. Sekzioa

Obra kontratuaz

13. artikulua. Obra kontratuaren xedea.

Foru Lege honen ondorioetarako, obra kontra-tutzat jotzen da Administrazioak eta enpresari batek izenpetzen dutena, haren xedea baldin bada:

a) Higiezin izaera duten ondasunak egitea, hala nola, errepideak, burdinbideak, ubideak, urte-giak, eraikinak, gotorlekuak, aireportuak, monu-mentuak, instalazioak eta ingeniariaritzaz zibileko beste edozein antzeko.

b) Lurzoruaren edo azpilurraren forma edo fun-tsa aldatzen duten lanak burutzea, hala nola, dra-gatuak, zundaketak, prospekzioak, injekzioak, ingurugiroaren gaineko eraginaren zuzenketa, hirigintza jarduketak eta beste antzeko batzuk.

c) Aurreko letretan zehazten direnak eraberri-tu, konpondu, zaindu edo eraistea.

14. artikulua. Kontzesio kontratuaren kontzep-tua.

1. Obra publikoen kontzesiotzat jotzen da, aurreko artikuluko edukietarikoren bat xede duela, esleipen hartzailearen aldeko kontraprestazioa obra ustiatzeko eskubidea duena edo eskubide hori ezezik prezio bat ere hartzekoa duena.

2. Kontzesioak obra kontratuetakoa arau oroko-rrer atxikiko zaizkie eta, partikularzki, haien publi-zitateari buruzkoei, 66. artikuluan aurreikusiriko berezitasunak berezitasun.

3. Kontzesio-hartzaileak 104. artikuluan ezarri-kora egokitu beharko du obraren ustiapenean.

2. Sekzioa

Zerbitzu publikoak kudeatzeko kontratuaz

15. artikulua. Araubide orokorra eta kontrata-zio motak.

1. Zerbitzu publikoak kudeatzeko kontratuak dira Administrazioak pertsona natural edo juridiko bati bere eskumeneko zerbitzu publiko baten kudeaketa esleitzeko helburua dutenak, baldin eta haien eduki ekonomikoagatik enpresari partikula-rrak ustia baditzakete.

Botere publikoei dagokien agintaritzaz erabil-tzea dakarten zerbitzuak ez dira behin ere zehar-kako kudeaketaren bidez ematen ahalko.

2. Zerbitzu publikoak kudeatzeko zerbitzuak Foru Lege honen bidez arautuko dira, 95, 96, 118 eta 125. artikuluetan ezarritakoa izan ezik, eta kasuan kasuko zerbitzuko xedapen berezien bidez, hari kontra egiten ez badiote.

3. Foru Lege honetako xedapenak ez dira apli-katzekoak izango zerbitzu publikoaren kudeaketa helburu horretarako sorturiko zuzenbide publikoko entitateen bidez egiten deneko kasuetan, ez eta hura zuzenbide pribatuko sozietate bati esleitzen zaioneko kasuetan ere, haren kapitalean Adminis-trazioaren edo horren ente publiko baten partaide-tza bakarra edo nagusia bada.

4. Zerbitzu publikoen kudeaketaren kontrata-zioa mota hauetariko edozeinetara egokituko da:

a) Kontzesiora. Horren bidez enpresariak bere gain hartuko ditu zerbitzua kudeatzearen arris-kuak.

b) Kudeaketa interesatura. Horren bidez, Administrazioak eta enpresariak zerbitzuaren ustiapenean emaitzetan parte hartuko dute, kon-tratuak ezartzen duen proportzioan.

c) Kasuan kasuko zerbitzu publikoa osatzen duten prestazioen antzekoak ematen aritu den pertsona natural edo juridikoarekiko itunera.

d) Errentamendura.

e) Ekonomia mistoko sozietatera. Horretan, Administrazioak, bere bidez edo entitate publiko baten bidez, pertsona natural edo juridikoekin batera hartuko du parte.

5. Zerbitzu publikoak kudeatzeko kontratuak kontratatzeke espeditetan argi eta garbi zehaztu beharko da kudeaketaren esparrua, bai eginkizunei dagokienez, bai lurraldeari dagokionez.

16. artikulua. Iraupena.

Zerbitzu publikoak kudeatzeko kontratuetan nahitaez haien iraupena eta izan litzakeen luzapena ezarriko da. Epe osoa, luzapenak barne, ez da behin ere hirurogeita hamabost urte baino gehiagokoa izaten ahalko.

3. Sekzioa **Hornidura kontratuaz**

17. artikulua. Kontzeptua.

1. Foru Lege honen ondorioetarako, hornidura kontratuak dira produktu edo ondasun higigarriak erosi, errentan hartu edo eskuratzea xede dutenak, jabetza gorpuzgabei eta balore negoziagarrii dagozkienak izan ezik, horiek kasuan-kasuan aplikatzekoa den ondare legediaren bidez arautuko baitira.

2. Beti ere, hauexek hartuko dira hornidura kontratatutak:

a) Enpresaria ondasun anitz elkarren ondoren eta prezio unitarioan ematera behartzen dutenak, kontratua izenpetzean zenbateko osoa guztiz zehazturik egon gabe, entregak Administrazioaren beharren arabekoak izateagatik.

b) Informazioa tratatzeko ekipo eta sistemak, haien dispositiboak eta haien programak erosi eta errentan hartzea eta azken horiek erabiltzeko eskubidea lagatzea.

c) Fabrikaziokoak. Horien bidez enpresariak eman beharreko gauzak Administrazioak alde aurretik ezarritako ezaugarri berezien arabera prestatu behar dira, Administrazioa, osorik edo partzialki, behar diren materialak aurkeztera beharturik badago ere.

3. Klausula administratibo partikularren kasuan kasuko pleguan kontratazio organoak ezartzen dituen obra kontratuko arau orokor eta bereziak zuzenean aplikatuko zaizkie fabrikazioko hornidu-

rei, horien publizitateari buruzkoak izan ezik, beti ere, hornidura kontratuarekin bat etorriko direnak.

Mota horretako kontratuak Europako Batasuneko kideak ez diren atzerriko estatuarekin izenpetzen direnean eta haien objektua Espainiatik kanpo fabrikatzen edo hortik kanpotik ekartzen denean, lege honen bidez arautuko dira, bi aldeek nazioarteko merkataritzan indarra duten arau eta ohiturekin bat erabakitzen dutena deusetan galaz gabe.

4. Halaber, informazioa tratatzeko ekipoak eta sistemak, haien dispositiboak eta programak mantentzea ere horniduratzat joko da, erosketarekin edo errentamenduarekin batera kontratatzen denean.

18. artikulua. Informazioaren tratamendua.

Foru Lege honen aplikazioaren ondorioetarako, ulertuko da:

a) Informazioa tratatzeko ekipoak direla makinak edo makina eta dispositibo multzoak, daudela elkarri loturik edo ez, informazioaren erabilera helburu batzuetarako prestatzeko behar diren eragiketak burutzeko gauza badira.

b) Ordenagailuko programa dela jarraibide edo adierazpide sekuentzia oro, sistema informatiko batean, zuzenean edo zeharka erabilia izateko bada, edo eginkizun edo jarduera bat egiteko edo halako emaitza bat lortzeko, edozein delarik ere hura adierazten eta finkatzen deneko era.

c) Programazioa dela programak sortu, aztertu, idatzi eta probatzeko eginkizunen multzoa, hala nola zerbitzu bat abian jartzeko eta klausula partikularren kasuan kasuko pleguan zehazten diren lan guztiak burutzeko behar diren prestaketa jarduerak ere bai.

d) Informazioa tratatzeko sistemak direla informazioa sartu, prozesatu, bildu, atera eta kontrolatzeko gai diren ekipo eta programez osaturiko sistemak, datu bidezko eragiketen sekuentzia bat burutzea xede dutenak.

19. artikulua. Errentamendua eta luzapena.

1. Errentamendu kontratuan, errentan ematen duenak, kontratuak indarra duen epean, haren objektua mantentzeko betebeharra hartuko du bere gain. Administrazioak mantentzearen kanon gisa ordaindu behar dituen diru kopuruak, horrelakorik ordaindu behar izatekotan, errentamenduaren prezioa osatzen dutenetatik bereizita ezarriko dira.

2. Errentamendu kontratuan ez da luzapen taziturik onartuko eta luzapen espresua ez da

behin ere izango aurreko kontratualdiaren erditik goitikoa.

4. Sekzioa **Laguntza kontratuez**

20. artikulua. Kontzeptua.

1. Laguntza kontratuak dira Administrazioari edozein zerbitzu ematea xede dutenak, partikularzki:

a) Teknika, antolamendu edo gizarte izaerako txosten, azterketa, plan, proiektu edo aurreproiektuen idazketa prestatzea edo horretan laguntzea.

b) Obrak eta instalazioen burutze edo mantentzea, antolamendu sistemen ezarpena eta, orokorrean, Administrazioak kontratatzen dituen prestazioak zuzendu, ikuskatu edo kontrolatzea.

c) Ondasunak, ekipoa eta instalazioak mantendu, zaindu, garbitu eta konpontzekoak.

d) Administrazioarendako neurri garaturiko ordenagailu programak, hark askatasun osoz erabiltzekoak izango direnak.

2. Botere publikoei dagokien agintaritzaren erabilteza dakarten zerbitzuak ez dira kontratu horien xede izaten ahalko.

21. artikulua. Iraupena.

1. Laguntza kontratuak ez dute edukitzen ahalko lau urtetik goitiko indarraldirik. Hala ere, kontratua berean haren luzapena aurreikusten ahalko da, bi aldeak ados daudela, hura bukatu aitzin. Kontratuak, guztira, luzapenak barne, sei urteko iraupena edukitzen ahalko du, gehienez ere.

Aurrekoa deusetan galarazi gabe, kontratu horiek obra edo hornidura kontratuen osagarri direnean, denbora gehiago irauten ahalko dute, baina kontratu nagusiaren iraupena gainditu gabe, salbu eta kontratu nagusiaren kitapenarekin loturiko lanak dauzkaten kontratuetan, horien azkeneko epea harena baino luzeagoa izango baita, lan horiek burutzeko behar adina, alegia.

Ondorio hauetarako, lan osagarritzat joko dira kontratu nagusiaren xede diren prestazioak egoki egiteko beharrezkotzat jotzen den xedea dutenak.

2. Administrazioaren defentsa juridiko eta judizialerako kontratuak beharrak modu egokian beteitzeko behar den luzapena izango dute.

II. KAPITULUA **Administrazioaren eskumenez**

22. artikulua. Administrazioaren eskumenak.

1. Foru Lege honetan aipaturiko mugei, betebeharrari eta ondorioei loturik, kontratazio organoak kontratuak interpretatzeko, horien betetzeak sor ditzakeen zalantzak ebazteko, horiek interes publikoko zioengatik aldatzeko, horiek amaiazztea erabakitzeko eta horren ondorioak zehazteko eskumenak dauzka.

Kasuan kasuko erabakiek bukaera emango diote bide administratiboari eta berehala exekutiboak izango dira.

Espedientean entzun egingo zaio kontratistari eta kontratazio organoaren zerbitzu juridikoak txostena luzatuko du.

2. Kasu hauetan, nahitaezkoa izango da Estatu Kontseiluak txostena ematea:

a) Interpretazio, deuseztasun eta amaiazzteari dagokienean, kontratista aurka agertzen denean.

b) Aldaketetan, haien zenbatekoa, bakarrik edo besterekin batera, kontratuaren esleipen-prezioaren 100eko 20 baino gehiago denean, prezio hori 1.000.000.000 pezeta edo gehiago izanik.

23. artikulua. Errekurtsoak eta arbitraia.

1. Bide administratiboari bukaera ematen dioten erabaki guztien aurka bidezko izango da errekurtsio kontentzioso administratiboa, jurisdikzio hori arautzen duen legean xedaturikoaren arabera.

2. Arbitrajearen menpean jartzea Ogasun Publikoari buruzko Foru Legean edo beste Administrazio Publiko batzuen kasuan kasuko arauetan ezarritako betebeharrari lotuta egongo da.

III. TITULUA

Administrazioarekin kontratatze betebeharrak

I. KAPITULUA

Enpresen gaitasuna eta kaudimena.

24. artikulua. Enpresen ahalmena.

1. Pertsona natural edo juridikoek, espainol nahiz atzerritar, kontratatzen ahalko dute Administrazioarekin, jarduteko gaitasun osoa badaukate eta kaudimen ekonomiko, finantzario eta tekniko edo profesionala frogatzen badute. Azken betebeharraren ordez kasuan kasuko sailkapena erabiltzeko da, hori eskatzen ahal den kasuetan.

Sozietate talde bateko pertsona juridiko gaitartzaileen kasuan, taldeko sozietateak hartzen ahalko dira kontuan, pertsona juridiko gaitartzailearen gaitasun ekonomiko, finantzario eta tekniko

edo profesionala edo, hala bada, behar den sailkapena frogatzeko, baldin eta kontratuak beteazterako behar diren sozietate horien baliabideak egiazki eskura dauzkala frogatzen badu pertsona juridiko gainartzaile horrek.

2. Pertsona juridikoak diren enpresen jarduteko gaitasuna Merkataritza Erregistroan inskribaturiko eratzeko eskrituraren edo, hala bada, aldaketa eskrituraren bidez frogatuko da, Merkataritza Erregistroan inskribaturik egotea aplikatzeko den merkataritza legediaren arabera eskatzen ahal denean. Eskatuko ez balitz, enpresaren jarduerari buruzko arauak agertzen direneko eratzeko edo aldaketa eskritura edo agiriren, estatutuen edo eratzeko egintzaren bidez frogatuko litzateke aritzeko gaitasuna, hala bada, kasuan kasuko erregistro ofizialean inskribaturik.

3. Europako Komunitateko kideak diren Estatu-tuetako enpresa ez espainolak direnean, aski izango da lanbide edo merkataritza erregistro batean inskribaturik daudela frogatzea, betebehari kasuan kasuko Estatu-tuetako legediak eskatzen duenean.

4. Espainiak kasuan kasuko Estatu-tuetan daukan ordezkari-tza diplomatikoak luzatuko duen ziurtagiriaren bidez frogatuko dute atzerriko gainerako enpresek beren jarduteko gaitasuna.

5. Kaudimen ekonomiko, finantzario, tekniko edo profesionala frogatu behar den kasuetan, kontratazio organoek iragarkian zehaztu egingo dute zer egiaztatze baliabide erabiliko diren hurrengo artikuluetan aipatzen direnen artetik.

25. artikulua. Gaitasun ekonomiko eta finantzarioa.

1. Enpresariaren gaitasun ekonomiko eta finantzarioa baliabide hauetarikoren bat edo batzuen bidez frogatzen ahalko da:

a) Finantza erakundearen txostenaren bidez edo, hala bada, lan arrisku-tuetarako kalteordaineko aseguru-a dagoela frogatzen duen agiriren bidez.

b) Sozietateak izanez gero, balantzeak edo balantzeen laburpenak aurkeztuz, haiek ezarri-rik daudeneko estatu-tuetan horiek argitaratzea nahitaezkoa bada.

c) Enpresak azken hiru ekitaldietan egindako negozio guztien eta obra, hornidura, zerbitzu edo lanen kopuruari buruzko deklarazioaren bidez.

d) Klausula administratibo partikularren ple-guan edo Administrazioak ezartzen dituen baldin-tzetan eskatzen den beste edozein agiriren bidez.

2. Justifikaturiko zioengatik, enpresari batek eskatzen zaizkion erreferentziak aurkez ez badi-tzake, beste edozein agiriren bidez frogatzen ahalko du bere gaitasun ekonomiko eta finantzarioa, baldin eta Administrazioak horri aski baderi-tzo.

26. artikulua. Kaudimen tekniko-a obra kontra-tuetan.

Obra kontratu-tuetan enpresariaren kaudimen tekniko-a baliabide hauetariko bat edo batzuen bidez frogatzen ahalko da:

a) Enpresariaren eta enpresako koadroen titulu akademiko-en eta esperientziaren bidez eta, partikularzki, obren arduradunen bidez.

b) Azken bost urteetan eginiko obren zerrenda eta horrekin batera, garrantzitsu-enen kasuan, ongi burutu direla frogatzen duten agiriak.

c) Enpresariak obrak burutzeko edukiko dituen makinak, materiala eta ekipo tekniko-a adierazten dituen deklarazio-a.

d) Enpresako urteko batezbesteko giza baliabi-deak eta azken hiru urte-tuetako zuzendaritza talde-en garrantzia adierazten dituen deklarazio-a.

e) Enpresak obrak burutzeko eskura dauzkan teknikari edo unitate teknikoak adierazten dituen deklarazio-a, enpresan sarturik daudela edo ez.

27. artikulua. Hornidura kontratu-tuetarako kau-dimen tekniko-a.

Hornidura kontratu-tuetan, enpresariaren kaudimen tekniko-a honako bide hauetariko bat edo batzuen bitartez egiaztatatu beharko da:

a) Azken hiru urteetan egindako horniketa garrantzitsu-enen zerrendaren bidez, horien prezio-a, data eta destino-a (publiko-a edo pribatua) adieraziz, guztien ziurtagiri-ekin batera.

b) Talde teknikoaren deskribapena, kalitatea bermatzeko hornitzaileak hartzen dituen neurriak eta enpresak azterketa eta ikerketetarako dituen baliabideak azalduz.

c) Kontratuan parte hartuko duten teknikariak edo unitate teknikoak, enpresan integratuak egon ala ez, adieraziz, batez ere kalitatearen kontrolaz arduratuko direnak.

d) Ekarri beharreko produktuen lagin, azalpen eta argazkien bidez.

e) Kalitatearen kontrolaz arduratzen diren insti-tutu edo zerbitzu ofizial edo homologatuek eman-dako ziurtagiri-en bidez, artikulua hainbat zehaz-tapen edo arau-ekin bat datoze-la egiaztatzen dutenak.

f) Administrazioak edo, horren izenean, eskumena duen Estatuaren erakunde ofizial batek egindako kontrolaren bidez (enpresaria haren barruan baldin badago), beti ere erakunde horren erabakia egonda, ekarri beharreko produktuak bereziak direnean edo, salbuespen gisa, helburu partikularra dutenean; kontrol hori produzitzeko ahalmenen ingurukoa izango da eta, beharrezkoa balitz, enpresariak azterketa eta ikerketak egiteko duen gaitasunaren ingurukoa. Enpresariak kalitatea kontrolatzeko hartu dituen neurrien gaineko kontrola ere egingo da.

28. artikulua. Gainerako kontratuetarako gaitasun tekniko edo profesionala.

Foru Lege honek arautzen dituen gainerako kontratuetan, enpresariaren gaitasun tekniko edo profesionala haien ezagutza tekniko, esperientzia, eraginkortasun eta fidagarritasunaren bidez baloratu da. Hori egiaztatzeko honako baliabideren bat edo batzuk erabili ahalko dira, kontratu-motaren arabera:

a) Enpresariaren eta enpresaren zuzendaritzako kideen titulazio akademiko eta profesionalak, batez ere kontratua exekutatzearen ardura izango duten langileenak.

b) Azkeneko hiru urteetan egindako zerbitzu eta lan garrantzitsuenen zerrenda, horien prezioa, data eta onuradun publiko edo pribatuen izenak adieraziz.

c) Kontratuan parte hartuko duten teknikariaren edo unitate teknikoaren deskripzioa, kontratistaren enpresan zuzenean integratuak egon ala ez, batez ere kalitatearen kontrolaz arduratuko direnena.

d) Azkeneko hiru urteetan, urtean batezbesteko langile kopurua zein den eta zuzendaritza langileen plantila azaltzen duen deklarazio bat.

e) Kontratua aurrera eramateko enpresariak dituen instalazioak, materiala eta talde teknikoaren deklarazioa.

f) Enpresariaren kalitatea kontrolatzeko harturiko neurriei buruzko deklarazioa, baita azterketa eta ikerketetarako dituzten baliabideei buruzkoa ere.

g) Zerbitzu edo lan konplexuak direnean edo, salbuespen gisa, helburu berezia dutenean, kontratazio organoak edo, horren izenean, enpresaria sartuta dagoen Estatuaren erakunde eskudun ofizial edo homologatu batek egindako kontrola, bertan erakunde horrek enpresariaren gaitasun tekniko eta, beharrezkoa balitz, azterketa eta ikerketetarako dituen baliabideak eta kalitatea kontrolatzeko neurriak aitortuz.

29. artikulua. Kontratatzeko debekuak.

Honako egoeraren batean dauden pertsonak ezin izango dute, inolaz ere, kontratu harremanik izan Administrazioarekin:

a) Epai irmoaren bidezko zigorra izatea, haue-tariko delituen bat dela kausa: faltsukeria, jabetzaren aurkako delituak, funtzionario eroskeria, diru publikoak gaizki erabiltzea, influentzia-trafikoa, funtzionarioek debekaturik dituzten negozioetarako aritzea, isilpeko informazioa jakinaraztea edo lehentasunezko informazioa erabiltzea, edo Ogasun Publikoaren aurkako delituak.

Kontratatzeko debekuak pertsona juridikoak ere hartuko ditu, beren administratzaile edo ordezkariak arestian aipatu egoeran daudenean, eta karguan edo ordezkaritza postuan segitzen baldin badute, pertsona juridiko haien izenean edo haien onurarako egindako jarduketan ondorioz edo delituaren subjektu aktibo izateko eskatzen diren baldintza, ezaugarri edo harremanak tartean dituzten jarduketan ondorioz.

b) Porrot egoera, hartzekodunen konkurtso egoera, edozein prozeduratan kaudimen gabeko kobraezin edo eskuhartze judizialaren menpeko deklaratu izana; kendu eta itxaroteko espedientea hasia izatea edo ordainketak eteteko edo porrot egoera edo hartzekodunen konkurtsoa deklaratzeko eskaera judiziala egina izatea, birgaitzen ez dituzten bitartean, hori posible den kasuetan.

c) Administrazioarekin egindako edozein kontratuen amaiazte irmoa behartu izana, errudun deklaratuak izan diren kausa bat dela-eta.

d) Epai irmoaren bidezko zigorra izatea, laneko segurtasun eta higienezko aurkako delituengatik edo laneko askatasun eta segurtasunaren aurkako delituengatik. Halaber, irmoki zigortua edo zehatua izatea, merkatuaren diziplinaren arloko, lanbide arloko edo minusbaliatuak lanean integratzearen arloko delitu edo arau-hauste larria dela kausa edo, arlo sozialeko arau-hauste eta zehapenei buruzko apirilaren 7ko 8/1988 Legearen xedatutakoaren arabera, arlo sozialeko delitu edo arau-hauste oso larria dela kausa. Zigor penala denean, artikulua honetako a) letraren bigarren lerroaldean adierazitakoa aplikatuko da.

e) Pertsona fisiko edo pertsona juridiko horren administratzaileak, kasuan kasuko legedia berariazkoaren arabera, kontratatze bateraezintasun egoeran egotea edo Hauteskundearen Araubide Orokorren buruzko ekainaren 19ko 5/1985 Lege Organikoan agertzen diren kargu hautetsietakoren bat izatea, bertan ezarrita dagoen bezala.

Debekuak hartuko ditu, halaber, aurreko lerroaldean adierazi diren pertsonen ezkontideak, bizikidetzatza afektiboko antzeko harremana duten pertsonak eta haien ondorengoak, azken hauen legezko ordezkariak haien esku baldin badago.

f) Indarra duten xedapenek ezartzen dituzten zerga ordainketak edo Gizarte Segurantzakoak eguneraturik ez izatea, erregelamendu bidez ezarrita dagoenaren arabera.

g) Foru Lege honek edo honen garapen arauak eskatzen dituzten deklarazioak Administrazioari aurkezteko orduan faltsukeria larria egin izana.

h) Emandako sailkapena bertan behera uzteko erabakietan edo Administrazio Publikoren batekin kontratatzeke ezgaitasun deklarazioetan enpresariari ezarritako beharkizunak ez betetzea.

i) Espainiarrak ez, Europako Batasuneko kide diren beste estatuak enpresariak badira, lanbide edo merkataritza erregistro batean inskribatuta ez egotea, enpresari horiek lanean non diharduten, estatu hartako legeek ezarritako baldintzetan.

j) Dirulaguntza eta laguntza publikoen arloko arau-hausteengatik irekitako administrazio prozeduraren ondorioz eta tributu arloko arauak haustearen ondorioz kontratatzeke debekua ekarri duen zehapena jasoa izatea.

k) Behar bezala sailkaturik ez egotea, kasua bada, edo nahiko kaudimen ekonomiko, finantzario eta tekniko edo profesionalik ez frogatzea.

30. artikulua. Deklarazioa egiteko prozedura eta ondorioak.

1. Aurreko artikuluko b), e), f), i), j) eta k) letretan bildu diren egoeren ondoriozko kontratatzeke debekuak kontratazio organoek zuzenean onartuko dituzte eta indarra izango dute debeku horren eragile izan den egoerak irauten duen bitartean.

2. Aurreko artikuluko a) eta d) letretan aurreikusita dauden egoeren ondoriozko kontratatzeke debekuak Administrazio Publikoen Kontratuei buruzko maiatzaren 18ko 13/1995 Legean aurreikusitakoari egokituko zaizkio haien aplikazioari eta eragin eremuari dagokienean.

3. Aurreko artikuluko c) eta g) letretan aurreikusitako kasuengatik kontratatzeke debekua deklaratzeko eskumena Administrazio kontratugileari dagokio eta artikuluko bereko h) letretan aurreikusitako kausarengatik bada, hautsi den debekua ezarri zuen Administrazioari. Sailkapena eteteko erabakia urratu denean, Ekonomi eta Ogasun kontseilariak izango du ardura hori, sailkapena eteteko erabaki hura berak ezarri zuen kasuetan.

Kontratatzeke debekuaren deklarazioak eragina izango du erabaki hori hartzen duen Administrazioaren esparruan bakarrik, salbu eta sailkapena eteteko deklarazioak dakartzen beharkizunak urratzeari buruzkoak, horren eragina Foru Komunitateko kontratazio organo guztietara hedatuko baita. Kontratatzeke debekuaren deklarazioa Estatuko Administrazio Orokorriari jakinaraziko zaio, interes publikoei eragindako kaltea ikusita, debeku horren izaera orokorra deklaratu dezan.

Idazati honetan aipaturiko kausek eragindako kontratatzeke debekua deklaratzeko Nafarroako Administrazio Publikoek irekitzen dituzten prozeduretan, ebazpen proposamena ematea Administrazio Kontratazioarako Batzorde Aholkulariari dagokio.

Nafarroako Foru Komunitateko Administrazioaren, haren erakunde autonomoen eta hari loturiko edo haren menpeko zuzenbide publikoko entitateen esparruan kontratatzeke debekua deklaratzeko eskumena Ekonomi eta Ogasun kontseilariari dagokio.

Aurreko c), g) eta h) letretan aipaturiko kasuetan oinarritzen diren kontratatzeke debekuen deklarazioak Foru Komunitatean ere aplikatuko dira, Estatuko Administrazio Orokorriari eman baldin baditu edo, debekuaren eragin esparrua autonomikoa edo tokikoa bada ere (Nafarroatik kanpoko alegia), Administrazio horrek eragin orokorrekoak deklaratzeko baditu.

4. Aurreko idazatian aipatu debekuaren norainokoa erregelamendu bidez ezarriko den moduan balioetsiko da, kasua bada, enpresariak dolua edo ageriko fede gaiztoa izan ote duen eta interes publikoari eragindako kaltea nolakoa izan den ikusita. Debekua, beti ere, bost urtekoa izango da, gehienez.

5. Artikulu honetan ezarritakoa aplikatzearen ondorioetarako, eskumena duten agintari eta organoek Administrazio Kontratazioarako Batzorde Aholkulariari jakinarazi beharko dizkiote dagozkion prozeduretan izandako epai, zehapen eta ebazpen irmoak, artikuluko honetan aipatu espedienteak edo Ekonomi eta Ogasun kontseilariak eman zuen sailkapena bertan behera uzteko espedienteak bidera daitezkeen, edo egoki den erabakia har dadin.

Halaber, Administrazio Kontratazioarako Batzorde Aholkulariak Estatuko Administrazio Kontratazioarako Batzorde Aholkulariari eta autonomi erkidegoetan eskumena duten organoek jakinarazi beharko dizkie Foru Komunitatearen esparruan harturiko zehapen eta ebazpen irmo guztiak, kon-

tratatzeko debekua edo sailkapena bertan behera uztea ekar lezaketenak, alegia.

Gainera, Estatuko Administrazioako Administrazio Kontrataziorako Batzorde Aholkulariak nahi beste datu eta aurrekari bildu ahalko ditu, kontratatze debekua ezarri edo sailkapena bertan behera uzteko espedienteak bideratzeko beharrezkoak direnak.

6. Aurreko artikuluan aipatu diren Administrazioarekin kontratatze debeku-egoeretan ez daudela frogatzeko, enpresariak testigantza judiziala zein administrazio ziurtagiria erabil dezakete, kasuan-kasuan. Agiri hori agintari eskudunak luzatzerik ez duenean, haren ordezkari erantzukizun deklarazio bat aurkez daiteke, administrazio agintari baten, notario publiko baten edo erakunde profesional kualifikatu baten aurrean emana edo, bestela, agintari judizial baten aurrean emandako erantzukizun deklarazioaren bidea erabili ahalko dute, baina beti ere Europako Batasunaren kide diren estatuetako enpresak direnean eta aukerabide hori kasuan kasuko estatuko legedian aurreikusita baldin badago.

31. artikulua. Ahalmen edo gaitasun ezaren eta kontratatze debekuen ondorioak.

Jarduteko ahalmen edo gaitasun eza duten pertsonen aldeko eta, halaber, 29. artikuluan aipatu kasuren batean daudenen aldeko kontratu esleipenak deusezak izango dira zuzenbide osoz. Hori galarazi gabe, kontratazio organoak erabaki ahalko du enpresariak kontratua burutzen segi dezan, hitzarturiko klausulen pean, interes publikoari egin dakizkiokeen kalteak ekiditeko beharrezkoa den bitartean.

32. artikulua. Laguntza kontratuatarako bate-raezintasun berezia.

Obra edo instalazioen burutze edo mantentze edo antolamendu sistemen ezarpena zuzendu, gainbegiratu edo kontrolatzeko helburua duten laguntza kontratuak ezin izango zaizkie esleitu obra kontratuen esleipena hartu duten enpresei, ez eta, Foru Lege honen 2.3. artikuluan zehaztutakoaren arabera, haiei loturik dauden enpresei ere, salbu eta baldintza-orrietan kontratua espresei eta erabakia arrazoituz adierazten bada.

33. artikulua. Europako Batasunetik kanpoko enpresak.

1. Europako Batasunekoak ez diren estatuetako pertsona fisiko edo juridikoek egiaztatu behar dute, kasuan kasuko estatuko legediaren arabera, kontratatze eta obligazioak hartzeko erabateko ahalmena dutela eta nahiko gaitasun

ekonomiko, finantzario, tekniko eta profesionala dutela eta, horretaz gain, dokumentazioarekin batera, dagokion Espainiako ordezkari diploma-diplomakoaren txostena aurkeztu behar dute, enpresa atzerriarraren jatorrizko Estatuak Administrazioarekiko kontratazioetan Espainiako enpresek antzeko baldintzetan parte hartzea onartzen duela frogatzen duena. Obra kontratuetan beharrezkoa izango da, gainera, enpresa horiek sukurtsalen bat irekita izatea Espainian, eragiketarako egiteko ahalduak edo ordezkariak izendatuak izatea eta Merkataritzako Erregistroan inskribaturik egotea.

2. Zenbatekoa dela-eta Europako Batasuneko Aldizkari Ofizialean lizitazio iragarki bat argitaratzea galdatzen duten kontratuetan alde batera utzi behar da aurreko idatzian aipatutako elkarrekotasun txostena, Merkataritzarako Mundu Erakundearen Kontratazio Publikorako Hitzarmena sinatu zuten estaturen bateko enpresei dagokienez.

34. artikulua. Enpresari batasunak.

1. Administrazioak kontratuak sinatu ahalko ditu helburu horretarako elkartzen diren aldi baterako enpresari batasunekin eta batera aurkezten diren lizitatuzaileekin. Lehenengo kasuan batasun hori eskritura publiko batean formalizatu behar da, baina beharkizun hori ez da eskatuko harik eta esleipena bere alde gauzatu arte.

Elkartzen diren lizitatuzaileak solidarioki egongo dira behartuak administrazioaren aurrean eta ordezkari edo ahaldu bakar bat izendatu behar dute, kontratutik datozen beharkizunak bete eta eskubideak baliatzeko ahalmen askietsia izango duena, kontratua iraungi arte, deusetan galarazi gabe enpresek kobraketa eta ordainketa garrantzitsuetarako beste ahalmen mankomunatu batzuk ematea.

2. Sailkapena beharrezkoa den kasuetan, Espainiako enpresariak, Europako Batasunetik kanpokoak zein Europako Batasunekoak batzen badira edo elkarrekin parte hartzen badute, lehenbiziko biek sailkapena frogatu behar dute eta azkenekoek, horrelakorik ez badute, gaitasun ekonomikoa, finantzarioa eta teknikoa edo profesionala.

Zenbait enpresak batera parte hartzen duten kasuetan, enpresari batasunen sailkapenari buruzko xedapenak aplikatuko dira.

II. KAPITULUA Kontratisten sailkapena

35. artikulua. Sailkapen kasuak.

1. Estatuak finkatzen duen kopuruaren adina-ko edo hortik gorako aurrekontua duten obra, laguntza edo, kasua bada, hornidura kontratuak Administrazioarekin izenpetu ahal izateko, ezinbesteko baldintza izango da enpresariak alde aurretik dagokion sailkapena edukitzea.

2. Espainiakoak ez, Europako Batasuneko kide diren beste estatuetako enpresariak nahikoa izango dute kasuan kasuko kontratazio organoaren aurrean hauxe frogatzea: gaitasun ekonomikoa eta finantzarioa, teknikoa edo profesionala frogatzea, Foru Lege honen 25, 26 eta 28. artikuluetan adierazi bezala, eta 29.i) artikuluan aipatu Erregistroan inskribaturik daudela; hori guztia 69. artikuluan ezarritakoa deusetan galarazi gabe.

3. Salbuespen gisa, Nafarroako Gobernuak, Administrazio Kontrataziorako Batzorde Aholkulariaren txostena izanik eta interesaturik dagoen departamentuak, erakundeak edo toki-entitateak zein zuzenbide publikokoak proposaturik, sailkatu-rik ez dagoen enpresa batekin kontratatzea baimendu ahalko du, interes publikoa dela kausa, komenigarria denean.

36. artikulua. Sailkapenerako salbuespenak eta Europako Komunitateko sailkapen ziurtagiriak.

1. Pertsona fisikoei esleitzen zaizkien laguntza kontratuetan, pertsona horiek duten unibertsitate mailako titulazio akademikoagatik kontratuaren xedea burutzeko ahalmena baldin badute eta kasuan kasuko lanbide elkargoan inskribaturik baldin badaude (horrelako elkargorik badago eta inskripzioa beharrezkoa den kasuetan), ez da beharrezkoa izango sailkapena edukitzea, 28. artikuluan xedatutakoa galarazi gabe.

2. Unibertsitatearen Erreformari buruzko abuztuaren 25eko 11/1983 Lege Organikoaren 11. artikuluan adierazi kasuetan ez zaie unibertsitateei eskatuko kontratista sailkapena edukitzea, Administrazioaren kontratuen esleipen hartzaileak izateko.

3. Europako Batasuneko kide diren estatuek bertako enpresariaren alde luzaturiko sailkapen ziurtagiriek edo antzeko agiriek gaitasun presuntzioa emango dute kontratazio organoen aurrean, honakoetan ezarritakoaren ondorioetarako: 25.1 artikuluko b) eta c) letrak, 26. artikuluko b) eta d) letrak; 27. artikuluko a) letra; 28. artikuluko a) letra eta 29. artikuluko a), b), d) eta i) letrak.

37. artikulua. Sailkapenari aplikatu beharreko araubidea.

1. Enpresak sailkatzeko araubidea Administrazio Publikoen Kontratuari buruzko maiatzaren 18ko

13/1995 Legean eta horren garapen arauetan bil-
dutakoa izango da.

2. Ekonomi eta Ogasun kontseilaria, Administrazio Kontrataziorako Batzorde Aholkulariak proposaturik eta erregelamendu bidez ezarriko den bezala, izango da sailkapenari buruz erabakitze-ko eskumena izango duen organoa, baita horiek berrikusi eta bertan behera uzteko ere, Foru Lege honen aplikazio esparruaren barruan dauden entitateekin izenpetzen diren kontratu-entitateetarako, eta horretarako estatuko legeetan ezarritako dauden arau eta irizpideak aplikatuko dira.

Kontratu horietan baliozkoak izango dira, hala-ber, Ekonomi eta Ogasun Ministerioko Administrazio Kontrataziorako Batzorde Aholkulariak eginda-ko sailkapenak.

III. KAPITULUA Administrazioarekin kontratatze- eskatuko diren bermeak

38. artikulua. Behin-behineko bermeak.

1. Kontratazio organoek ahalmena dute administrazio klausula partikularren orrian adierazteko beharrezkoa dela aurretik kontratuaren aurrekontuaren % 2ko behin-behineko bermea kontratazio organoaren eskura jartzea, erabilitako prozedura edozein delarik ere. Kontratuaren aurrekontutzat Administrazioak finkatzen duen lizitazio oinarria hartuko da, salbu eta aurrekontua aurretik zehaztu ez den kasuetan, horietan kontratazio organoak estimazio bidez finkatuko baitu.

Zerbitzu publikoak kudeatzeko kontratu-entitateen behin-behineko bermearen zenbatekoa zerbitzuaren izaera, garrantzia eta iraupenaren arabera finkatuko da, kasuan-kasuan.

2. Behin-behineko bermea honela eratu behar-ko da:

a) Eskudirutan, Estatuak, autonomi erkidego batek, administrazio kontratugileak edo hurrengo letran aipatzen diren entitateetako batek abalaturiko balore pribatuen edo balore publikoen bidez, kasuan-kasuan erregelamendu bidez ezar daitezkeen baldintzei jarraikiz.

b) Espainian eragiketak egiteko baimena duen banketxe, aurrezki kutxa, kreditu kooperatiba eta elkarrekiko bermerako sozietate batek emandako abalaren bidez, erregelamenduzko moduan eta baldintzetan.

c) Kauzio aseguruaren kontratuaren bidez, kauzioaren arloan eragiketak egiteko baimena duen entitate aseguratzaile batekin sinatua, erre-

gelamendu bidez ezartzen diren baldintzetan eta moduan.

3. Behin-behineko bermea kontratuaren esleipena egin eta berehala itzuliko zaie interesatuei, baina esleipen hartzaileari atxiki egingo zaio.

4. Kontratistari egotz dakizkiokeen arrazoiengatik, kontratua formalizatzen ez bada, 92. artikuluan xedatutakoari jarraikiko zaio.

Behin-behineko bermea eskatzen ez den kasuetan, esleipen hartzaileari egotzi beharreko arrazoiengatik kontratua ezingo balitz formalizatu, Administrazioari ordaindu beharko dio kontratuaren aurrekontuaren % 2 eta, gainera, eragindako kalte eta galerak ordaindu beharko ditu. Hala ere, eskatu ahal izango den kalteordaina hasierako kopurutik gora gelditzen den aldeari dagokiona bakarrik izango da.

5. Hurrengo artikuluko 3. idazatian aipatzen den berme orokorra jarri baldin bada, ez da behin-behineko bermerik jarri beharko, honen ondorioak izango baititu.

39. artikulua. Behin betiko bermeak, berme bereziak eta osagarriak.

1. Foru Lege honetan arauturik dauden kontratuetako esleipen hartzaileak beharturik daude esleipen prezioaren % 4ko behin betiko bermea jartzera kontratazio organoaren eskura, edozein delarik kontratua esleitzeko prozedura eta modua.

Hori gorabehera, zerbitzu publikoak kudeatzeko kontratuetan behin betiko bermeen zenbatekoa kontratazio organoak finkatu eta administrazio klausulen orrian adieraziko du, zerbitzuaren izaera, garrantzia eta iraupenaren arabera.

2. Behin betiko bermeak aurreko artikuluko 2. idazatian adierazi bezala eratu beharko dira. Laguntza kontratuetan preziotik atxiki ahalko da, beti ere administrazio klausula partikularren orrian hori aurreikusita baldin badago.

3. Aurreko idazatian adierazitakoaren ordeztan, kontratistak berme orokor bakarra jarri ahalko du, Administrazio edo kontratazio organo batekin izenpetzen dituen kontratu guztietarako, kontratu bakoitzerako zehaztapenik egin gabe, erregelamendu bidez ezarriko den moduan.

Berme orokorrak ziurtatu egiten du, orohar eta etenik gabe, Administrazio publiko edo kontratazio organo berarekin sinaturiko eta indarra duten kontratuetatik datozkion baldintzak betetzeko esleipen hartzaileak duen erantzukizuna, kontratuaren esleipen prezioaren % 4ra bitarte, deusetan galaz gabe berme orokorraren gainerako dirua

Administrazioari eragindako kalte eta galerak ordaintzeko erabiltzea, bidezkoa denean.

Aldiro, berme orokorra gerta litezkeen erantzukizunen ondorioetara egokituko da, jarri zen garaiko maila bertsua etengabe mantentzearen.

4. Kasu berezietan, kontratazio organoak ezarri ahalko du administrazio klausula partikularren pleguan berme osagarri bat, esleipen prezioaren 100eko 6rainokoa. Ondorio guztietarako, osagarri horrek behin betiko bermearen izaera izango du.

5. Egindako proposamena hasiera batean ausarkeria presuntziopean izan duen enpresari bati esleipena egiten bazaio, kontratazio organoak eskatuko dio kontratistari esleipen prezioaren % 50eko behin betiko bermea jar dezan, 1. idazatian aipatu denaren ordeztan (100eko 4), eta hortaz, aurreko idazatian adierazitakoa ez da aplikatuko. Berme hori kitatzeko 45. artikuluan xedatutakoari jarraikiko zaio.

40. artikulua. Salbuespenak eta baimenak, bermeak jartzeari dagokionez.

1. Honako kasuetan ezin izango da bermerik eskatu, ez behin-behinekorik ez behin betikorik:

a) Legearen arabera, kontratista Administrazioarekiko kontratu harremanetan bermeak jartzetik salbuetsita dagoenean.

b) Honako hornidura kontratuotan:

– Zerbitzu publikoen enpresa kontzesio-hartzaileekin hitzarturikoak, 17.2.a) artikuluan adierazi horniduretarako baldin badira.

– Prozedura negoziatuaren araubidekoak, kontratistak ondasun kontsumigarriak edo hondatu daitezkeenak berehala ematen dituztenean, prezioa ordaindu baino lehen, bermealdia dagoen kasuetan izan ezik.

– Enpresa hornitzailea atzerrikoa denean eta kontratua nazioarteko merkataritza usadioei jarraituz bermatzen denean.

2. Zerbitzu publikoak kudeatzeko kontratuetan, Nafarroako Gobernuak edo Foru Lege honetan bildutako beste entitateetako dagokion organoak behin betiko bermea jartzeko salbuespenak eman ditzake, kasu berezietan.

3. Laguntza kontratuetan kontratazio organoak ahalmena izango du administrazio klausula partikularren pleguan behin betiko bermea eratu beharria kentzeko, salbuespen horretarako arrazoiak eman beharko dituelarik.

41. artikulua. Behin betiko bermea jartzea eta egokitzea.

1. Esleipen hartzaileak kreditatu beharko du hogeit eguneko epean behin betiko bermea jarri duela, kontratua esleitu zaiola jakinarazten zaionetik hasita. Esleipen hartzaileari leporatu beharreko arrazoiengatik, beharkizun hori betetzen ez bada, Administrazioak amaiaraziko du kontratua.

2. Zigorrek edo kalteordainek indarra hartzen duten egunetik hasita epe horretan berean, esleipen hartzaileak bermea berriztatu edo handitu beharko du, behar adina, bestela kontratua amaiarazi ahalko baita.

3. Kontratua aldatzearen ondorioz, prezioa ere aldatzen baldin bada, behin betiko bermea egokitu beharko da, prezio harekin behar den proportzioa izan dezan, 1. idazatian aipatu epearen barruan, aldaketaren jakinarazpena egin eta biharramunetik aurrera kontratua.

42. artikulua. Bermeen esparrua.

Behin betiko bermeek honako kontzeptu hauek estaliko dituzte:

a) Kontratua exekutatzearen ondorioz, kontratistari ezartzen zaizkion zigorrak, batez ere 95. artikuluan biltzen direnak, horiek ziurtapenetatik kentzerik ez dagoenean.

b) Kontratutik datozen betebeharrak, kontratistak obligazioak berandu betetzeagatik Administrazioari eragindako gastuak eta Administrazioari eragindako kalte eta galerak, bai kontratua exekutatatu bitartean, bai, amaiarazi gabe, kontratua bete ez denean.

c) Kontratua amaiarazten den kasuetan erabaki daitekeen inkautazioa, kontratuan edo, izaera orokorrean, Foru Lege honetan ezarritakoari jarraikiz.

d) Hornidura kontratuetan, behin betiko bermeak erositako ondasunetan ager daitezkeen akats edo hutsak estaliko ditu, kontratuan aurreikusten den bermealdiaren barruan.

43. artikulua. Bermeak exekutatzeko lehentasuna.

1. Administrazioak izango du behin betiko bermeaz baliatzeko lehentasuna gainerako hartzeko-dun guztiekiko, edozein delarik horien izaera eta hartarako aurkezten duten titulua.

2. Bermea erantzukizunei aurre egiteko nahikoa ez denean, Administrazioak gainerakoa premiamenduzko administrazio prozeduraren bidez kobratuko du, dirubilketarako arauetan ezarritakoari jarraikiz.

44. artikulua. Hirugarrenek jarritako bermeak.

1. Kontratataren aldeko bermea jartzen duten bestelako pertsona edo entitateak Nafarroako Foru Zuzenbide Zibilaren Bildumako 525. Legean aurreikusitako desenkusa eskubideaz ezin ahalko dira baliatu.

2. Abalista edo aseguratzailea alde interesatutzat hartuko da, emandako bermea ukitzen duten prozeduretan, Administrazio Publikoen Araubide Juridikoari eta Guztiendako Administrazio Prozedurari buruzko Legean aurreikusia dagoen bezala.

3. Kauzio aseguruaren kontratua:

a) Aseguru hartzailea kontratista izango da eta aseguratua Administrazio kontratugilea.

b) Prima ez ordaintzeak, bakarra, lehenengoa edo ondorengoak izan, ez dio eskubiderik emango aseguratzaileari kontratua amaiarazteko eta ez da kontratua iraungiko, ez eta aseguratzailearen estaldura etengo, ez eta, aseguratzaileak bermea ordaindu behar duen kasuetan, betebehari hori desagertuko ere.

c) Aseguratzaileak aseguruari ezin izango dizkio jarri aseguru-hartzailearen aurka dagozkion salbuespenak.

45. artikulua. Behin betiko bermeak itzuli eta kitatzea.

1. Kontratuaren likidazioa onarturik, kontratua behar bezala bete ondoren edo kontratataren errurik gabe amaiarazirik eta bermealdia bukatu ondoren, bermea itzuli edo abala kitatu egingo da.

2. Kontratuan adierazitakoaren zati bat baino ez bada hartu, kontratistak bermearen proportzioz zatia itzuli edo kitatzea eskatu ahalko du, ez gehiago, administrazio klausula partikularren orrian hori egitea espreski baimentzen baldin bada.

3. Kontratuak lagatzen direnean, lagapena egin den duenak jarritako bermea ezin izango da itzuli edo kitatu, harik eta lagapen-hartzaileari dagokion bermea formalki eratzen den arte.

4. Kontratua amaitzen denetik urte bat igarotzen baldin bada, kontratatu denaren harrera formala eta likidazioa egin gabe eta hori kontratistari egotzi ahal zaizkion kausengatik ez bada izan, bermea itzuli edo kitatuko da, atzerapen gehiagorik gabe, beti ere 42. artikuluan aipatu erantzukizunik ez bada.

5. Foru Lege honetako 39.5 artikulua babesean eraturiko bermeak direnean, kontratuaren harrera edo adostasuna egin ondoren, garai batean aurkezturiko bermearen orde bestea bat jarri beharko da, esleipen prezioaren 100eko 4koa,

artikulu honetako 1 eta 4. idazatiei jarraikiz kitatu beharko dena.

IV. TITULUA

Esleipenaren aurretiko jarduketak

I. KAPITULUA

Kontratua prestatzeko administrazio jarduketak

I. Sekzioa

Xedapen orokorrak

46. artikulua. Kontratazio espedienteak.

1. Foru Lege honetan aurreikusitako salbuespenak galarazi gabe, administrazio kontratu guztietan kontratazio espedienteak izapidatu beharko da aurretik. Bertan kontratazioaren beharra justifikatuko da dagokion zerbitzu publikoaren helburuak betetzeko eta gastuaren onespina eta, horrelakorik baldin bada, kontratua arautuko duten administrazio klausula partikularren orriarena ere erantsiko da.

Espedientean bilduko dira, halaber, kontratua exekutatzeko finkaturiko agindu teknikoak, txosten juridikoa eta kontuhartzaitzaren fiskalizazioa.

2. Kontratazio espedienteak osaturik, kontratazio organoak arrazoibidezko ebazpena emango du hura onesteko eta esleipen prozedurari hasiera emateko xedatzeko. Ebazpen horretan gastuaren onespina ere adieraziko da, 83.1.a) artikuluan aurreikusitako salbuespen kasuan izan ezik edo deskontzentrazio arauetan, horrelakorik bada, kontrakoa ezarri ezik.

3. Kontratazio espedienteari hasiera eman ahal zaio kontratazio organoaren ebazpenaren bidez edo horren menpeko administrazio unitateen ekinbidez. Azken kasu honetan, kontratuaren deialdia egiteko legez eskatzen diren agiri eta txostenak espedienteari erantsi baldin bazaizkio, kontratazio organoak kontratazio espedienteak onetsi eta esleipen prozedurari hasiera emateko agindua eman ahalko du, arrazoibidezko ebazpen bakar baten bidez.

4. Jatorri ezberdinetako ekarpenekin finantzatu diren kontratuetan, espedientean egiaztatu beharko dira horien guztien eskuragarritasuna eta horien ordainketaren ordena, horretarako berme bat ere gehituz.

5. Kontratazio espedienteak izapidatu ahal izango dira, eta are kontratua esleitu ere, nahiz eta kontratuaren exekuzioa hurrengo ekitaldian hasi behar izan, urte batean edo gehiagotan egin behar den gorabehera. Horretarako, kredituak

hitzartu ahalko dira, aplikatu beharreko aurrekontu-arauetan ezartzen diren mugekin.

Horrelako kasuetan, administrazio klausula partikularren orriak honako baldintza esekitzailerak ezarri beharko du esleipena egiteko: kasuan kasuko ekitaldian kontratutik datozen betebeharrak finantzatzeko kreditu aski eta egokia izatea.

47. artikulua. Kontratuaren xedea zatikatzea.

1. Espedienteak kontratuaren xedea oso-osorik hartu beharko du eta horretarako beharrezko diren elementu guztiak bilduko ditu.

2. Ez da zilegi izango kontratu bat zatikatzea horren diru-zenbatekoa gutxitzeko eta horrela publizitate betebeharrak, prozedura edo dagokion esleipen modua saihesteko.

3. Dena den, xedea zatikatzea dagoenean, espedientean aurreikusi ahalko da horietako zati bakoitza bereiz egitea, behar bezala justifikatzen bada, beti ere zati bakoitza bereiz erabil edo aprobetxa baldin badaiteke edo xedearen nolakotasunak hori egitea eskatzen baldin badu.

Funtsean, zati guztiek eduki bera baldin badute, kontratu bakarra egin ahalko da, horiek esleitzeko.

2. Sekzioa

Obra kontratuaren eta zerbitzu publikoak kudeatzeko kontratuaren berezitasunak

48. artikulua. Obra proiektua.

Obra kontratu guztietan beharrezkoa izango da lehenagotik proiektua prestatu, gainbegiratu eta, bidezko bada, onetsi eta zuintzatu, salbu eta proiektua eta obra batera esleitzen diren kasuetan. Proiektuan kontratuaren xedea zehatz-mehatz adierazi beharko da.

49. artikulua. Obren sailkapena.

1. Proiektuak egitearen ondorioetarako, obrak honako taldeotan sailkatuko dira, xedea eta izaeraren arabera:

- a) Lehenbiziko aldiz ezartzeko obrak, zaharberritzekoak edo konponketa handikoak.
- b) Konponketa errazeko obrak.
- c) Kontserbazio eta mantenimendu obrak.
- d) Eraisteko obrak.

2. Lehenbiziko aldiz ezartzeko obrak dira ondasun higiezin bat sortzen dutenak.

3. Erreformaren kontzeptu orokorrean sartzen dira egun dagoen ondasun higiezin bat handitu,

hobetu, modernizatu, prestatu, egokitu edo sendotzeko obrak.

4. Konpontzeko obrak dira ondasun higiezin batean halabeharrez edo istripuz eragin den kalte baten ondorioak zuzentzeko beharrezko direnak. Eusteko egitura funtsean ukitzen baldin badute konponketa handitzat hartuko dira eta bestela konponketa txikitat.

5. Kaltea ondasunaren erabiltzearen erabiltzeaz etorri baldin bada, hori bere onera bueltatzeko obrak kontserbaziokoak izango dira. Mantenenendu obrek kontserbazio obren izaera berbera izango dute.

6. Eraispen obrak izango dira ondasun higiezin bat bota edo suntsitzeko helburua dutenak.

50. artikulua. Obra proiektuen edukia.

1. Obra proiektuak Administrazioak derrigorrez bete beharrek jarraibide teknikoaren arabera prestatu beharko dira, honakoak bilduz, gutxienez:

a) Izaera kontraktuala izango duen memoria, erregelamendu bidez ezartzen denaren arabera, erantzun nahi diren beharrak eta kontuan hartu beharrek faktore guztiak bilduko dituenak.

b) Obra zehatz-mehatz mugatua gelditzeko moduko planoak, orokorrak eta xehetasunetakoak.

c) Agindu tekniko partikularren orria; horrek obrak zehaztuko ditu eta horien exekuzioa arautuko du.

d) Aurrekontua (nahi izanez gero, aurrekontu partzialak barne dituenak), prezio unitarioak, sailez sail emandakoak, neurketen egoera eta hori baloratzeko behar diren zehaztapenak bilduko dituenak.

Salbuespen gisa, obraren izaerak horretarako bide ematen badu, ordaintzeko sistema osotasunaren gaineko ordainketa sistema ezarri ahalko da, prezio unitarioak kenduta, erregelamendu bidez ezartzen diren baldintzetan.

e) Lanak denbora eta kostuaren aldetik egokien burutzeko programa orientatzailea.

f) Obra egingo deneko lurren azterketa geoteknikoa, salbu eta beharrezkotzat hartzen ez bada.

g) Lege edo erregelamenduzko arauetan zehaztuta dagoen dokumentazioa.

2. Edonola ere, 20.000.000 pezetatik beherakoak diren lehenbiziko aldiz jartzeko, eraberritzeko edo konponketa handiko obren proiektuetan, eta aurreko artikuluan aipatu gainerako proiektuetan, agiri horietakoren bat edo batzuk sinplifikatu

edo bategin daitezke, eta are eman gabe utzi ere, erregelamenduz zehaztuko den bezala, beti ere aurkezten den dokumentazioa obra horiek zehaztu, burutu eta baloratzeko aski baldin bada.

3. Herrilaren kontzesio kontratuetan horiek erabiltzeko araubideari eta aplikatu beharrekotari buruzko azterketa ekonomiko eta administratiiboak erantsi beharko dira.

4. Egoera berezietan, obra unitateen kopuru zehatza proiektuan ematea oso zaila denean bakar-bakarrik, aurrekontuaren arabera beharrezkoa den gastuaz gain, erabaki ahalko da beste gastu osagarri bat aurreikustea, obra unitate horiek ekar dezaketen gastu-igoerari aurre egiteko.

Horrelako kasuetan, administrazio klausula partikularren orrian espreski adierazi beharko da, beharrezkoa izanez gero, kontratista beharturik dagoela obra unitate kopuru haundiago hori egitera, hasiera batean kontraturikoentzat ezarritako oinarri berberetan, kontzeptu guztietarako.

Hornidura osagarri horren gastua ez da kontrata bidezko exekuzioaren aurrekontuaren 100eko 10 baino handiagoa izango eta ez da aurrekontu horretan sartuko. Hori baliatzea zuzendari fakultiboak erabakiko du eta, horrela eginez gero, ezarritako epea egokituko da, nahiz eta kontratuaren aldaketatzat ez den hartuko, inolaz ere.

Nafarroako Foru Komunitateko Administrazio-rako, haren erakunde autonomoetarako eta hari loturiko edo haren menpeko zuzenbide publikoko entitateetarako, Gobernuak baimena eman dezake aurreko idazatian adierazitako portzentaia gainditzeko, proiektuan biltzen diren ezaugarri bereziak justifikatzen baldin badira. Nafarroako toki entitateetan baimen hori Udal plenoak edo entitatean balio berbera duen organoak eman beharko du.

51. artikulua. Proiektua gainbegiratzea.

100.000.000 pezetako edo gehiagoko aurrekontua duten obretan edo higiezinaren egonkortasuna, segurtasuna edo estankotasuna ukitzen duten obretan, proiektua onetsi aitzin, gainbegiraketa bulego edo unitateei txostena eskatu beharko zaie, eratuta baldin badaude. Horiei dagokie prestatu diren proiektuak gainbegiratzea eta arlo horretako arauak betetzen direla zaintzea.

Aipatu kasu horiez landara, txosten hori eskatzea aukeran izango da.

52. artikulua. Obraren zuinketa eta lurren eskuragarritasuna.

1. Proiektua onetsirik, eta obra kontratazioaren espedientea izapidatu aurretik, zuinketa lana egingo da; hau da, obraren errealitate geometrikoa egiaztatzea eta proiektuaren bideragarritasunerako gainerako oinarriko alderdiak ikuskatzea.

Zuinketa lana egin ondoan, kontratazio espedienteari erantsiko zaio, proiektuarekin batean.

2. Espedienteari erantsiko zaio, halaber, arlo horretan eskumena duen administrazio unitateak emandako txostena, kontratatuko den proiektua edo horren fase jakin bat burutzeko behar diren lurren eskuragarritasuna deklaratzekoa.

Aurreko lerroaldean adierazitakotik salbuetsita daude bide azpiegituretako obrak eta azpiegitura hidraulikoenak, deusetan galarazi gabe lurren benetako okupazioa ez egitea okupazio akta erre-daktatu arte.

3. Proiektua onetsi ahalko da, halaber, kontratazio espedientea onetsi eta esleipen prozedurari hasiera ematea agintzearekin batera, beti ere proiektua 50. artikuluan eta puntu honetan zehazturikoaren arabera behar diren agiriekin batera aurkeztu baldin bada.

53. artikulua. Enpresariak proiektua aurkeztea.

Enpresariak obra proiektua aurkeztu behar duen kasuetan, Administrazioak zilegi izango du obraren oinarri teknikoak erredaktatzera mugatzea.

54. artikulua. Zerbitzu publikoak kudeatzeko kontratuetan, ustiapenaren aurreproiektua.

1. Zerbitzu publikoak kudeatzeko kontratu guztien aurretik, zerbitzuak ustiatzeko eta, hala bada, behar diren obrak zehazteko aurreproiektua presatu eta onetsi beharko da administrazio bidean. Obrak egin behar izanez gero, herrilanen kontzesiorako Foru Lege honetan ezarritako manuak aplikatuko dira.

2. Aurreproiektuan zehaztuko dira administrazioaren eskumenak eta administratuaren eskura dauden prestazioen norainokoa, eta espreski adieraziko da Administrazioak bere gain hartuko duela jarduera hori, berea bailitzan.

Beti ere, Administrazioak gorde egingo du kasuan kasuko zerbitzuak behar bezala ematen direla bermatzeko polizia lana egiteko ahalmena.

II. KAPITULUA

Kontratazio espedienteen izapidatzea

55. artikulua. Espediente motak.

Kontratazio espedienteak arruntak, presakoak eta larrialdikoak izan daitezke.

56. artikulua. Presako espedienteak.

1. Presako izapidatzea izan ahalko dute beharrragatik luzapenik onartzen ez duten kontratazio espedienteek eta, halaber, interes publikoa dela kausa, esleipena azkartzea behar dutenek. Horretarako, espedientearen kontratazio organoak luzatutako presako deklarazioa sartu beharko da, behar bezala arrazoitua.

2. Presako espedienteak arruntak bezala izapidatuko dira, baina berezitasun hauekin:

a) Aurretiko izapidatzean parte hartzen duten organo administratibo, fiskalizatzaile eta aholku-emailetako eginbideetan lehentasuna izango dute; izan ere, horiek bost eguneko epea izango dute dagokien txostena luzatzeko.

Espedientearen zailtasuna dela kausa edo beste arrazoi justifikatu batengatik, epe horretan bideratzerik ez badago, organo administratibo, fiskalizatzaile eta aholku-emaile horiek presako izae-ra deklaratu duen kontratazio organoari jakinarazi beharko diote. Horrelako kasuetan epea hamar egunekoa izango da.

b) Esleipenaren prozedurari hasiera ematea erabaki ondoren, lizitazioa egin eta kontratua esleitzeko Lege honetan ezarri diren epeak erdira laburtuko dira. Nolanahi ere, iragarkiak Europako Batasuneko Aldizkari Ofizialean argitaratu behar direnean, Foru Lege honetan ezarritako argitaratze epeak, Batasunekoak, errespetatuko dira.

c) Administrazioak ahalmena izango du kontratuaren exekuzioari hasiera eman diezaiotela agintzeko, kontratua esleitu bezain laster, nahiz eta, oraindik ere, hura formalizatu gabe egon, beti ere behin betiko bermea jarri baldin bada.

d) Kontratua esleitu eta berau exekutatzen hasi bitartean ez dira bi hilabete baino gehiago joango, bestela kontratua amaiaziko baita.

57. artikulua. Larrialdiko espedienteak.

1. Hondamen egoeretan, arrisku larrikoetan edo segurtasun publikoa arriskuan jartzen den egoeretan, Administrazioak berehalaz jardun behar duenean, kontratazio espedienteak honako izapidatze berezia izango du:

a) Eskumena duen kontratazio organoak, administrazio espedienterik izapidatu beharrik izan gabe, gertaturikoa konpontzeko edo sorturikoa beharri aurre egiteko beharrezkoa dena egitea agindu dezake eta libreki kontratatu ere, xede osoa edo zati bat, Foru Lege honetan ezarritako

formazko beharkizunak errespetatu behar izan gabe, are kreditu aski izateko eskakizuna ere.

b) Salbuespeneko araubide honetako jarduketak egin ondoren, gastua fiskalizatu eta onesteko behar diren izapideei ekingo zaie.

2. Administrazioak proposaturiko xedea betetzeko behar diren gainerako jardueren inguruko prestazioak, larrialdikoak ez direnak, Foru Lege honetan ezarritakoari jarraikiz kontratatuko dira.

III. KAPITULUA Klausula orriak

58. artikulua. Administrazio klausula orokorren orriak.

1. Foru Lege honetan eta berau garatzeko arauetan oinarriturik, Nafarroako Gobernuak, interesaturik dauden departamentuen ekimenez eta Ekonomi eta Ogasun kontseilariak proposaturik, administrazio klausula orokorren pleguak onetsi ahalko ditu, Foru Komunitateko Administrazioan, haren erakunde autonomoetan eta hari loturiko edo haren menpeko zuzenbide publikoko erakundeetan aplikatzekoak, aurretik Estatuko Kontseiluak irizpena emanda.

2. Era berean, Nafarroako toki entitateek administrazio klausula orokorren pleguak onetsi ahalko dituzte, haien arau berariazkoei jarraikiz.

59. artikulua. Administrazio klausula partikularren plegua.

1. Administrazio klausula partikularren orrian zehaztu beharko dira kontratuaren alderdi bakoi-tzak dituen eskubide eta beharkizunak definitzen dituzten itun eta baldintzak.

2. Klausula orri horiek kontratazio organoak onetsi beharko ditu, Foru Lege honetan adierazitako arau bereziak galarazi gabe, gastua onetsi aurretik edo horrekin batean, beti ere kontratua perfekzionatu eta, kasua bada, lizitatu baino lehen.

3. Kontratazio organo eskudunak ahalmena izango du, gainera, antzeko kontratu guztietan aplikatu beharreko orri partikularren ereduak onesteko.

4. Administrazio klausula partikularren pleguetan ezin izango da sartu administrazio klausula orokorren orrietan adierazitakoaren aurkako xedapenik, kasu berezietan izan ezik, eta horretarako Administrazio Kontrataziorako Batzorde Aholkulariaren txostena beharko da.

5. Kontratuak plegu partikularren edukiaren arabera izango dira, eta horien klausulak haien zatitzat hartzen dira.

6. Administrazioak hala eskatzen duten interesatu guztien eskura jarriko ditu plegu edo kontratuetako baldintzen kopia.

60. artikulua. Agindu teknikoaren pleguak.

1. Prestazioaren exekuzioa arautuko duten agindu tekniko partikularrak biltzen dituzten plegu eta agiriak gastua baimendu aurretik prestatu beharko dira, Foru Lege honetan kontratu mota bakoitzerako ezarri diren baldintzen arabera. Plegu eta agiri horiek onestea kontratazio organo eskudunari dagokio.

2. Administrazio Kontrataziorako Batzorde Aholkulariak txostena luzaturik, Nafarroako Gobernuak, kasuan kasuko kontseilariak proposaturik, zehaztu ahalko ditu Foru Komunitateko Administrazioak, haren erakunde autonomoek eta hari loturiko edo haren menpeko zuzenbide publikoko entitateek kontratatu beharreko prestazioek bete behar dituzten agindu tekniko orokorren pleguak.

3. Agindu tekniko orokorren pleguak onesteko, Nafarroako toki entitateak lege berariazkoei jarraikiko zaizkie.

61. artikulua. Agindu teknikoak eta debekuak ezartzeko ordena.

1. Espainian derrigorrez bete beharreko jarraibide eta erregelamendu teknikoak galarazi gabe, horiek Europako Batasuneko zuzenbidearekin bateragarri diren heinean, agindu teknikoak definituko dira Europako arauak xertatzen dituzten arau nazionalen bidez, zuzentasun teknikoari buruzko Europako agirien bidez edo zehaztapan tekniko komun bidez, eta erregelamendu bidez ezarriko da zein kasutan utz daitezkeen horiek aipatu gabe. Aurrekoak izan ezean, agindu teknikoak definitu ahalko dira nazioarteko arauak xertatzen dituzten arau nazionalen bidez, arau nazionalen bidez edo bestelako arauen bidez.

2. Kontratuaren xedea dela-eta horrelakorik justifikatzen den kasuetan izan ezik, ezin izango da pleguan sartu fabrikazio edo jatorri jakin bateko produktuak aipatzen dituen zehaztapan teknikorik, ez eta prozedura berezirik erabili ere, enpresa edo produktu jakin batzuen alde aritzeko edo horiek baztertzeko asmoa baldin badute. Zehazki, ezinezkoa izango da marka, patente edo mota jakinak adieraztea eta jatorri edo produkzio zehatz bat aipatzea. Dena den, kontratuaren xedea, zehaztapan egoki eta ulergarrien bidez, behar bezala definitzerik ez dagoenean, zilegi izango da

horrelakoak aipatzea, “edo baliokidea” esamoldea ondoan ematen bada.

3. Obra, hornidura eta laguntza kontratuetako lizitazioetan, ezin izango dute parte hartu kontratu horietako zehaztapan teknikoak prestatzen lagundu duten enpresek.

IV. KAPITULUA **Publizitatea**

1. Sekzioa **Xedapen orokorrak**

62. artikulua. Lizitazioen publizitatea.

1. Kontratuak esleitzeko prozedura guztiak Nafarroako Aldizkari Ofizialean iragarriko dira, beharkizun horretatik salbuetsita dauden prozedura negoziatuak izan ezik.

2. Obra, hornidura eta laguntza kontratuetarako prozedurak Europako Batasuneko Aldizkari Ofizialean ere iragarriko dira, Foru Lege honetako artikuluetan ezartzen diren kasuetan eta epeetan, Europako Batasunak ezarritako prozedura eta eredu ofizialei jarraikiz. Gainerako kasuetan, argitaratzea aukeran izango da.

Esleipenaren prozedura Europako Batasunaren Aldizkari Ofizialean argitaratu behar denean, Estatuko Aldizkari Ofizialean ere argitaratu behar da.

3. Beste inon argitaratu baino lehen, iragarkia Europako Batasuneko Aldizkari Ofizialera igorri behar da. Kasu guztietan, horretaz landako argitalpenetan adierazi behar da igorpen haren data, eta ezin izango da Europako Batasuneko iragarkian ezarritakoaz bestelako zehaztapan eman.

63. artikulua. Epeak.

1. Prozedura irekietan, proposamenak aurkezteko epea, gutxienez, hogeita sei egunekoa izango da, lizitazioaren iragarkia argitaratu eta biharamunetik hasita.

2. Prozedura murriztuetan, parte hartzeko eskabideak jasotzeko epea, gutxienez, hamalau egunekoa izango da, prozeduraren iragarkia argitaratu eta biharamunetik kontatzen hasita.

Prozedura murriztuetan proposamenak aurkezteko gutxienerako epea hogeita sei egunekoa izango da, idatzizko gonbitea bidali eta biharamunetik hasita.

3. Europako Batasuneko Aldizkarian argitaratu beharra duten prozedura negoziatuetan parte hartzeko proposamenak aurkezteko epea, gutxienez,

hamalau egunekoa izango da, prozeduraren iragarkia “Estatuko Aldizkari Ofizialean” eta “Nafarroako Aldizkari Ofizialean” argitaratu eta biharamunetik hasita.

4. Prentsan argitaraturiko prozedura negoziatuetan, eskaintzak aurkezteko epea ezin izango da hamalau egunetik beherakoa izan, lizitazioaren iragarkia argitaratu eta biharamunetik kontatzen hasita.

2. Sekzioa **Europako Batasuneko Aldizkari** **Ofizialeko publizitatea**

64. artikulua. Aurreikusitako kontratazioei buruzko iragarkiak.

1. Aurrekontu ekitaldi bakoitzean, kontratazio organoek jakitera emango dituzte, iragarki baten bidez, hurrengo hamabi hilabeteetan esleitu nahi dituzten kontratuen oinarritzko ezaugarriak, edozein delarik esleipenaren prozedura, horien zenbatekoa, Balio Erantsiaren gaineko Zerga kenduta, honako kopuru hauen adinakoa edo hortik gorakoa baldin bada:

a) Obra kontratuetan, 5.000.000 ecu edo gehiago. Obra lotetan banatuta dagoenean eta lote bakoitzerako kontratu bat egiten denean, aipatu zenbatekoa kalkulatzeko kontuan hartuko da bakoitzaren zenbatekoa. Dena den, lotetan bildutako kopurua 5.000.000 ecu-koa edo hortik gorakoa denean, lote guztiei kontratuaren xedapenak aplikatuko zaizkie, publizitatearen ondorioetarako.

Nolanahi ere, kontratazio organoak aintzat har dezake lote bakoitzaren zenbatekoa soilik, 1.000.000 ecu-tik beherakoa denean (Balio Erantsiaren gaineko Zerga kenduta), beti ere lote horien zenbateko metatua obra osatzen duten lote guztien balio metatuaren % 20 baino handiagoa ez bada.

b) Hornidura kontratuetan 750.000 ecu edo gehiago. Zenbateko hori produktu multzoen araberako kontratu osoei dagokie.

c) Laguntza kontratuetan 750.000 ecu edo gehiago, 67. artikuluan aipatzen diren kategorien sailkapenean 1.tik 16.era bitartean daudenentzat. Lotetan banatuta dagoenean, zenbateko hori kalkulatzaren ondorioetarako, idazati honetako a) letran ezarritako arauak aplikatuko dira, baina 1.000.000 ecu-ren ordean 80.000 ecu hartu behar da.

2. Informazio iragarkia lehen bait lehen bidaliko da Europako Batasuneko Argitalpen Ofizialen Bulegora eta, 65. artikuluan aurreikusi bezala

epeak laburtu ahal izateko berrogei egun eta hamabi hilabete bitarteko aurrerapenezko epean argitaratu beharko da.

3. Aurreko idazatietan aipatu informazio iragar-kiaz gain, Europako Batasuneko Aldizkari Ofizia-lean kontratuaren lizitazioari buruzko iragarkia ere argitaratu beharko da, 78. artikuluan aipatu proze-dura irekian, murriztuan edo negoziatuan izapida-tzen bada eta kontratuaren zenbatekoa, BEZA kenduta, honako kopuruetakoa edo hortik gorakoa bada:

a) 5.000.000 ecu, obra kontratuatarako.

b) 200.000 ecu, hornidura kontratuatarako, salbu eta Europako Komunitatea eratzeko Ituneko 223.1.b) artikuluan xedatutakoa aplikatzearen ondorioz egiten baldin badira.

c) 200.000 ecu, laguntza kontratuatarako, kon-tratua 67. artikuluko 1etik 16.era bitarteko katego-riaren batean baldin badago.

4. Obra kontratuaren informazio eta lizitazio iragarkietan adierazi diren zenbatekoak kalkula-tzeko, kontuan hartuko da, obraren balioaz gaine-ra, hori burutzeko behar diren hornidurena, Admi-nistrazioak enpresariaren esku uzten dituenena, alegia.

5. Ondoko kontratuetan ez da derrigorrezkoa izango argitaratzea Europako Batasuneko Aldiz-kari Ofizialean, ez informazio iragarkirik, ez lizita-zioari buruzkorik ere, zenbatekoa edozein dutela ere:

a) Ikusentzunezko baliabideak garatu eta ber-tako programak produzitzeko kontratuak eta haien difusio denborari buruzkoak eta ahots bidezko telefonia, telexa, irrati-telefonia mugikorra, pertso-na-bilagailuak eta satellite bidezko komunikazioa kontratatzeak.

b) Kontratazio organoak oso-osorik ordaintzen dituen ikerketa eta garapenerako kontratuak, beti ere horien emaitzak ez badira erabiltzen, bakar-bakarrik, kontratazio organoaren beraren jardue-retarako.

c) Europako Komunitatea eratzeko Ituneko 223. artikuluan xedatutakoa aplikatzearen ondo-rioz egiten diren kontratuak.

65. artikulua. Europako Batasunerako publi-zitatea duten prozeduretarako epeak.

1. Europako Batasunerako publizitatea duten prozedura irekietan, proposamenak aurkezteko epea, gutxienez, berrogeita hamabi egunekoa izango da, lizitazio iragarkia "Europako Batasune-

ko Aldizkari Ofizialera" igorri eta biharamunetik hasita.

Aurreko artikuluan aipatu informazio iragarkia argitaratu baldin bada, gutxieneko epea hogeita hamasei egunekoa izango da.

2. Prozedura murriztuak Europako Batasune-rako publizitatea behar duenean, parte hartzeko eskaerak aurkezteko epea, gutxienez, hogeita hamazazpi egunekoa izango da, lizitazioaren ira-garkia "Europako Batasuneko Aldizkari Ofizialera" igorri eta biharamunetik hasita.

Proposamenak aurkezteko epea berrogei egu-netik gorakoa izango da, idatzizko gonbitea bidali eta biharamunetik hasita, baina hogeita sei egu-netan ere finkatu daiteke, Administrazioak aurreko artikuluan aipatu informazio iragarkia argitaratu baldin badu.

Presako kasuetan, hala parte hartzeko eska-bideak nola eskaintzak aurkezteko epeak murriztu daitezke, hurrenez hurren hamabost eta hamar egunetan finkatzeko, iragarkia edo gonbitea igorri eta biharamunetik hasita.

3. Europako Batasunerako publizitatea behar duten prozedura negoziatuetan, parte hartzeko eskaerak aurkezteko epea, gutxienez, hogeita hamazazpi egunekoa izango da, lizitazioaren ira-garkia "Europako Batasuneko Aldizkari Ofizialera" igorri eta biharamunetik hasita. Presako kasuetan, gutxieneko epea hamabost egunekoa izango da. Era berean, parte hartzeko eskaerak aurkezteko epea, gutxienez, hamalau egunekoa izango da, prozeduraren iragarkia "Estatuko Aldizkari Ofizia-lean" eta "Nafarroako Aldizkari Ofizialean" argita-ratu eta biharamunetik hasita. Presako izapida-tzea dutenetan gutxieneko epea zazpi egunekoa izango da.

66. artikulua. Herrilanen kontzesioetarako epeak.

1. Herrilanen kontzesioetan, prozedura murriz-tuetan, kandidaturak aurkezteko epea, gutxienez, berrogeita hamabi egunekoa izango da, iragarkia igorri eta biharamunetik kontatzen hasita.

2. Herrilantako kontzesionario pribatuek egi-ten dituzten prozedura murriztuko kontratuetan, parte hartzeko eskaerak aurkezteko gutxieneko epea hogeita hamazazpi egunekoa izango da, eta eskaintzak aurkezteko berrogei egunekoa, ira-garkia edo eskaintza aurkezteko gonbitea, hurre-nez hurren, igorri eta biharamunetik kontatzen hasita.

67. artikulua. Laguntza kontratuen kategoriak.

64. artikulua aplikatzearen ondorioetarako, laguntza kontratuak kategoria hauetan sartu dira:

1. Mantenimendu eta konponketak.
2. Lur gaineko garraioa, tren bidezkoa izan ezik eta kamioi blindatuak eta mezulariak barne; ez, ordea, posta garraioa.
3. Bidaiari eta kargen aireko garraioa, posta garraioa izan ezik.
4. Lur gaineko eta aireko posta garraioa, tren-bidezkoa izan ezik.
5. Telekomunikazioa.
6. Finantza zerbitzuak:
 - a) Aseguru zerbitzuak.
 - b) Banku eta inbertsio zerbitzuak.
7. Informatika eta zerbitzu lotuak.
8. Ikerketa eta garapena.
9. Kontabilitatea, auditoriak eta liburuak eramatea.
10. Iritzi publikoaren inkestak eta ikerlanak.
11. Zuzendaritzako aholkularitza eta horri loturiko zerbitzuak, arbitraia eta adiskidetzekoak izan ezik.
12. Arkitektura, ingeniariaritza, hiri plangintza eta arkitektura paisajistikoa. Zientzia eta teknologia arloko aholkularitza. Entseiu eta analisi teknikoak.
13. Publizitatea.
14. Eraikinen garbiketa eta ondasun higiezinaren administrazioa.
15. Edizioa eta moldiztegi-lanak.
16. Estolderia lanak eta hondakinak deuseztatzeakoak. Saneamendua eta antzekoak.
17. Ostalaritza eta jatetxeak.
18. Trenbidezko garraioa.
19. Ibai eta itsaso bidezko garraioa.
20. Garraio osagarri eta laguntzaileak.
21. Zerbitzu juridikoak.
22. Langileen hautapena eta kontratatzea.
23. Ikerketa eta segurtasuna, kamioi blindatuak izan ezik.
24. Hezkuntza eta lanbide heziketa.
25. Gizarte eta osasun lanak.
26. Aisialdia, kultura eta kirola.
27. Bestelakoak.

V. TITULUA Esleipena eta formalizazioa

I. KAPITULUA Prozeduraren arau orokorrak

68. artikulua. Epeen kontaketa

Foru Lege honetan ezarritako epe guztiak egun naturalekoak direla ulertuko da.

69. artikulua. Interesatuen proposamenak.

1. Proposamenak isilpekoak izango dira eta lizitazioa publikoa egin arte hala izatea bermatuko duten bitartekoak jarriko dira. Administrazio klausula partikularren pleguan, behar denean, ezarriko den ereduari lotuko zaizkio proposamenak, eta horiek aurkezteak klausula horien guztien edukia enpresariak baldintzarik eta salbuespenik gabe onartzearen presuntzioa dakar.

2. Beste gutunazal batean, honako agiri hauek erantsiko zaizkie:

a) Kontratistaren nortasun juridikoa eta, hala-korik dagoenean, bere ordezkariak frogatzen dutenak.

b) Behin-behineko bermea, horrelakorik eskatzen den kasuetan, eratu izanaren frogagiria.

c) Deklarazio erantzulea, enpresak kontratatzeako debekua izateko arrazoirik ez dagoela dioena.

d) Enpresaren sailkapena, behar denean, frogatzen dutenak edo bere kaudimena, ekonomikoa, finantzarioa, teknikoa zein profesionala frogatzen dutenak.

Sailkapen ziurtagiria aurkeztuz gero, lizitazioa beren nortasun juridikoa frogatzen duten agiriak ekartzetik salbuesirik egongo dira.

e) Indarra duten xedapenek ezarritako zergei eta Gizarte Segurantzarekiko betebeharreri dago-kienz, zorrik ez dagoela frogatzen dutenak.

f) Atzerriko enpresendako, edozein mailatako Epaitegi eta Auzitegi espainiarren jurisdikzioaren menpean jarriko direla dioen deklarazioa, kontratutik, zuzenean edo zeharka, sor daitezkeen gora-behera guztietarako, eta hala gertatzen denean, lizitazioarekiko dagokiokeen atzerriko jurisdikzio foruari uko egingo diola.

3. Foru Lege honen arabera beste agiri batzuk aurkeztea beharrezkoa denean, administrazio klausula partikularren orrian eta lizitaziorako dago-kion iragarkian ere aipatu beharko dira.

4. 2. idazatian xedatutakoa gorabehera, kontratazio organoak, komenigarri ikusten badu,

administrazio klausula partikularren pleguan honako ezarri ahalko du: 2. idaztiaren a) letran, ordezkaria dagoen kasuan hura frogatzen duena kenduta, eta c), e) eta f) letretan adierazten den dokumentazioa hasiera batean aurkeztu beharrean, lizitatuak deklarazio erantzulea egitea, Administrazioarekin kontratatzeke lege ezarritako baldintzak betetzen dituela adierazten duena. Kasu horretan, esleipen proposamena jasotzen duen lizitatuak, edo esleipen hartzaileak, administrazio klausula partikularrek adierazten dutenari jarraikiz, kontratazio organoaren aurrean frogatu beharko du, kontratua esleitu aurretik, lehenbiziko kasuan, edo formalizatu aurretik, bigarrenean, eskatutako agiriak badituela eta balio dutela.

5. Dokumentazioa, aurreko idaztiaren adierazi bezala, esleipenaren ondoren ekartzea eskatzen bada, esleipena eten eginda geldituko da eskatutako agiriak esleipen hartzaileak aurkeztu bitartean.

6. Dokumentazioa ekartzen deneko prozedura onearen kalterik gabe, Administrazioarekin kontratatzeke eskatzen diren bi baldintza, gaitasuna eta kaudimena, ea betetzen diren erabakitzeke uena proposamenak aurkezteke epearen amaiera izango da.

70. artikulua. Aldi bereko proposamenak.

Lizitatuak bakoitzak proposamen bakarra aurkeztu ahalko du, galarazi gabe lehiaketaren administrazio klausula partikularren pleguan lizitazioaren xedea den proiektuan zehaztutakoa ez den irtenbide alternatiboa edo aldaketak aurkezteke onartu daitekeela. Halaber, lizitatuak ezin izango du proposamenik izenpetu beste batzuekin, aldi baterako batasunetan, indibidualki ere egin baldin bada, eta aldi baterako batasun batean baino gehiagotan ere ezin izango du agertu.

Arau hauek hausteak horrek izenpetutako proposamen guztiak ez onartzea ekarriko du.

71. artikulua. Kontratazio mahaia.

1. Harako 11.1 artikuluan d) idaztiaren aurrekositako kasuan salbu, prozedura irekian eta murriztuan, kontratuak esleitzeko mahai batek lagunduko dio kontratazio organoari. Mahaia, buruak eta gutxienez lau mahaikidek eta idazkari batek, kontratazioa egiten duen administrazioaren zerbitzuko langileen artean izendatutakoek, osatuko dute.

Mahaikideen artean kontratuaren xedea den gaian espezializatuak diren bi teknikari egongo dira, bai eta zuzenbideko lizentziatu bat, titulazio hori eskatzen den lanpostu bat betetzen duena, eta kontuhartzaile bat ere.

Idazkari eginkizunak administrari batek beteko ditu, bileretan hizpidea izango duena, baina botorako eskubiderik ez.

2. Mahaikide gisa Administrazioetik kanpoko pertsona batzuk ere aritu ahalko dira, kontratuaren jardun sektorean esperientzia baldin badute. Pertsona horiei aplikatu ahalko zaizkie Administrazio Publikoen Araubide Juridikoari eta Guztiendako Administrazio Prozedurari buruzko Legean abstentziorako eta errefusatzeko aurrekusten diren kausak.

3. Mahaikideen izendapena iraunkorra izan daiteke edo berezia, kontratu bat edo gehiago esleitzeko. Iraunkorra baldin bada edo kontratu baterako baino gehiagotarako eginkizunak ematen bazaizkio, bere osaketa "Nafarroako Aldizkari Ofizialean" argitaratu beharko da.

4. Prozedura negoziatuetan kontratazio Mahaia eratzea ez da nahitaezkoa izango, borondatezkoa baizik.

5. Kontratazio Mahaia, bere proposamena egin aurretik, beharrezkotzat jotzen dituen txosten guztiak eskatu ahalko ditu.

6. Kontratazio organoak kontratua Mahaia egingandako proposamenarekin bat esleitzen ez duenean, erabakiaren arrazoiak eman beharko ditu.

7. Nafarroako toki entitateetan, Mahaiaren osaketa eta eskuhartzea horiendako lege berezietan xedatutakoari lotuko zaizkio, eta aurreko idaztiaren araututakoa besterik ez dagoenean aplikatuko da.

II. KAPITULUA

Esleipen prozedurak

1. Sekzioa

Prozedura irekia eta prozedura murriztua

72. artikulua. Kontzeptuak.

1. Prozedura irekian, interesaturik dagoen enpresari orok aurkeztu ahalko du proposamen bat.

2. Administrazioak espreski hautatutako enpresarietako soilik aurkeztu ahalko dituzte proposamenak prozedura murriztuan, haiek aurretik hala eskatuta.

3. Enkante eta lehiaketa bidezko esleitzeko moduak erabili ahalko dira bai prozedura irekian bai murriztuan, Titulu honen Hirugarren Kapituluan ezarritakoari jarraikiz.

4. Espedientean, erabilitako esleipen prozedura eta modua zergatik aukeratu diren justifikatu beharko da.

73. artikulua. Prozedura murriztuaren espezialitateak.

1. Prozedura murriztuan Foru Lege honen arau orokorrak aplikatuko dira, honako berezitasun hauekin:

a) Prozedura murriztua iragarri aurretik, Administrazioak prestatua eta justifikatua eduki behar du, administrazio klausula partikularren pleguan, zein diren kontratazio organoak prozeduran parte hartzeko gonbiteak luzatzeko erabili behar dituen irizpide objektiboak.

b) Kontratazio organoak mugak ezarri ahalko ditu, gutxiengoa eta gehiengoa, gonbidatu asmo dituen enpresa kopuruari dagokionez, kontratuaren ezaugarrien arabera, eta iragarkian adierazi beharko ditu. Kasu honetan, gutxiengoa kopurua ez da bostetik beherakoa izango, eta gehiengoa hogeitik gorakoa ere ez.

c) Parte hartzeko eskabideei enpresariaren nortasuna, eta, hala denean, horren ordezkari, sailkapena edo kaudimen ekonomiko, finantzario eta tekniko edo profesionalaren baldintzak, iragarkian zehazten direnak, betetzen direla frogatzen duten agiriak erantsi beharko zaizkie.

Sailkapenaren agiria aurkezteak 69.2.d) artikulua baren bigarren lerroaldean adierazitako ondorioa izango du.

d) Mahaiak enpresariaren nortasuna eta kaudimena behin egiaztatuz, kontratazio organoak parte hartzaileak hautatuko ditu eta onartu dituen gonbiteak luzatuko die, aldi berean eta idatziz, proposamenak aurkezteko, kasu bakoitzean gonbitean berean adieraziko den epearen barruan. Epe hori, edozein kasutan, ez da izango 63 eta 65. artikuluetan aipatutako epeak baino laburragoa. Gonbitearen idatzian jakinaraziko zaio izangaiari proposamenak non, noiz eta zein ordutan irekiko diren.

e) Hautatutako enpresariak beren proposamenak aurkeztuko dituzte behin-behineko bermea utzi izanaren frogagiriarekin batera, horrelako bermerik eskatzen bada.

2. Proposamenak aurkeztuta, esleipena Lege honen arau orokorren arabera egingo da.

2. Sekzioa Prozedura negoziatua

74. artikulua. Xedapen orokorrak.

1. Prozedura negoziatuan kontratua esleituko zaio Administrazioak arrazoi nahikoarekin hautatutako enpresariari, kontratuaren nondik-norakoak enpresari batekin edo batzuekin kontsultatu eta negoziatu ondoren.

2. Prozedura negoziatua erabiltzen denean beharrezkoa izango da, Sekzio honetan zehazten diren espezialitateak galarazi gabe, kontratuaren xedea egiteko gaitasuna duten enpresen eskaintza eskatzea, eta kopurua ez da hirutik beherakoa izango, ahal baldin bada. Hautatzen den enpresarekin finkatuko da prezioa eta guztia agertaraziko da espedientean.

3. Kontratazio espedienteen izapidatzeak bete behar dituen iragarpen baldintzak kontuan harturik, prozedura negoziatuak mota hauetakoak izan daitezke:

- a) Iragarpenik gabeak.
- b) Prentsan iragarri beharrekoak.
- c) Europako Komunitatean iragarri beharrekoak.

75. artikulua. Prozedura negoziatua, iragarpenik gabea.

1. Aurretiko iragarpenik gabeko prozedura negoziatua

erabili ahalko da ondotik ematen diren ingurua-barretakoren bat gertatzen denean, espedientean justifikatu beharko dena.

2. Kasu orokorrak:

a) Kontratua prozedura irekian edo murriztuan esleitzen ez bada lizitatzailerik ez dagoelako, aurkeztutakoak lizitazioan onartu ez direlako edo aurkeztutako proposamen edo eskaintza ekonomikoak arauz kanpokoak edo onartezinak direlako. Iragarpenik gabeko prozedura negoziatua izapidatzean ezin izango dira kontratuaren jatorrizko baldintzak aldatu, salbu eta prezioa, % 10, gehienez ere, igo ahalko baita. Kasu honetan, kontratuaren zenbatekoa, Balio Erantsiaren gaineko Zerga kenduta, 5.000.000 ecukoa edo hortik gorakoa, obretan, edo 200.000 ecu-koa edo hortik gorakoa horniduran eta laguntzan, baldin bada, Europako Komunitateko Batzordeari txosten bat igorri beharko zaio, berak eskatuta.

b) Helburu gisa ikerkuntza, esperimendazioa, hobekuntza, azterketa edo garapena besterik ez duten prestazioak, salbu eta errentagarritasuna lortu, produktu baten merkataritzako bideragarritasuna aztertu edo ikerkuntza eta garapeneko kostuak berreskuratzeko direnak.

c) Kontratuaren xedeak, bere izaera edo arriskuengatik, prezio orokorra aurretik zehazteko biderik ematen ez duenean.

d) Bere berezitasun teknikoa edo artistikoa dela eta, edo eskusibitate eskubideak babestegatik, kontratuaren xedea enpresari bakar baten esku utzi ahal denean.

e) Larrialdi batek, kontratazio organoarendako aurreikustezinak diren eta berari egotzi ezin zaizkion gertaeren ondorioz sortutakoak, berehalako exekuzioa eskatzen duenean, eta hori ezin bada lortu presako izapidatze baten bidez edo larrialdietarako Europako Komunitateko Aldizkari Ofizialean argitaratzeko aurreikusitako epeak aplikatuz.

f) Ez proiektuan ezta kontratuan ere agertzen ez diren prestazio osagarriak, eta halere, egin beharrekoak, ustekabeko gertaeren ondorioz, beti ere zenbateko osoa esleipen prezioaren % 20tik gorakoa ez bada, eta exekuzioa kontratista nagusiaren esku uzten bada, hasierako kontraturako ezarri ziren prezioekin edo, hala behar denean, kontradikzio bidez ezarriko liratekeenekin.

Aurreko lerroaldea aplikatzeko baldintza izango da prestazio osagarriak kontratu nagusitik bereizteak, teknikoki edo ekonomikoki, kalte larriak ekartzea administrazioarentzat edo, hasierako kontratuaren exekuziotik bereizi ahal baldin badira ere, behar-beharrezkoak izatea kontratu hori behar bezala betetzeko.

Aurreko lerroaldeetan eskatutako beharkizunak betetzen ez dituzten gainerako prestazio osagarriek aparteko kontratazio baten xedea izan beharko dute.

g) Prozedura irekiaren edo murriztuaren bidez lehenago esleitutako antzeko prestazioak errepikatu behar direnean, beti ere lehenbizikoak prozedura ireki edo murriztu horren lizitazio iragarrian sarturik baldin bazeuden eta haien zenbatekoa kontutan hartu bazen kontratuaren zenbateko osoa zehazteko.

Prozedura hau bakarrik erabili ahal da hasierako kontratua formalizatu eta hiru urteko epean.

h) Ondasun eta zerbitzuetarako kontratuak, horien uniformitatea administrazioak amankomunean erabiltzeko beharrezkoa dela deklaratu duenean, erabilitako mota aldeztu aurretik eta aparte erabaki baldin bada prozedura irekiaren edo murriztuaren bidez. Ekonomi eta Ogasun Departamentuari dagokio uniformitateari buruzko deklarazio hori egitea.

i) Kontratua isilpekoa edo erreserbatua dela deklaratu denean, edo exekuzioarekin batera segurtasun neurri bereziak hartu behar baldin badira indarra duten legeen arabera.

3. 5.000.000 pezeta edo gutxiagoko obra kontratuetan, edo, Toki Entitateen kasuan, horien aurrekontuaren baliabide arrunten ehuneko bosta edo gutxiagokoetan, portzentaia hori aplikatuzetik sortutako zenbatekoa 5.000.000 pezetatik gorakoa ez bada.

4. Zerbitzu publikoen kudeaketarako kontratuetan:

a) Lehenbiziko aldiz ezartzeko gastuen aurrekontua 3.000.000 pezeta edo gutxiagokoa izatea aurreikusten denean eta iraupena bost urtetik beherakoa denean. Toki entitateetan, muga, zenbatekoaren aldetik, aurrekontuaren baliabide arrunten ehuneko bosta izango da, portzentaia honen aplikaziotik sortutako zenbatekoa ez bada 3.000.000 pezetatik gorakoa.

b) Osasun laguntza ematea, kanpoko bitartekoekin itundua, helburu duten kontratuak, Administrazio Publikoen arteko lankidetzak hitzarmen batetik edo kontratu marko batetik heldu direnak, azken hori Foru Lege honen arauen arabera esleitu baldin bada.

5. Hornidura kontratuetan:

a) Aurrekontua 2.000.000 pezeta edo gutxiagokoa edo, 17.2.c) artikuluan dauden kasuetarako, 3.000.000 pezeta edo gutxiagokoa duten kontratuak. Toki entitateen kasuan, aurrekontuaren baliabide arrunten ehuneko bosta baino haundiagoa ez den zenbatekoa duten kontratuak, portzentaia hori aplikatuta ateratzen den zenbatekoa arestian adierazitakoak baino haundiagoa ez bada.

b) Hasierako hornitzaileak egindako entrega osagarriak, honakoak direnean: ohiko erabilera duten hornidurak edo instalazioak berriz ematea edo dauden hornidurak edo instalazioak handitzea, hornitzailearen aldetatik Administrazioa behartzen duenean beste ezaugarri teknikoak dituen materiala erostera, horrek bateraezintasunak edo neurrigabeko zailtasunak, erabileran zein mantenimenduan, eragingo balitu.

Kontratu horien iraupena, eta berritu ahal diren kontratuena ere, ez da, orohar, hiru urtetik gorakoa izango.

c) Foru Lege honen arauen arabera esleitutako akordio edo kontratu marko batetik heldu diren esleipenak.

d) Espainiako Ondare Historikoa osatzen duten ondasun higigarriak erostea, Vianako Printzea Erakundea-Kultura Zuzendaritza Nagusiaren baimena jaso ondoren.

6. Laguntza kontratueta:

a) Aurrekontua 2.000.000 pezetakoa edo, toki entitateen kasuan, aurrekontuaren baliabide arrunten ehuneko bosta baino haundiagoa ez denean, portzentaia hori aplikatuta ateratzen den zenbatekoa ez bada 2.000.000 pezetatik gorakoa.

b) Kontratuaren izaerak, bereziki izaera intelektuala dutenetan eta 67. artikuluan adierazitako kategorietatik 6.ean daudenetan, prozedura irekiaren edo murriztuaren bidez esleitzeko baldintzak ezartzeko biderik ematen ez duenean.

c) Sektore publikoko ikastetxeetan, irakaskuntzako jarduerak egitea xedea dutenetan, jarduera horiek Administrazioaren zerbitzuko langileentzako prestakuntza edo hobekuntza ikastaroetan gauzatzen badira, bai eta mintegiak, solasaldiak, mahai inguruak, hitzaldiak, lankidetzak edo antzeko beste edozein jarduera.

76. artikulua. Iragarpenik gabeko prozedura negoziatuen izapidetzea.

1. Iragarpenik gabeko prozedura negoziatua erabiltzen denean beharrezkoa izango da kontratuaren xedea egiteko gaitasuna duten enpresei eskaintza eskatzea. Enpresa horiek hiru gutxienez izan beharko dute, ahal dela, eta prezioa hautatutakoarekin finkatuko da, guztia espedientean agertaraziko delarik.

2. Aurreko artikuluen 4, 5 eta 6. idaztien a) letran eta 3. idaztian aipatutako kontratueta, interesa duen zerbitzuak espediente bat izapidatzea aukeratu ahal du, eta bertan soilik eskatuko zaio:

a) Kontratu egiteko interesa duen administrazio unitateak kontratuaren oinarritzko baldintzak prestatzea. Obra kontratueta aurrekontua sartuko da, proiektua ere egotea galarazi gabe, arau bereziek hala eskatzen dutenean. Zerbitzu publikoen kudeaketa kontratuan beharrezkoa izango da ustiaketa aurreproiektua eta behar diren lanak ere onestea.

b) Kontratuaren izapidatzea bere gain hartzen duen zerbitzuak, ahal bada, kontratu exekutatzeko gaitasuna duten hiru enpresari, gutxienez, egingo die kontsulta.

Enpresa horiek emandako informazioa, proposamentzat hartzen ez dena, ikusirik, zerbitzu kudeatzaileak hasieran ezarritako baldintzen artean sartu ahal du kontratuaren exekuzioa

hobea izateko egokitzen jotzen diren aldaketak, eta hasieran kontsultatutako enpresei berriz eskatuko die iritzia.

Aipatutako administrazio jarduketak espedientean agertarazi beharko dira, agiri bidez.

Egindako kontsultetatik ateratako datuei jarraikiz, zerbitzu kudeatzaileak egokien ikusten duen enpresari eskatuko dio eskaintza baten aurkezpen formal egiteko, bera hautatzeko arrazoia izan den aurretiko eskaintzaren ezaugarriei lotu beharko zaiena.

c) Kontuhartzaitzak gastua fiskalizatzea.

d) Kontratazio organoaren ebazpena, gastua onesteko eta kontratu esleitzeko.

3. 500.000 pezeta edo gutxiagoko prezioa duten kontratueta eskatuko den agiri bakarra faktura izango da.

4. Kontuhartzaitzak egindako fiskalizazioa kenduta, Foru Lege honen xedapenak ez dira aplikagarriak izango 75.6. artikuluen c) letran aipatutako kontratuen prestaketan eta formalizazioan. Kontratu horiek eginak daudela frogatzeko, nahikoa izango da eskumena duen agintariak hautatu edo izendatzea.

77. artikulua. Prentsan iragarritako prozedura negoziatua: esparrua eta izapidatzea.

1. Prentsan iragarritako prozedura negoziatua erabili ahal du honako inguruabar hauetakoren bat dagoenean, espedientean justifikatuko dena:

a) Aurrekontua 20.000.000 pezeta baino gutxiagokoa duten obra kontratueta.

b) Zerbitzu publikoak kudeatzeko kontratueta, lehenbiziko aldiz ezartzeko gastuen aurrekontua 10.000.000 pezetatik beherakoa izatea aurreikusen denean, iraupena bost urtetik beherakoa izanik.

c) Gainerako administrazio kontratueta, aurrekontua 10.000.000 pezetatik beherakoa denean.

2. Prentsan iragarritako prozedura negoziatua kontratazio espedientearen izapidatzea honako jarduketa hauei egokitzeko zaie:

a) Eskumena duen zerbitzuak kontratu exekutatzeko baldintza juridikoak, ekonomikoak eta teknikoak finkatzea. Baldintza horien artean kontratu esleitzeko irizpideak ere egon beharko dira.

b) Kreditua dagoela dioen deklarazioa, dagoen administrazio unitateak egina, eta txosten juridikoa.

c) Kontratuaren lizitazioaren iragarkia Nafarroako eguneroko prentsanargitaratzea aski izango da, erregelamendu bidez zehaztuko diren irizpideei jarraikiz.

Aurrekoa galarazi gabe eta informaziorako, soilik, Administrazio Kontratatorako Batzorde Aholkulariak eskatzailearen interesekoak izan litezkeen kontratazio deialdien berri emango die hala eskatzen dutenei.

d) Proposamenak aurkezteko epea 63.3 artikuluan xedatutakoari egokituko zaio.

e) Kontratazio organoaren zerbitzu juridikoek kalifikatuko dute lizitatuzaileek aurkeztutako dokumentazioa eta horiek onartzeko erabakia ere haiek hartuko dute.

f) Proposamen teknikoak eta eskaintza ekonomikoa jendaurrean irekiko dira.

Aurrekoa gorabehera, hasierako baldintzek hori ahalbidetzen badute, kontratazio espedientearen esku hartzen duen kudeaketa unitateak ekitaldi pribatuan ireki ahalko ditu proposamen teknikoak, eta administrazio baldintzetan sartu eta bereganatu lizitatuzaileek proposatutako hobekuntzak, elementuak edo ezaugarriak, kontratuaren xedea hobeki betetzeko egokiak direla irizten badio. Kasu horretan, aldaketa horietan oinarriturik, proposamenak eskatzeko fase berri bat irekiko da, hasieran aurkeztutako lizitatuzaile guztiekin.

Proposamenak aurkezteko epea ez da 14 egunetik beharreako izango, horretarako jakinarazpena egin eta biharamunetik kontatzen hasita.

Adierazitako aldatetetan oinarriturik eskaintza egiteko interesik ez duten lizitatuzaileek lizitazioa utzi ahalko dute.

g) Administrazio kontratu-egilearen unitate teknikoek proposamenak baloratuko dituzte baldintzen irizpideen arabera, eta orokorrean onena den eskaintzaren aldeko esleipen proposamena egingo dute. Administrazio horrek langile baliabide nahikorik baldin badu, balorazioa eta proposamena bere langileen arteko bik izenpetu beharko dituzte, eta langile horiek kontratuaren xedea den arloan aritzen direnak edo espedientearen izapidatzean zuzenean parte hartu dutenak izan beharko dute.

h) Kontuhartzaitzak gastua fiskalizatzea.

i) Kontratazio organoaren ebazpena, klausulen plegua eta gastua onetsi eta kontratua esleitzen duena.

3. Kontratazio Mahaia izendatu baldin bada, honi dagozkio honako eginkizunak: dokumenta-

zioaren kalifikazioa, lizitatuzaileen onarpena, aldatetarako bereganatzea eta proposamen berriak eskatzea, hala behar baldin bada, eta proposamenak baloratzea, horrekin batera esleipen proposamena eginez.

78. artikulua. Europako Batasuneko iragarpena duen prozedura negoziatua.

1. Kontratazio organoak erabaki dezake komunitatean iragarri beharreko prozedura negoziatua aplikatzea 5.000.000 ecu edo gehiagoko zenbatekoa duten obra kontratuetan, eta 200.000 ecu edo gehiagoko duten hornidura edo laguntza kontratuetan, aipatutako kasu guztietan, Balio Erantsiaren gaineko Zerga kenduta, honako inguruabar hauek gertatzen direnean, espedientearen justifikatzaile beharko direnak:

a) Obra, hornidura eta laguntza kontratuak, prozedura irekietan edo murriztuetan aurkeztutako proposamenak edo eskaintza ekonomikoak arauz kanpokoak edo onartezinak izanik, kontratuaren hasierako baldintzak funtsean aldatzen ez badira.

b) 75.2 artikulua b) eta c) letretako kasuak aplikatu ahal zaizkien obra kontratuak.

c) 75. artikulua 2. idaztiaren c) letran eta 6. idaztiaren b) letran aurreikusitako inguruabarretan sartutako laguntza kontratuak.

2. Aurreko zenbakian adierazitako hipotesian, hau da, proposamen edo eskaintza ekonomikoak arauz kanpokoak edo onartezinak izatean, ez da beharrezkoa izango lizitazio iragarkia egitea Europako Komunitateetako Aldizkari Ofizialean, 64.3 artikulua aipatzen duen bezala, prozedura negoziatua sartzen badira aurreko prozedura irekia edo murriztua zela eta, lizitazioan onartuak izan ziren lizitatuzaile guztiak.

3. Eskabideak jasotzeko epea amaiturik, kontsultak egingo dira prestazioa egiteko gaitasuna duten enpresa eskatzaileekin.

III. KAPITULUA Esleipen motak

1. Sekzioa Enkantea

79. artikulua. Kontzeptua eta aplikazioa.

1. Enkantea dirutan adierazitako gehieneko prezio batean oinarriturik egingo da eta, hura gainditu gabe, preziorik baxuena eskaintzen duen lizitatuzaileari egingo zaio esleipena.

2. Enkantea erabili ahalko da zerbitzu publikoak kudeatzeko kontratuetan, hornidurakoetan eta laguntza kontratuetan haien helburua oso ongi zehazturik dagoenean eta kontratuan inolako aldaketarik sartzerik ez dagoenean soilik, prezioa izanik, horren ondorioz, esleipenerako faktore erabakior bakarra.

80. artikulua. Esleipen proposamena.

1. Kontratazio Mahaiak lizitatzailerik epearen barruan eta behar bezala aurkeztutako dokumentazioa kalifikatuko du, eta egoki ikusten badu hiru egunetik gorakoa izango ez den epea eman ahalko du akatsak zuzendu edo dokumentazioa osatzeko. Ondoren, jendaurreko ekitaldian, onartutako eskaintzak irekiko ditu Mahaiak.

2. Kontratazio Mahaiari dagokio, era berean, kontratazio organoari igortzea kontratua preziorik baxuena eskaintzen duenari esleitzeko proposamena.

Esleipen proposamenak ez dio inolako eskubiderik ematen proposatutako enpresariari administrazioarekiko, kontratazio organoak kontratua esleitu ez dion bitartean.

81. artikulua. Esleipena eta ausarkeriazko beharpenak.

1. Enkanteetan, esleipena egin beharko da jasotako eskaintzak jendaurrean ireki eta bihararmunetik hasita hogeit eguneko gehieneko epearen barruan.

Esleipen egintza aurreko lerroaldean adierazitako epearen barruan egiten ez bada, enpresariak eskubidea izango du bere proposamena kendu eta utzitako bermea berreskuratu edo bertan behera uzteko.

2. Kontratazio organoaren egintza proposamenera egokituko da, salbu eta kasu hauetan:

a) Kontratazio Mahaiak proposamena ordenamendu juridikoa hautsiz egin duenean, kasu horretan deialdia baliorik gabe geldituko baita. Salbuespentzat hartzen da honako kasu hau: arau-hausteak ukitzea soilik proposamena aldekoa duen lizitatzailerak. Kasu horretan esleipena egingo da arau-hausteak ikutzen ez duen hurrengo eskaintza-egilearen alde.

Ebatzi aurretik aginduzkoa izango da kontratazioa egingo duen Departamentu, Entitate edo erakundearen txosten juridikoa.

b) Kontratazio organoak pentsatzen baldin badu, horretarako arrazoietan oinarriturik, proposamena ez dela bete ahalko, neurrigabekoak edo ausarkeriazkoak diren beharpenak direla eta.

Kasu horietan Administrazio Kontrataziorako Batzorde Aholkulariaren txostena eskatuko da, gertatzen diren inguruabarrak direla-eta hori komenigarria denean.

Kontratazio organoak horren berri emango die interesatuei eta artikuluko honen 1. idaztiaren lehenbiziko lerroaldean aipatzen den epea 40 eguneko izango da.

3. Beharpenen izaera neurrigabea edo ausarkeriazkoa

den ala ez erregelamendu bidez ezarriko diren irizpide objektiboaren arabera zehaztuko da, eta horren deklarazioa egin aurretik entzutea eman beharko zaie ustez sartuta dauden lizitatzailerik guztiei, eta beharrezkoa izango da dagokion zerbitzuaren aholkularitza teknikoak.

4. Kontratazio organoak, aipatutako txostenak ikusirik, esleipena erabakiko du preziorik baxuena duen eta administrazioaren nahiaren arabera bete ahalko den proposamenaren alde, edo, horren ezean, ausarkerian sartuta ez dagoen eskaintza-egilerik onenaren alde.

Lizitazio iragarkia "Europako Komunitateen Aldizkari Ofizialean" argitaratu baldin bada, erabakiaren arrazoiak azalduko zaizkio Europako Komunitatearen Batzordearen Kontratu Publikoetarako Batzorde Aholkulariari.

82. artikulua. Esleipena amaiarazpen kasuetan.

1. Kontratua amaiaraztea erabakitzen denean esleipen hartzaileak hura formalizatzeko behar diren baldintzak betetzen ez dituelako, Administrazioak kontratua esleitu ahalko dio hurrengo lizitatzailerari, eskaintzen balorazioaren ordenaren arabera, handienetik txikienera, beti ere, ahal baldin bada, beste deialdi bat egin aurretik, eta esleipen hartzaile berriaren adostasunarekin.

2. Administrazioak prozedura bera erabili ahalko du esleipenaren helburua hasitako kontratu bat, amaiarazirik dagoela deklaratu dena, exekutatzeari berrekitea denean.

2. Sekzioa Lehiaketa

83. artikulua. Aplikazio kasuak.

1. Lehiaketan, esleipena emango zaio proposamenik onena, orokorrean hartuta, egiten duen lizitatzailerari, kontuan hartuta pleguan ezarritako irizpideak, eta ez bakarrik balio ekonomikoa; hau guztia, Administrazioak kontratua esleitu gabe uzteko duen eskubidearen kalterik gabe, ebazpen hori, edozein kasutan, arrazoitu beharko delarik.

Bereziki, kasu hauetan aplikatuko da:

a) Administrazioak alde zuzenetik ezartzerik izan ez dituen proiektuak edo aurrekontuak dituzten kontratuak, lizitatuak aurkeztu beharrekoak.

b) Kontratazio organoaren iritziz Administrazioak onartutako prestazioaren definizioa beste irtenbide tekniko batzuek edo exekuzio epearen murrizketek, lizitatuak proposatu beharrekoak, hobetu ahal dutenean.

c) Kontratuaren exekuziorako Administrazioak material edo bitarteko lagungarriak uzten dituenen, eta kontratisten aldetik berme bereziak eskatzen direnean horien erabilera egokia izan dadin ziurtatzeko.

d) Teknologia bereziki aurreratua eskatzen dutenak edo exekuzioa bereziki zaila den kasuetan.

2. Enkantea egiteari dagozkion arauak lehiaketarako ere balioko dute, salbu eta esleipen mota hari eta ez besteri aplikatu dakiokeena.

84. artikulua. Lehiaketa esleitzeko irizpideak.

1. Lehiaketaren administrazio klausula partikularren pleguan ezarriko dira, behar bezala neurriak eta handienetik txikienera ordenaturik, esleipenerako oinarritzat hartuko diren irizpide objektiboak, hala nola, prezioa, berrikusteko formula, horrelakorik dagoenean, exekuziorako edo emateko epea, erabileraren kostua, kalitatea edo honen kontrola, errentagarritasuna, balio teknikoa, ezaugarri estetikoak zein funtzionalak, ordezko piezak lortzeko aukera, mantenimendua, laguntza teknikoa, salmentaren ondoko zerbitzua edo antzekoak, kontratazio organoak erabakia hartzeko kontuan hartuko dituenak.

2. Xedeagatik edo zenbatekoagatik Europako Batasunak kontratazio publikoari buruz emandako Zuzentarauak aplikatu ezin daitezkeen kontratuetan, esleitzeko beste irizpide batzuk erabili ahal dira, lizitatuaren esperientzia eta kontratuaren exekuziorako hark ekartzen dituen baliabide pertsonaletan edo materialetan oinarritutakoak, alegia.

85. artikulua. Aldaeren onarpena.

1. Kontratazio organoak kontuan hartu ahalko ditu lizitatuak eskaintako aldaerak edo alternatibak, baldin eta administrazio klausula partikularren pleguan aurkezpenerako adierazitako baldintzei eta motei erantzuten badiete.

2. Kontratazio organoak aldaera edo alternatibetarako baimenik ematen ez duenean, hala agertaraziko da pleguan eta iragarkian.

86. artikulua. Esleipenerako proposamena.

Kontratazio Mahaiak egindako esleipen proposamenak adieraziko ditu, edozein kasutan, proposamen bakoitzari buruz egiten diren estimazioak, administrazio klausula partikularren pleguan ezarritako irizpide objektibo ponderatuak aplikatuz.

87. artikulua. Esleipen epea.

1. Kontratazio organoak, behar diren txosten teknikoak emanik, kontratua esleitu du hiru hilabeteko gehieneko epean, proposamenak irekitzen direnetik, administrazio klausula partikularren pleguan beste eperik ezartzen ez bada.

2. Esleipenaren erabakia epearen barruan ematen ez bada, lehiaketan onartutako enpresari eskubidea izango dute beren proposamena kendu eta, hala bada, utzitako bermea berreskuratu edo bertan behera uzteko.

88. artikulua. Proiektu lehiaketak epaimahaia-
ren eskuhartzearekin.

1. Proiektu lehiaketatzat jotzen dira honako ezaugarri hauek dituzten prozedurak: partehartzaileekin bat ere harremanik ez duten pertsona fisikoek soilik osatutako epaimahai batek esku hartzen duenean, eta, sariak izanik ala ez, lizitazio baten bidez, planak edo proiektuak prestatzeko helburua dutenak, batez ere lurraldearen antolamenduaren esparruan, hirigintzan, arkitekturan, ingeniartzan eta datu prozesamenduan.

Epaimahaiak erabakiak edo irizpenak erabateko independentziaz hartuko ditu, modu anonimoz aurkeztutako proiektuetan oinarrituta eta lehiaketaren iragarkian adierazitako irizpideen arabera soilik.

2. Lehiaketaren zenbatekoa, partehartzaileendako sarien eta ordainketen zenbateko guztirako akzehaztua, 200.000 ecu-koa edo gehiagokoa denean, Balio Erantsiaren gaineko Zerga kenduta, kontratazio organoak argitara emango du lehiaketari buruzko iragarki bat Europako Komunitateetako Aldizkari Ofizialean.

3. Partehartzaileen kopurua mugatua baldin bada, irizpide objektibo, argi eta ez-baztertzailen bidez hautatuko dira.

4. Proiektu lehiaketa baten irabazleari kontratuak esleitzeko, lehiaketaren jarraipena baldin badira eta baldintzetan aurreikusirik badago, iragarpenik gabeko prozedura negoziatua erabili ahalgo da. Irabazle bat baino gehiago egonez

gero guztiei egin beharko zaie negoziazioan parte hartzeko gonbitea.

5. Proiektuaren lehiaketa egingo dela Europako Komunitateen Aldizkari Ofizialean iragarri baldin bada, Aldizkari horretan emaitza ere argitaratu beharko da, ebatzi eta berrogeita zortzi egunetara, beranduenez.

89. artikulua. Informazioaren tratamendurako ekipoak edo sistemak erosteko lehiaketak.

1. Informazioaren tratamendurako ekipoak edo sistemak kontratatzean, lehiaketaren administrazio klausula partikularren pleguan aurreikusten denean, lehiaketa bi fasetan ebatzi ahalko da:

a) Lehenbizikoan, kontratazio Mahaiaren iritziz administrazioarentzat onenak diren eskaintzak hautatuko dira.

b) Bigarrenaren xedea izango da aurrekoen artean hautatzea esleipenerako proposatuko den eskaintza, behin ziurtaturik eskaintza klausulen pleguan oinarritzat hartu diren lanei egokitzen zaiela.

2. Bigarren faserako hautatutako eskaintzak, prestakuntza lanak eta aginduko diren probak garatzen dituztenak, aurkeztu eta lehiaketaren esleipena jasotzen ez dutenei, plegu partikularrean aurreikusitako diru ordaina emango zaie.

IV. KAPITULUA

Perfekzionatu, formalizatu eta jakinaraztea

90. artikulua. Kontratuak perfekzionatzea.

Kontratuak eskumena duen kontratazio organoak egindako esleipenaren bidez perfekzionatzen dira, edozein izanik erabilitako lizitazio prozedura edo esleipen mota.

91. artikulua. Esleipenak jakinaraztea eta iragartzea.

1. Kontratuaren esleipena, behin kontratazio organoak erabakia eta edozein izanik erabilitako prozedura eta esleipen mota, lizitazioan parte hartu dutenei jakinaraziko zaie eta, formalizatu ondoren, Kontratuaren Erregistro Publikoari emango zaio horren berri. Azken jakinarazpen hau erregelamendu bidez zehaztuko diren moduan eta kasuetan egingo da.

2. Partaideen kopurua oso handia denean, esleipena lizitazioan parte hartzen duten guztiei, banaka jakinarazi ordez, Nafarroako Aldizkari Ofizialean eta kontratazio organoaren iragarki oholean argitaratu ahalko da, esleipen hartzaileari dagokionean izan ezik. Erregelamendu bidez eza-

rriko dira ordezko iragarpen mota honi aplikatu ahal zaizkion baldintzak.

3. Esleipenaren zenbatekoa 10.000.000 pezetatik gorakoa baldin bada, Nafarroako Aldizkari Ofizialean argitaratuko da egindako esleipena adierazten duen iragarki bat, kontratua esleitzen denetik 48 eguneko epean, gehienez ere.

Horrez gain, Europako Komunitateetako Aldizkari Ofizialean derrigorrez iragarri behar diren kontratuetan eta 200.000 ecu-koak edo gehiago-koak diren laguntza kontratuetan, Balio Erantsiaren gaineko Zerga kenduta, 67. artikuluan adierazitako kategorietatik 17.etik 27.era bitartekoetan sartutakoetan, aipatu Aldizkarira eta Estatuko Aldizkari Ofizialera igorri beharko da, arestian aipatutako epe berean, lizitazioaren emaitza agertzen duen iragarki bat.

4. Zerbitzu publikoak kudeatzeko kontratueterako, esleipenak Nafarroako Aldizkari Ofizialean argitaratzea derrigorrezkoa izango da lehenbiziko aldiz jartzeko gastuen aurrekontua 10.000.000 milioi pezetakoa edo gehiagokoa eta iraupena 5 urtetik gorakoa direnean.

5. Salbuespen gisa, esleipena ez da iragarri beharko kontratua egiteari buruzko informazioa zabaltzea legeen aplikaziorako oztopoa denean, interes publikoaren kontra doanean, enpresen merkataritzako bidezko interesetarako kaltegarria denean edo haien arteko lehia garbirako kalteak ekarri ahal dituztenean eta iragarpenik gabeko prozedura negoziatua erabili den kasuetan kontratuaren izaera isilpekoa edo erreserbatua izateagatik, edo haren exekuzioak segurtasun neurri bereziak eskatzen dituelako. Eta espedientean behar bezala agertarazi beharko dira ingurabar guztiak.

6. Aurreko idaztietan xedatutakoaren kaltetan joan gabe, kontratazio organoak onartu ez diren izangai edo lizitatzailer guztiei, hala eskatzen badute, jakinaraziko dizkie, eskabidea jaso eta ondoko hamabost eguneko epean, eskaintza edo proposamena atzera botatzeko arrazoiak eta esleipen hartzailearen proposamenean zein ezauzgarri izan diren erabakiorrak esleipena bere alde emateko garaian, eta jakinarazteari dagokionez aurreko idaztietan xedatutakoa beteko da.

Modu berean jokatuko da eskainitako kontratu bati uko egin edo prozedurari berriz hasiera ematea erabaki denean. Erabaki honen berri Europako Komunitateetako Argitalpen Ofizialen Bulegoari ere emango zaio, kontratua Europako Komunitateetako Aldizkari Ofizialean iragarri baldin bada.

92. artikulua. Kontratuak formalizatzea.

1. Kontratuak agiri administratiboan formalizatu dira esleipena jakinarazi eta biharamunetik hasita hogeita hamar eguneko epean, eta agiri hori izango da edozein erregistro publikotara sartzeko nahiko titulu. Halere, eskritura publiko bihurtu ahalko da kontratistak hala eskatzen duenean, eta hortik eratorritako gastuak horrek ordainduko ditu.

Aurreko lerroaldean xedatutakotik kanpo geldituko dira izapidatze laburtua duen iragarpenik gabeko prozedura negoziatu bidez esleitutako kontratuak, 76. artikulua 2, 3 eta 4. idaztietan aurreikusitakoari jarraikiz.

2. Foru Lege honetan ezarritako salbuespenak izan ezik, formalizatzeko ezinbesteko baldintza izango da enpresariak aurretik ematea interes publikoak zaintzeko aurreikusi diren bermeak.

3. Kontratu-egileari egotzi ahal zaizkion arrazoiak direla-eta kontratua ezin bada formalizatu aipatutako epearen barruan, Administrazioak erabaki ahalko du hura amaiaraztea, eta beharrezko izapidea izango da interesatuari entzutea ematea. Kasu horretan behin-behineko bermearen inkautazioa egin eta kalteak ordaindu egingo dira.

4. Ez formalizatzearen arrazoiak Administrazioari egotzi ahal zaizkionean, kontratistari kalte-ordaina emango zaio berandutzeak ekarri ahal dizkion kalte eta galerengatik, eta kontratua amaitaraztea eska dezakeela kontuan hartu gabe.

5. Kontratuaren exekuzioari ezin izango zaio hasiera eman aurretik formalizatu gabe, Foru Lege honen 56 eta 57. artikuluetan aurreikusitako kasuetan salbu.

93. artikulua. Ahozko kontratazioa.

Administrazioak ez du ahozko kontrataziorik egiterik izango, salbu eta kontratua larrialdikoa bada.

VI. TITULUA

Kontratuaren exekuzioa, aldaketa eta etetea

I. KAPITULUA

Kontratuaren exekuzioa

1. Sekzioa

Xedapen orokorrak

94. artikulua. Kontratuaren ondorioak.

Administrazio kontratuaren ondorioak Foru Lege honek, hau garatzeko xedapenek eta kontratuaren pleguek edo baldintza administratibo eta teknikoek arautuko dituzte.

95. artikulua. Exekuzioaren berandutza.

1. Kontratista beharturik dago kontratua betetzera hura egiteko finkatutako epe osoaren barruan, bai eta exekuzioa aurrera eramateko adierazitako epe partzialetan ere.

2. Kontratista berandutzan sartzeko ez da beharrezkoa izango Administrazioak hari aldeztu aurretik intimizazioa egitea.

3. Kontratista, berari leporatu ahal zaizkion arrazoiengatik, berandutu baldin bada epe osoa betetzeari dagokionez, Administrazioak bi aukera izango ditu, kontratua amaiarazi edo hurrengo eskala honetan zehazten diren zigorrak ezarri.

– 500.000 pezeta bitarteko prezioa duten kontratuak, 500 pezeta eguneko.

– 500.001 pezetatik 1.000.000 pezetara bitarteko prezioa duten kontratuak, 1.000 pezeta eguneko.

– 1.000.001 pezetatik 5.000.000 pezetara bitarteko prezioa duten kontratuak, 2.000 pezeta eguneko.

– 5.000.001 pezetatik 10.000.000 pezetara bitarteko prezioa duten kontratuak, 3.000 pezeta eguneko.

– 10.000.001 pezetatik 25.000.000 pezetara bitarteko prezioa duten kontratuak, 5.000 pezeta eguneko.

– 25.000.001 pezetatik 100.000.000 pezetara bitarteko prezioa duten kontratuak, 10.000 pezeta eguneko.

– 100.000.001 pezetatik 250.000.000 pezetara bitarteko prezioa duten kontratuak, 25.000 pezeta eguneko.

– 250.000.001 pezetatik 750.000.000 pezetara bitarteko prezioa duten kontratuak, 75.000 pezeta eguneko.

– 750.000.001 pezetatik 1.000.000.000 pezetara bitarteko prezioa duten kontratuak, 100.000 pezeta eguneko.

– 1.000.000.001 pezetatik aurrera, egunean 10.000 pezeta bakoitzeko 1.

4. Berandutzagatik zigorrak kontratuaren zenbatekoaren 100eko 20koak izatera iristen direnean, kontratazio organoak ahalmena izango du hura amaiarazi edo exekuzioaren jarraipena erabakitzeko, zigor gehiago ezarrita.

Halaber, ahalmen hau bera izango du Administrazioak ere kontratistak epe partzialak betetzen ez baditu, administrazio klausula partikula-

rren pleguan aurreikusita baldin badago, edo epeak betetzen berandutzeak arrazoiz pentsarazten duenean epe osoa betetzerik ez dela izango.

96. artikulua. Berandutzagatiko amaiaraztea eta kontratuen luzapena.

1. Aurreko artikulua aipatzen duen kasuan, Administrazioak amaiaraztea aukeratzen badu, kontratazio organoak horretarako erabakia hartu beharko du, eta aginduzko izapide bakarra izango da kontratistari entzutea ematea eta, hau kontra agertzen bada, Estatu Kontseiluaren irizpena.

2. Berandutzea kontratistari leporatu ezin dakizkiokeen arrazoiengatik gertatzen bada, eta honek esaten badu konpromisoak beteko dituela ezarriko zuen denbora epearen luzapena emanez gero, Administrazioak epe bat emango dio, gutxienez, galdutako denbora berekoa izango dena, kontratistak laburragoa eskatzen ez badu.

97. artikulua. Kalte eta galeren ordainak.

1. Kontratistaren betebeharra izango da hirugarrenei, kontratuaren exekuzioak eskatzen dituen operazioen ondorioz, egindako kalte eta galera guztien ordaina ematea.

2. Kalte eta galera horiek Administrazioaren agindu baten ondorio berehalako eta zuzena direnean, erantzulea Administrazioa izango da legeek ezarritako mugen barruan. Administrazioa ere erantzulea izango da berak prestatutako proiektuak, obra kontratuan edo hornidura-fabrikazio kontratuan, dituen akatsen ondorioz hirugarrenei egindako kalteen kasuan.

3. Hirugarrenek eskaera egin ahalko diote aurretik kontratazio organoari, gertaera izan eta urtebeteko epean, kalteen erantzukizuna kontratuaren zein alderdiri dagokion ebatz dezan kontratistari entzutea eman ondoren.

Ahalmen hau baliatzeak akzio zibilaren preskripzio epea eteten du.

98. artikulua. Arriskua eta zoria.

Kontratuaren exekuzioa egingo da kontratistaren arriskuz eta zortez, obra kontratuetan ezinbesteko kasuetarako ezarritakoaren kalterik gabe.

99. artikulua. Prezioaren ordainketa eta kobrantza eskubideen transmisioa.

1. Kontratistak eskubidea izango du egindako prestazioa ordain diezaitoten, Foru Lege honetan eta kontratuan ezarritako moduan eta hitzartutako prezioaren arabera.

2. Prezioaren ordainketa egin ahalko da osorik edo zatika, kontuaren onaren gaineko ordainketen bidez.

3. Kontratistak eskubidea izango du kontuaren gaineko ordainketak jasotzeko, kontratuaren exekuzioa prestatzeko eragiketen zenbatekoarekin eta kontratuaren helburuan sartuta baldin badaude, dagozkion pleguetan zehaztutako baldintzetan, eta ordainketa horiek ziurtatu beharko dira bermea emanez.

4. Administrazioa behartuta egongo da prezioa ordaintzera obren egiaztagiriak edo kontratua osorik edo hein batean egin dela frogatzen duten agiriak luzatu eta ondoko bi hilabetetan, 126. artikuluan ezarriko epe bereziaren kalterik gabe, eta berandutzen bada, kontratistari ordaindu beharko dio, bi hilabeteko epe hori betetzen denetik aurrera, diruaren legezko korritua gehi 1,5 puntu, zor denarena.

5. Ordainketaren berandutza lau hilabetetik gorakoa bada, kontratistak kontratua betetzea eten ahalko du, eta Administrazioari eman beharko dio horren berri hilabete lehenagotik, eten horren ondorioz sor daitezkeen eskubideak aitortzearen ondorioetarako, Foru Lege honetan ezarritako moduan.

6. Administrazioaren berandutza zortzi hilabetetik gorakoa bada, kontratistak eskubidea izango du, halaber, kontratua amaiarazi eta horren ondorioz sortutako kalteen ordaina jasotzeko.

7. Arestiko idazatiei jarraikiz, Administrazioetik kobratzeko eskubidea duten kontratistek eskubide hori laga ahalko dute, zuzenbideari jarraikiz.

Kobratzeko eskubidearen lagapenak erabateko ondorioak izateko Administrazioaren aurrean, ezinbesteko baldintza izango da horri lagapen erabakiaren jakinarazpen fede-emailea egitea. Behin Administrazioak lagapen erabakiaren berri izanik, pagamenduaren agindua lagapen hartzailearen alde luzatu beharko da. Administrazioari

lagapenaren berri eman aurretik, kontratistaren aldeko pagamendu aginduek askatzeko ondorioak izango dituzte.

2. Sekzioa

Obra kontratuaren exekuzioa

100. artikulua. Zuinketaren egiaztapena.

Obra kontratuaren exekuzioa zuinketaren egiaztapen aktarekin hasiko da. Horretarako, kontratuan adieraziko den eta, justifikatutako kasuetan salbu, formalizatzen denetik hilabete baino gehiagokoa izango ez den epearen barruan, obra

horien ardura duen Administrazioako zerbitzuak kontratistaren aurrean egingo du lizitazioaren aurretik egindako zuinketaren egiaztapena, eta emaitzaren akta egingo da, eta interesa duten bi alderdiek sinatuko dute.

101. artikulua. Obren exekuzioa eta kontratistaren erantzukizuna.

1. Obrak administrazio klausula partikularren pleguan araututa dagoenari eta kontratuaren oinarria den proiektuari estuki lotuta egingo dira, eta kontratuaren interpretazio teknikoa eginez obretako zuzendari fakultatiboak kontratistari emango dizkion jarraibideei segituz. Jarraibide horiek ahozkoak direnean, idatziz berretsi beharko dira eperik laburrenean, alderdiendako lotesleak izan daitezten.

2. Obrak egin bitartean eta bermearen epea amaitu arte, kontratista izango da eraikinean antzeman daitezkeen akatsen erantzulea.

102. artikulua. Ziurtagiriak eta konturako ordainketak.

1. Ordainketaren ondorioetarako, Administrazioak egiaztagiriak luzatuko ditu hileru, denbora epe horretan egindako obrari buruzkoak, administrazio klausula partikularren pleguan kontrako aurreikuspena egin ez bada. Epe horien ordainketek kontu onerako ordainketaren izaera dute, azken neurketan egiten diren zuzenketa eta aldaketan menpekoak, eta ez dute inolaz ere esan nahi biltzen dituzten obrak onetsi eta onartzen direnik.

2. Kontratistak eskubidea izango du konturako ordainketak jasotzeko, egindako prestakuntza operazioen zenbatekoaren gainekoak, instalazioak eta obrari atxikitako materialak edo makineria astuneko ekipoak metatzea, kasu, beti ere aukera hori administrazio klausula partikularren pleguan aurreikusirik baldin badago, erregelamendu bidez zehaztuko diren baldintzetan eta mugekin, eta ordainketa horiek ziurtatu beharko dira bermea emanez.

103. artikulua. Ezinbesteko kasuak.

1. Ezinbesteko kasuetan eta kontratistaren aldetik axolagabekeriarik ez badago, horrek eskubidea izango du sortutako kalte eta galeren ordaina jasotzeko.

2. Ezinbesteko kasutzat honakoak hartuko dira:

a) Elektrizitate atmosferikoak eragindako suteak.

b) Hondamendiak ekartzen dituzten naturaren fenomenoak, lurrikarak, lurraren mugimenduak, uholdeak eta antzekoak, kasu.

c) Gerra garaiaren, jendetzak eginiko lapurketen edo ordena publikoaren alterazio larrien ondorioz bortxakeriaz eragindako suntsiketak.

3. Sekzioa Zerbitzu publikoen kudeaketarako kontratuaren exekuzioa

104. artikulua. Kontratistaren betebeharrak.

1. Kontratista beharturik dago behar diren obrak egitera eta zerbitzua antolatzerako kontratuan ezarritako ezaugarriei hertsiki lotuz eta bertan aipatutako epeen barrenean.

2. Orohar, honako betebeharrak hauek bete beharko ditu:

a) Zerbitzua ematea hitzartutako jarraipenaz eta partikularrei ziurtatzea ezarritako baldintzetan erabiltzeko eskubidea, onartutako tarifetan dagoen prezioa ordainduta, halakorik dagoenean.

b) Zerbitzuaren antolamendua egokia dela zaintzea, eta horretarako jarraibideak eman ahaliko dira, Administrazioari dagozkion zaintza ahalmenak galarazi gabe.

c) Zerbitzua aurrera eramateak eskatzen dituen eragiketen ondorioz hirugarrenei sortutako kalteen ordaina ematea, kalteak Administrazioari leporatu ahal zaizkion arrazoiengatik gertatzen direnean salbu.

d) Nazionalitateagatik ez baztertzeko printzipioa errespetatzea, Europako Komunitateko kide diren edo Merkataritzarako Munduko Erakundearen Kontratazio Publikoari buruzko Akordioa izenpetu duten Estatuetakoen enpresei dagokienez, zerbitzu publikoen kudeaketa kontratuen ondorio diren hornidura kontratuetan.

105. artikulua. Prestazio ekonomikoak eta baliabide lagungarriak.

1. Kontratistak eskubidea du kontratuan aurreikusitako prestazio ekonomikoak jaso eta horien berrikuspena egin dadin, egoki denean, kontratuak berak ezarritako moduan.

2. Administrazioak kontratistari prestazio ekonomikoak ematen ez badizkio edo kontratuaren arabera baliabide lagungarriak entregatzeko konpromisoa betetzen ez badu hor aurreikusitako epeen barruan, eta kontratua amaiaraztea bidezkoa ez denean, edo kontratistak amaiarazpena eskatzen ez badu, horrek eskubidea izango du zenbateko edo balore ekonomiko horien legezko

korritua jasotzeko, 99. artikuluan ezarritakoari jarraikiz.

106. artikulua. Kontratatik ez betetzea.

Kontratatik ezarritakoa ez betetzeak beste modu batean konpontzerik ez duen asaldura larria ekartzen badu zerbitzu publikorako, eta Administrazioak ez badu kontratua amaiaraztea erabakitzen, arazoa desagertu arte eskuhartzea erabaki ahalko du. Nolanahi ere, kontratatik ordaindu beharko dizkio Administrazioari eragin dizkion kalte eta galerak.

4. Sekzioa

Hornidura kontratuaren exekuzioa

107. artikulua. Hornigaiak entregatu eta jasotzea.

1. Kontratista beharturik dago horniduraren xede diren ondasunak entregatzera kontratuan finkatutako denboran eta tokian, agindu teknikoari eta administrazio klausulei jarraikiz. Kontratatik berandutza gerta dadin ez da behar izango aurretik Administrazioak hari intimizazioa egitea.

2. Hornidura mota edozein delarik ere, esleipen hartzaileak ez du eskubiderik izango kalteordainik jasotzeko Administrazioari entregatu aurretik ondasunetan izandako galera, matxura edo kalteengatik, jasotzean, Administrazioa berandutzan sartu ez bada behintzat.

3. Ondasunak jasotzeko egintza formala, pleguaren baldintzei jarraikiz, horiek entregatu ondorengatik egiten denean, Administrazioa izango da horien zaintzeaz arduratuko dena bi egintza horien arteko denboran.

108. artikulua. Prezioaren ordainketa eta ondasunetan ordaintzea.

1. Esleipen hartzaileak eskubidea izango du egiaz eman eta Administrazioak formalki jasotako horniduren prezioaren ordainketa jasotzeko, kontratuan ezarritako baldintzetan.

2. Espedientean behar bezala justifikatutako arrazoi teknikoak edo ekonomikoak direla eta, administrazio klausula partikularren pleguan ezarri ahalko da eman beharreko ondasunen prezio guztirakoaren ordainketa izatea zati bat dirutan eta bestea mota bereko beste ondasun batzuk emanez, azken hauen zenbatekoa inolaz ere izan gabe prezio guztirakoaren 100eko 50etik gorakoa. Horretarako, dagokion gastu konpromisoa kontratatikari ondasunak emanez ordainduko ez zaion kontratuaren prezio guztirakoaren zenbatekoa baino ez da izango, eta ondorio hauetarako ez da aplikagarria izango Ogasun Publikoari buruzko

Foru Legearen 38. artikuluan eta Foru Lege honen menpean dauden beste administrazio batzuen arau baliokideetan xedatutakoa.

3. Administrazioak ondasunak entregatzeko erabakia kontratazio organoak hartuko du, hornidura kontratua esleitzeko erabiliko den prozedura berarekin, eta erabaki horrek, berez, inbentarioko baja ekarriko du eta, hala behar denean, dagokion ondasunak desafektatzea.

Kasu horretan, horniduraren prezio guztirakotik Administrazioak emandako ondasunei dagokien zenbatekoa kontratuaren esleipenerako baloratu beharreko elementua izango da, eta enpresariak espreski agertarazi beharko dute beren eskaintzetan.

109. artikulua. Administrazioaren ahalmenak fabrikazio prozesuan.

Administrazioak ahalmena du kontratuaren ondorioz eman beharreko produktua fabrikatu edo egiteko prozesua ikuskatu eta horri buruzko informazioa jasotzeko, eta erabiliko diren materialen analisiak, entseiuak eta probak egiteko agindu edo berak egin ahalko ditu, bai eta kalitate kontrolaren sistemak ezarri eta hitzartutakoa estuki betetzeko egokitzat jotzen dituen xedapen guztiak eman ere.

5. Sekzioa

Laguntza kontratuaren exekuzioa

1. azpisekzioa

Kontratu hauen exekuzioari buruz

110. artikulua. Exekuzioa eta kontratatikaren erantzukizuna.

1. Kontratuaren exekuzioa egingo da haren klausulei lotuz eta Administrazioak horiek interpretatzeko kontratatikari emango dizkion jarraibideei segituz.

2. Kontratista izango da egindako lanen kalitate teknikoaren eta egindako prestazioen eta zerbitzuen erantzulea, bai eta kontratuaren exekuzioan izandako ez-egiteak, hutsegiteak, metodo desgokiak edo zuzenak ez diren ondorioak direla-eta Administrazioari edo hirugarrenei eragindako ondorioena ere.

2. azpisekzioa

Obra proiektuak egiteko kontratuaren espezialitateari buruz

111. artikulua. Kalteordainak.

1. Proiektuan aurreikusitako obraren exekuziorako aurrekontuan kostu erreala 100eko 20

baino gehiagoko aldea, bai goitik zein behetik, gertatzen bada kontratistari leporatu ahal zaizkion akats edo ez-egiteen ondorioz, Administrazioak kalteordain sistema bat ezarri ahalko du administrazio klausula partikularren pleguan, izan daitekeena, aukeran, proiektua egiteko kontratuaren prezioa jaistea, edo hura erredaktatu duen kontratistak dagokion zenbatekoa -gehienez ere, haren erdia- ordaintzea, aldearen portzentaiaren arabera.

2. Kalteordainen baremoa honakoa izango da:

a) Aldea 100eko 20tik gorakoa baldin bada, 100eko 30 gainditu gabe, dagokion kalteordaina izango da kontratuaren prezioaren 100eko 30.

b) Aldea 100eko 30etik gorakoa baldin bada, 100eko 40 gainditu gabe, dagokion kalteordaina izango da kontratuaren prezioaren 100eko 40.

c) Aldea 100eko 40tik gorakoa baldin bada, dagokion kalteordaina izango da kontratuaren prezioaren 100eko 50.

Kontratistak kalteordainaren zenbatekoa ebazpena jakinarazten denetik hilabeteko epean ordaindu beharko du. Espedientea izapidatu ondotik interesatuari entzutea hartuta emango da ebazpena.

112. artikulua. Proiektuaren akats edo hutsegiteengatiko erantzukizuna.

Foru Lege honen beste artikulua batzuetan obra proiektuak egiteko kontratuari buruz bereziki aurreikusitakoaz landara, kontratistak izango du Administrazioari zein hirugarrenei eragindako kalte eta galeren erantzukizuna, proiektuaren akats edo gabezia teknikoengatik, edo berak egindako eta berari leporatu ahal zaizkion akats materialak, ez-egiteak edo legezko zein erregelamenduzko arauen hausteak direla eta.

Erantzukizun honetatik heldu den kalteordaina egindako kalte eta galeren zenbatekoaren 100eko 50erainokoa izango da, beti ere proiekturako hitzartutako prezioaren boskoitza baino gehiagokoa ez bada, eta hamar urteko epean eskatu ahalko da, Administrazioak hura jasotzen duenetik. Kalteordaina hirugarrenei ordaindu behar zaizkion Administrazioaren kargura izango da kalteordain horren gainerakoa.

6. Sekzioa

Administrazioak berak egindako obrak, hornidurak eta laguntzak

113. artikulua. Kasuak eta baimena.

1. Administrazioak behar dituen obrak egin, ondasun higarriak fabrikatu eta laguntzak esku-

ratzea, eskumena duen kontratazio organoak baimena eman ondotik, Administrazioaren beraren zerbitzuek egin ahalko dituzte beren baliabide pertsonalen bidez edo errealean bidez, edo enpresari partikularren laguntzarekin, beti ere azken kasu honetan zenbatekoa 5.000.000 ecu-tik beherakoa bada, Balio Erantsiaren gaineko Zerga kenduta, obren kasuan, eta 200.000 ecu-tik beherakoa, Balio Erantsiaren gaineko Zerga kenduta, hornidura eta laguntzetan, tartean inguruabar hauetakoren bat beharko delarik:

a) Administrazioak lantegiak, tailerrak edo zerbitzu tekniko edo industrialak, obra, hornidura edo zerbitzua egiteko adinako gaitasuna dutenak, edukitzea, eta kasu honetan exekuzio sistema hau erabili beharko da, normalki.

b) Administrazioak obra, hornidura edo laguntzan erabilgarriak diren elementu pertsonalak eta materialak edukitzea, eta horiek erabiltzeak obraren aurrekontuaren 100eko 5 baino gehiagoko aurrezpena badakar edo horniduraren edo laguntzaren aurrekontuaren 100eko 20tik gorakoa, edo exekuzioa azkarragoa izatea, eta kasu horretan, hortik lortuko diren abantailak azaldu egingo dira, justifikatuz.

c) Obra, hornidura edo laguntzarako aurretik deitutako lizitazioan enpresariaren eskaintzarik egon ez izana.

d) Foru Lege honetan aurreikusitakoaren arabera larrialdikotzat hartzen diren obrak, hornidurak edo zerbitzuak direnean.

e) Xede diren obra, hornidura edo laguntzen izaera dela eta, prezio jakin bat edo lan unitate bakunen arabera aurrekontua aurretiaz finkatzea ezinezkoa den kasuetan.

f) Kontratistari obra, ondasun edo zerbitzu unitate batzuk egiteko ardura kendu behar zaionean, dagozkion prezio kontrajarrietan adostasunera ez ailegatzeagatik.

g) 133. artikulua d) eta e) letren kasuetan.

2. Aurreko idazatian xedatutakoa ondoko inguruabar hauetakoren bat gertatzen den obretan ere aplikatuko da:

a) Kontserbazio eta mantenimendu hutseko lanak, haien ezaugarriak direla-eta proiektu baten xede ezin izan daitezkeenean.

b) Salbuespen gisa, aurreproiektu batez baliatuta definitutako obren exekuzioa, 83.1.a) artikulua aplikatzen ez denean.

3. Obretan, aurreko idazatian eta artikulua honen 1. idazatiaren d) letrean agertzen diren

kasuetatik aparte, egoki den proiektua idaztea ezinbestekoa izango da. Proiektu mota horren edukia erregelamendu bidez finkatuko da.

4. Obraren exekuzioa, ondasun higigarriaren fabrikazioa edo laguntza ematea enpresari partikularrekin izenpetutako lankidetzaren kontratuaren bidez egiten direnean, kontratu hauek administratiboak izango dira, baina ez obra, hornidura edo laguntza kontratuak, exekuzioa, fabrikazioa edo zerbitzua Administrazioaren kudeaketa organoaren esku egongo baitira.

5. Artikulu honen 1. idaztiaren a) eta b) letretako kasuetan, lankideekin egindako kontratazioan ezin izango da gairik aurrekontuaren zenbatekoaren 100eko 50, espedientearen justifikatutako diren salbuespeneko kasuetan izan ezik.

II KAPITULUA Kontratuak aldatzea eta etetea

114. artikulua. Guztiondako xedapenak.

1. Behin kontratua perfektionatuz gero, kontratazio organoak aldatetarik sartu ahalko ditu kontratua osatzen duten elementuetan interes publikoari dagozkion zioengatik bakarrik, beti ere behar berriek edo ustekabeko arazoiek sortuak direnean, espedientearen behar den moduan azalduz.

2. Kontratistarendako obligaziozkoak izango dira kontratuaren aldatetarik, baldin eta erakartzen badute obra, ondasun edo zerbitzu unitateak kendu, ordeztu, gehitu edo gutxitzea, beti ere kontratuan sartutako unitateak direnean.

Gutxitu edo kendu egiten badira, kontratistak ez du inolako kalteordainik erreklamatzeko esku biderik izango, 133.i) artikuluan ezartzen dena galarazi gabe.

3. Kontratuaren aldatetarik 92. artikuluan xedatutakoaren arabera formalizatu beharko dira.

115. artikulua. Unitate berriak sartzeagatik eginiko aldatetarik.

1. Aldaketen ondorioz proiektuan ez dauden obra unitateak edo ezaugarrietan funtsezko diferentziak dituztenak sartu behar direnean, haien aplikazio prezioak Administrazioak finkatuko ditu, obraren zuzendari fakultatiboaren proposamena eta kontratistak proposamen honi audentzia izapidetan eginiko oharpenak ikusita, gutxienez ere hiru eguneko epean. Finkatutako prezioak horrek onartzen ez baditu, obra unitateak egiten jarraitu beharko du eta horien prezioak arbitraje batzordeak erabakiko ditu, prozedura sumarioan. Horrek ez du galaraziko Administrazioak, edozein kasutan, finkatu dituen prezioetan beste enpresari

batekin kontratatu edo zuzenean exekutatu ahal izatea.

Aipatu arbitraia batzordea Administrazio Kontratazioarako Batzorde Aholkulariaren menpe egongo da. Batzordearen osaera eta prezioak ezartzeko prozedura sumarioa erregelamendu bidez arautuko dira.

2. Aldaketa hasieran kontratatu ez ziren beste ondasunak edo zerbitzuak ematean datzanean, prezioak Administrazioak finkatuko ditu kontratistari entzunda, gutxienez ere hiru eguneko epean. Horrek Administrazioak ipinitako prezioak onartu ez baditu, ez ditu unitate berriak egin beharko.

116. artikulua. Aldaketa espedientearen izapidatzea

1. Kontratuaren aldatetarik espediente kontrajarriaren bidez izapidatuko da. Espedienteak honako jarduketarik hauek edukiko ditu:

a) Kontratuaren exekuzioaren jarraipenaz eta kontrolaz arduratzen den administrazio unitateak edo Administrazio kontratugileak jarritako zuzendari fakultatiboak proposamena prestatzea. Honi egin nahi den aldatetarik zehazteko eta baloratzeko behar diren agiriak gehituko zaizkio.

Proposamena Administrazioetik sortu ez bada, honen zerbitzu teknikoek hari buruzko txostena egin beharko dute.

b) Kontratistari entzutea ematea, gutxienez ere hiru eguneko epean.

c) Kontratazio organoaren zerbitzu juridikoen txostena.

d) Kontuhartzaitzak gastua fiskalizatzea.

e) Kontratazio organoak aldatetarik eta dagokion gastua onestea.

2. Obra kontratuan, aldatu baten izapidatzeak obraren exekuzioa aldi baterako etendura osoa eskatzen duenean, eta horrek interes publikoari kalte larriak eragiten badizkio, kontratazio organoak erabaki ahalko du obrak behin-behinekoz jarraitzea, zuzendaritza fakultatiboak egin beharko duen proposamen teknikoan aurreikusten den moduan, beti ere aurreikusitako gehieneko zenbatekoak esleipen prezioaren 100eko 20 gairik ez duenean eta hura finantzatzeko kreditu aski eta egokia baldin badago.

Horretarako izapidatutako den espedienteak honako jarduketarik hauek bakarrik burutzea eskatuko du:

a) Obraren zuzendari fakultatiboaren proposamen tekniko arazoitua, aldatetaren zenbateko

hurbildua eta egin beharreko obren oinarritzko deskribapena edukiko dituen

b) Kontratistari entzutea.

c) Administrazio unitate eskudunak luzatutako deklarazioa, kreditua egoteari buruzkoa.

d) Kontratazio organoaren onespena.

Proiektua lau hilabeteko epean onetsi beharko da, eta aldaketa espediente sei hilabetekoan. Epe horiek iraganez gero aldatuari dagozkion obren exekuzioak ezin izango du aurrera jarraitu.

3. Obra kontratu batean larrialdi bat gertatzen denean zuzendari fakultatiboak agindu ahalko du jadanik egina dagoen obraren irautea bermatzeko edo hirugarrenei berehalako kalteak ekiditeko ezinbestekoak diren obra unitateak egin daitezzen. Larrialdia sortarazi duen arrazoia desagertuz gero, zuzendariak berri emango dio berehala Administrazio kontratugileari, dagokion aldaketa espediente izapidatzeko.

4. Kontratuaren likidazioan sartu ahalko dira, nahiz eta aldaketa espediente alde aurretik izapidaturik ez egon, hasieran kontratua sartu ziren obra, ondasun edo zerbitzu unitateetan benetan egindako aldakuntzak, beti ere esleipen prezioan 100eko 10 baino handiagoa den gastu gehikuntza eragin ez badute. Hau horrela izanda ere, aldakuntza hauek sortu eta gero aldaketa espediente izapidatu behar bada, bertan aipatu aldakuntzak jaso beharko dira, kontratuaren likidaziora iritsi behar izan gabe.

Aukera honetan ez dira sartzen unitate berriak sartzean dautzan aldakuntzak.

117. artikulua. Zerbitzu publikoak kudeatzeko kontratuaren aldaketa.

1. Interes publikoaren zioengatik Administrazioak aldatu ahalko ditu kontratatutako zerbitzuaren ezaugarriak eta erabiltzaileek ordaindu beharreko tarifak.

2. Aldaketek kontratuaren finantza araubidea ukitzen dutenean, Administrazioak kontratistari kontentsazioa eman beharko dio, kontratua esleitzerakoan oinarritzotzat hartu ziren baldintza ekonomikoen oreka mantentzeko moduan.

3. Administrazioak zerbitzuaren bilakaerari buruz ematen dituen erabakiek eragin ekonomikorik ez dutenean, kontratistak ez du horiengatik kalteordainik jasotzeko eskubiderik izango.

118. artikulua. Kontratuen etendura.

1. Administrazioak kontratuaren etendura erabakitzen bada, edo hori gertatzen bada 99. artiku-

luan xedatutakoa aplikatuz, akta jasoko da, bertan ipiniz etendura eragin duten inguruabarrak eta haren exekuzioan egitatez dagoen egoera.

2. Etendura erabakita, Administrazioak kontratistari benetan jasan dituen kalteak eta galerak ordainduko dizkio.

VII. TITULUA Prezioak berrikustea

KAPITULU BAKARRA Xedapen orokorrak

119. artikulua. Prezioak berrikustea bidezko den kontratuak.

1. Foru Lege honetan araututako kontratuetan prezioen berrikuspena Titulu honetan ezarritakoaren arabera egingo da haren zenbatekoaren 100eko 20 exekutatu bada eta esleitu zenetik sei hilabete iragan badira.

2. Administrazio klausula partikularren pleguak zehaztu beharko du aplikatu beharreko berrikuspen sistema edo formula eta, ebazpen arrazoituan, hori bidezko ez dela ezarri ahalko da, eta hau ere aipatu pleguan jaso beharko da.

120. artikulua. Berrikuspen formulak.

1. Prezioen berrikuspena egingo da kontratazio organoak administrazio klausula partikularren pleguan erabakiko dituen izaera ofizialeko formula edo indizeen bidez.

Hala ere, obra eta hornidura-fabrikazio kontratuetan Estatuko Administrazio Orokorrak onetsitako formula tipoak aplikatuko dira. Formula tipoen artean kontratazio organoak, administrazio klausula partikularren pleguan, dagokion kontratua-rendako egokien ikusten dituenak ezarriko ditu, honakoa galarazi gabe: haietako bakar bat ere ez badator bat kontratuaren ezaugarriekin, arloan eskudun den Estatuko Administrazio Orokorraren organoari formula bereziak onetsi ditzan proposatzea.

2. Formulek isladatuko dute kontratuaren prezioan eskulanak eta oinarritzko elementuek duten partehartzea. Zenbait batugaik osatuta egongo dira; haietariko bat zero unitate hamabost ehunen (0,15) baino handiagoa izango ez den batugai finkoa izanik, aldaezin geldituko diren gastuei dagokiena.

3. Kontratuari aplikatzen zaizkion formulak aldaezinak izango dira hark indarra duen bitartean.

121. artikulua. Berrikuspen prozedura.

1. Berrikuspen formulak erabiliko dira kalkulatzeko, prezioen indizeak aplikatuz, berrikuspen koefizienteak data bakoitzean, eskaintzak aurkezteko epearen azken datarekiko, enkante eta lehia- ketetan, eta esleipenaren datarekiko, prozedura negoziatuan, haien emaitzak egindako prestazioen zenbateko likidoei aplikatuz.

2. Obra eta hornidura-fabrikazio kontratueta prezioen berrikuspen formulak erabiltzen direnean, berrikuspena egiteko, formula horien bidez lorturiko koefizientea egindako prestazioan likidatu- tako prezioaren gainean aplikatuko da.

122. artikulua. Berrikuspena, berandutza kasuetan.

Berrikuspen klausula kontratista berandutzan erori den denboraldietan aplikatzen denean, eta bidezko izan daitezkeen zigorrak galarazi gabe, kontuan hartuko diren prezioen indizeak izango dira prestazioa epearen barruan egiteko kontra- tuan ezarri diren datei dagozkienak, salbu exeku- ziorako benetako denboraldiari dagozkienek koefi- ziente txikiagoa sortzen dutenean, orduan azken horiek ezarriko baitira.

123. artikulua. Berrikuspenaren zenbatekoaren ordainketa.

Bidezko diren berrikuspenen zenbatekoa ordainduko da dagokion abonamendua edo des- kontua ziurtapenetan edo ordainketa partzioletan eginez, edo, salbuespenez, kontratuaren likidazio- an, aipatu ziurtapenetan edo ordainketa partziale- tan sartu ezin izan direnean.

VIII. TITULUA Kontratuen iraungipena

I. KAPITULUA Xedapen orokorrak

124. artikulua. Kontratuen iraungipenaren kausak.

Kontratuak iraungiko dira betetzea, amaiaz- pen eta baliogabetasun deklarazioa direla medio.

II. KAPITULUA Kontratuak betetzeaz

1. Sekzioa Arau amankomunak

125. artikulua. Kontratuak betetzea eta harre- ra.

1. Kontratuak kontratistak bete duela ulertuko da horrek, kontratuaren terminoetan eta Adminis-

trazioaren adostasunez, haren xedea osorik buru- tu duenean.

2. Edonola ere, hura egiaztatze beharrezkoa izango da, Administrazioaren aldetik, harrera edo adostasun egintza formal eta positiboa, kontratu- aren xedea eman edo egin eta hurrengo hilabetea- ren barruan. Administrazioaren Kontuhartzailtzari egintza jakinaraziko zaio, jakinarazpen hori derri- gorrezkoa denean, nahi badu bertan ager dadin, inbertsioa egiaztatze dituen funtzioetan.

3. Kontratueta berme-epe bat finkatuko da, harrera edo adostasun datatik kontatzeko, eta hori Administrazioaren eragozpenik gabe iragan denean, kontratistaren erantzukizuna iraungirik geldituko da, salbu Foru Lege honetan edo beste arauetan beste epe bat ezartzen den kasuetan.

Berme-epetik at geldituko dira beren izaera edo ezaugarriengatik hori beharrezkoa ez duten kontratuak; kontratazio espedientearen behar beza- la justifikatuko da, pleguan espreski adieraziz.

2. Sekzioa Obra kontratua betetzeaz

126. artikulua. Harrera eta berme-epea.

1. Obrak bukatzean haien harrerari ekingo zaio. Bertan agertuko dira Administrazioak bere ordezkari gisa ipinitako fakultatiboa, obren zuzen- daritzaz arduratzen den fakultatiboa eta kontratis- ta, bere fakultatiboak lagunduta, egoki ikusten badu.

2. Obrak egoera onean eta aurreikusitako aginduen arabera badaude, Administrazioak bere ordezkari gisa ipinitako funtzionario teknikoak har- tutzat emango ditu, dagokion akta egingo da eta une horretan hasiko da berme-epea.

Obrak hartuak izateko egoeran ez dardenean, horrela jasoko da aktan eta obren zuzendariak ikusi diren akatsak ohartaraziko ditu eta behar diren argibideak zehaztuko ditu, akatsak zuzen- tzeko epea finkatuz. Aipatu epea iraganda kontra- tistak egiten ez badu, beste epe bat, luzaezina, eman ahalko zaio edo kontratua amaiazatitzat deklaratu.

3. Berme-epea administrazio klausula partiku- larren pleguan ezarriko da, obraren izaera eta konplexutasuna kontuan hartuz, eta ezingo da urte bat baino laburragoa izan, kasu bereziak salbu.

4. Hala ere, obren iraupenak helburu praktiko- rik ez duenean, adibidez, emaitzarik gabeko zun- daketa eta prospekzioetan, edo obren izaerak kontserbazio hutsaren kontzeptua gainditzen

duten lanak eskatzen dituenean, adibidez, dragaketan, ez da berme-eperik eskatuko.

5. Harrera partziala egin ahalko da erabilpen publikorako ematen ahal diren faseetan egin daitezkeen obra zatietan, kontratuan ezarritakoaren arabera.

127. artikulua. Likidazioa.

1. Harrera aktaren datatik kontaktzen den sei hilabeteko epearen barruan, dagokion likidazioa erabaki beharko da eta kontratistari jakinarazi, eta horri ordaindu ateratzen den saldoa, hala bada.

2. Likidazio saldoaren ordainketa berandutzen bada, kontratistak horren legezko korritua eskuratzeko eskubidea izango du, 1,5 puntu handitua, harreraren ondoko sei hilabeteak iragaten direnetik aurrera.

128. artikulua. Ezkutuko akatsengatik erantzukizuna

Bermealdia amaitu eta gero obra hondatzen bada eraikuntzako ezkutuko akatsengatik, kontratistak kontratua ez betetzeagatik sortuak, honek kalte eta galerengatik erantzungo du hamabost urteko epean zehar, harreratik kontaturik.

Epe hori inolako kalte edo galerarik agertu gabe iraganez gero, kontratistaren erantzukizuna erabat iraungita geldituko da.

3. Sekzioa **Zerbitzu publikoak kudeatzeko** **kontratua betetzeaz**

129. artikulua. Itzultzea.

1. Kontratuko epea bukatzen denean zerbitzua Administrazioari itzuliko zaio. Kontratistak obrak eta instalazioak entregatuko ditu, alegia, kontratuaren arabera entregatu behar dituenak, mantentimendu eta funtzionamendu egoera egokian.

2. Itzultzea baino lehen, pleguan finkatu behar den zentzuzko epean, Administrazioaren organo eskudunak xedapenak emango ditu, ondasunak hitzartutako baldintzetan entrega daitezzen.

4. Sekzioa **Hornidura kontratua betetzeaz**

130. artikulua. Entrega eta harrera gastuak.

1. Kontrako ituna salbu, horniduraren xedea diren ondasunak hitzarturiko lekura garraiatzeko eta entregatzeko gastuak kontratistaren kontura izango dira.

2. Ondasunak hartuak izateko egoeran ez badaude, honela jasoko da harrera aktan eta kon-

tratistari agindu zehatzak emango zaizkio ikusitako akatsak zuzentzeko edo beste hornidura bat egiteko, itunduaren arabera.

131. artikulua. Akatsak edo hutsak bermealdian.

1. Bermealdian frogatzen bada hornidurako ondasunetan akatsak edo hutsak daudela, Administrazioak eskubidea izango du kontratistari desegokiak direnak ordeztu ditzan edo, aski bada, horiek konpon ditzan eskatzeko.

2. Bermealdian zehar kontratistak eskubidea izango du hornidurako ondasunen aplikazioa ezaizgatzeko eta honetaz entzuna izateko.

3. Bermealdian zehar kontratazio organoak pentsatzen badu hornidurako ondasunak nahi den helbururako gai ez direla, haietan ikusitako akats edo hutsengatik, kontratistari egozgarriak, eta helburu hura lortzeko aipatu ondasunak ordezteko edo konpontzea aski izango ez delako ustea badago, ondasunak hartzeari uko egin ahalko dio, aipatu epea amaitu baino lehen, kontratistaren kontura utzirik, eta ordaintzeko betebeharrak salbuetsita geldituko da, edo, dagokion kasuan, ordaindutako prezioa berreskuratzeko eskubidea edukiko du.

4. Bermealdia bukatzen bada Administrazioak artikuluko honen 1. eta 3. idazatietan agertzen diren eragozpenen bat edo salaketa formalizatu gabe, kontratista hornidurako ondasunen gaineko erantzukizunaz salbuetsita geldituko da.

5. Sekzioa **Obra proiektu bat egitea den laguntza** **kontratua betetzeaz**

132. Artikulua. Okerrak zuzendu eta akatsak konpontzea.

1. Laguntza kontratua obra proiektu bat osorik egitea denean, kontratazio organoak haxe eskatuko dio kontratistari: berari egotzi beharreko akatsak, gabezia teknikoak, oker materialak, ez-egiteak eta erregelamendu-hausteak edo lege-hausteak zuzen ditzan, horretarako dagokion epea emanez, gehienez ere, bi hilabetekoa.

2. Epe hori iraganda akatsak ez badira zuzendu, Administrazioak aukeratu ahalko du, biltzen diren inguruabarrak kontuan edukiz, kontratua amaiaraztea edo kontratistari beste epe bat ematea.

3. Lehenbiziko kasuan bermea inkautatuko da eta kontratistak Administrazioari kontratuaren prezioaren 100ko 25eko kalteordaina ordaindu beharko dio.

4. Bigarren kasuan, zuzendu ez diren akatsak zuzentzeko emandako epe berria hilabete batekoa izango da, luzaezina, kontratistak kontratuaren prezioaren 100eko 25eko zenbatekoa duen zigorra jasoko du.

5. Berrito bete gabe geratzen bada, bidezko izango da kontratuamaiaraztea, kontratista Administrazioari hitzartutako prezioaren besteko kalteordaina ematera behartuta izanik, eta bermea galduz.

6. Kontratistak, azken epea eman aurretik edozein unetan, proiektua egiteari uko egiten badiu, Administrazioari kontratuaren prezioaren erdiaren pareko kalteordaina eman beharko dio, bermea galduz.

III. KAPITULUA Kontratuak amaiaraztea

1. Sekzioa Guztiendako arauak

133. artikulua. Amaiarazteko kausak.

Kontratu amaiarazteko kausak dira:

a) Kontratista indibidualaren heriotza edo ustekabeko ezintasuna, edo sozietate kontratistaren nortasun juridikoaren iraungipena.

b) Porrotaren, ordainketen etenduraren, hartzekodunen konkurtsoaren edo kaudimengabe kobraezinaren deklarazioa edozein prozeduratan edo kita itxoiteko akordioa.

c) Administrazioaren eta kontratistaren arteko akordioa.

d) Kontratistak behin betiko bermea edo bereziak edo horren osagarriak ez ematea, epearen barrenean, Foru Lege honetan aurreikusitako kasuetan.

e) Kontratu epearen barrenean ez formalizatzea.

f) Kontratista epeak betetzean berandutzea eta 56.2.d) artikuluan adierazitako epea ez betetzea.

g) Administrazioak zortzi hilabeteko epean ez ordaintzea.

h) Kontratuko gainerako funtsezko betebeharrak ez betetzea.

i) Kontratuaren aldaketak, elkarren segidakoak izanda ere, bakanka edo batera hartuta, kontratuaren esleipenaren prezioaren aldaketak sortzen dituztenean, horien zenbatekoa, gaineratik edo azpitik, prezioaren zenbatekoaren 100eko 20 baino handiagoa bada, edo hasierako proiektua-

ren edo prestazioaren funtsezko aldaketa direnean.

j) Kontratuan espreski ezartzen direnak.

k) Foru Lege honen artikuluetan kontratu kategoria bakoitzarendako bereziki adierazten direnak.

134. artikulua. Amaiaraztearen kausak aplikatzea.

1. Kontratuaren amaiaraztea kontratazio organoak erabakiko du, ofizios edo kontratistak eskatuta, dagokion kasuan, erregelamenduaren arabera erabakiko den prozeduraren bidez.

Espediente hauen aginduzko izapide eta txosten guztiak presakotzat hartuko dira eta lehentasuna emango zaie dagozkien administrazio edo aholkularitza organoek erabaki ditzaten.

2. 39. artikuluan araututako bermea eratu ez izateak, 56.2.d) artikulua aipatzen duen epea bete ez izateak, eta era berean porrotaren, hartzekodunen konkurtsoaren edo kaudimengabe kobraezinaren deklarazioak, edozein prozeduratan, kontratuaren amaiaraztea eragingo dute beti.

Aurreko artikuluen i letran aurreikusitako kontratuaren aldaketaren kasuan, amaiaraztea erabakitzeko eskubidea aukerabidekoa izango da bai Administrazioarendako bai kontratistarendako.

Kontratuaren amaiarazteko gainerako kasuetan, hura erabakitzeko eskubidea amaiaraztea sortarazi duen inguruabarra ez dagokion alderdiarendako izango da aukerabidekoa.

3. Amaiaraztearen arrazoia kontratista indibidualaren heriotza edo bat-batean jasandako gaitasun eza gertatu izana denean, Administrazioak erabaki ahalko du kontratuaren jaraunsle edo oinordekoekin jarraitzea.

4. Amaiaraztea elkarren arteko akordio bidez bakarrik egin ahalko da kontratistari egotz dakiokeen amaierarako beste kausarik ez denean, eta, beti ere, interes publikoko arrazoiek kontratuaren iraupena desegoki edo premiagabe bihurtzen dutenean.

5. Sozietate kontratistak parte hartzen duen enpresa bategitearen kasuan, kontratuak entitate zurgatzailearekin edo bategitetik sortzen denarekin jarraituko du, eta hori kontratutik datozen eskubide eta betebeharrak guztietan subrogatuta geldituko da.

6. Zatiketaren edo enpresa ekarpenaren kasuetan, kontratuak ondorioz sortzen den edo onuradun den entitatearekin jarraituko du, eta hori kontratutik datozen eskubide eta betebeharrak guz-

tietan subrogatuta geldituko da, beti ere ondorioz sortzen den edo onuradun den entitateak esleipena erabaki zenean eskatutako kaudimena mantentzen badu.

7. Kita itxoinean eta ordainketen etenduran, Administrazioak aukeratu ahalko du kontratuaren jarraipena bere iritziz kontratistak kontratuaren exekuziorako aski diren bermeak ematen baditu.

8. Amaiaraztearen arrazoia berme osagarriak eman ez izatea bada, amaiazteak kontratu osoa ukituko du.

9. Aurreko artikuluan f) letrak aipatzen duen berandutza kasuan, kontratistak epea betetzean egindako berandutzeak sortarazitako zigorrak kontratuaren prezioaren 100eko 20 baino handiagoak badira, 95.4 artikuluan xedatutakoari jarraikiko zaio.

10. Kontratutik datozen betebeharrak Administrazioak ez betetzeak, haren amaiaztea sortarazitako du Foru Lege honetan aurreikusitako kasuetan bakarrik.

135. artikulua. Amaiaztearen ondorioak.

1. Kontratistari egotzi ahal zaizkion arrazoiengatik kontratua formalizatzen ez den kasuetan, 92.3 artikuluan xedatutakoari jarraikiko zaio.

2. Elkarren arteko akordioengatik denean, alderdien eskubideak Administrazioaren eta kontratistaren artean balio osoz erabakitakoari egokituko zaizkio.

3. Administrazioak kontratuaren betebeharrak ez betetzeak erakarriko du, haren aldetik, izaera orokorarekin, arrazoi horrengatik kontratistari egindako kalteak eta galerak ordaindu behar izatea.

4. Kontratua kontratistaren ez-betetze errudunagatik amaiazten denean, bermea inkautatuko zaio eta, gainera, Administrazioari egindako kalteak eta galerak ordaindu beharko dizkio, inkautatutako bermearen zenbatekoa gainditzen duten kopuruan.

5. Edozein kasutan, amaiaztearen akordioak berriazko adierazpena izango du, eratutako bermea galtzea, itzultzea edo ezeztatzea bidezko den ala ez agertuz.

2. Sekzioa

Obra kontratua amaiaztea

136. artikulua. Amaiazteko kausak.

Obra kontratua amaiazteko kausak dira, 133. artikuluan aurreikusitakoez gain, honako hauek:

a) Zuinketa egiaztatzean berandutzea.

b) Administrazioak obren hasiera etetea, sei hilabete baino luzeagoa den epean.

c) Obrei uztea edo Administrazioak sei hilabete baino luzeagoa den epean obrak etetea erabaki izatea.

d) Administrazioak egindako aurrekontuan edo proiektuan egon daitezkeen errakuntza materialak, gutxienez ere obraren aurrekontuaren 100eko 20 ukitzen dutenean.

137. artikulua. Obra funtsean aldatzea eta obraren hasiera etetea.

1. 133. artikuluan i) letran aurreikusitakoaren ondorioei begira, funtsezko aldatzetatik hartuko dira, besteak beste, hasierako proiektuaren oinarritzko ezaugarriak eta helburuak aldatzea, bai eta unitateak ordeztzea ere, gutxienez ere aurrekontuaren 100eko 50 ukitzen dutenean.

2. Administrazioak obren hasiera eteten denean, horrek sei hilabete iragaten uzten duenean eteten denetik kontatuta, aipatu egoerari buruzko erabakirik eman gabe eta kontratistari jakinarazi gabe, horrek kontratua amaiazteko eskubidea izango du.

138. artikulua. Amaiaztearen ondorioak.

1. Kontratuaren amaiazteak erakarriko du proiektuaren arabera egindako obrak egiaztatu, neurtu eta likidatzea, dagozkion saldoak finkatuz, kontratistaren alde edo kontra. Hori deitzea beharrezkoa izango da, kontratazio espedientean agertzen den helbidera, egiaztatzeko eta neurtzeko ekitaldira ager dadin.

2. Administrazioaren erru edo arduragabeke-riagatik zuinketaren egiaztapena berandutzen bada, kontratuaren amaiaztea erakarriko du, kontratistak izango du esleipenaren prezioaren 100eko 2aren baliokidea den kalteordaina jasotzeko eskubidea bakarrik.

3. Administrazioak obren hasiera sei hilabete baino luzeagoa den epean eteten baldin badu, kontratistak, kontzeptu guztiengatik, esleipenaren prezioaren 100eko 3 den kalteordaina jasotzeko eskubidea izango du.

4. Gerorapena urtebete baino luzeagoa bada edo Administrazioak obren behin betiko etendura erabakitzen badu, kontratistak, etekin industrialaren kontzeptuan, egin gabe utzi diren obren prezioaren 100eko 6 jasotzeko eskubidea izango du.

3. Sekzioa

Zerbitzu publikoak kudeatzeko kontratuaren amaiaztea

139. artikulua. Amaiarazteko kausak.

Zerbitzu publikoak kudeatzeko kontratua amaiazteko kausak dira, 133. artikuluan, f), g) eta i) letretan izan ezik, aipatzen direnez gain, honako hauek:

a) Administrazioa sei hilabete baino luzeagoa den epean berandutzea, kontratu bidez obligaziozko dituen kontraprestazioa edo baliabide lagungarriak kontratistari entregatzean.

b) Administrazioak zerbitzua luditzea.

c) Interes publikoaren arrazoiengatik zerbitzua kentzea.

d) Administrazioak kontratuaren ondoren hartutako erabakien ondorioz, zerbitzuaren ustiapena ezinezkoa izatea.

140. artikulua. Amaiarazteko kausak aplikatzea.

1. Amaiaraztearen kausa kontratistaren heriotza edo ustekabeko ezintasuna gertatu izana denean, Administrazioak erabaki ahalko du kontratua haren jaraunse edo oinordekoekin jarraitzea, salbu zerbitzuaren berariazko legedian kontrako xedapen espresua dagoenean.

2. Interes publikoko zioengatik Administrazioak zerbitzua luditzea erabaki ahalko du, zuzenean kudeatzeko.

141. artikulua. Amaiaraztearen ondorioak.

1. Amaiaraztearen kasuetan, Administrazioak ordainduko dio kontratistari, edozein kasutan, horrek egindako obren eta instalazioen prezioa, haren jabetzara pasatu behar dutenena, kontuan hartuta haien egoera eta itzultzerako gelditzen den denbora.

2. 135. artikuluan xedatutakoaz aparte, Administrazioak edo kontratistak kontratuaren betebeharrak bete ez izateak, zerbitzuaren berariazko xedapenen arabera kontratu hauetan eragina izan dezaketen ondorioak sortuko ditu.

3. 139.a) artikulua kasuan, kontratistak zor zaizkion kopuruen legezko korrituak edo hitzartutako balore ekonomikoak ordain dakizkion eskubidea izango du, entregarako aurreikusi den epea betetzen denetik, baita pairatutako kalteak eta galerak ere.

4. 139. artikulua b), c) eta d) letren kasuetan, artikulua honen 1. idazatian xedatutakoa galaz gabe, Administrazioak kontratistari egiten

zaizkion kalteak eta galerak ordainduko dizkio, jaso gabe geldituko diren etekinak barne, begirata azken bosturtekoan ustiapenak izandako emaitzak eta, amortizazio maila kontuan hartuz, horri itzuliko ez zaizkion obrek eta instalazioek galdutako balioa.

4. Sekzioa

Hornidura kontratua amaiaztea

142. artikulua. Amaiarazteko kausak.

Hornidura kontratua amaiazteko kausak dira, 133. artikuluan aipatzen direnez gain, honako hauek:

a) Horniduraren hasiera etetea, Administrazioari egotzi ahal zaion arrazoiengatik, sei hilabete baino luzeagoa den epean, kontratuan entregarako ipini den datatik, salbu pleguan epe laburragoa ipintzen bada.

b) Hornidurari uztea edo Administrazioak urtebete baino luzeagoa den epean hornidura etetea erabakitzea, salbu pleguan epe laburragoa ipintzen bada.

143. artikulua. Amaiaraztearen ondorioak.

1. Kontratua amaiazteak erakarriko du ondusunak eta egindako ordainketen zenbatekoak elkarri itzultzea eta hau Administrazioarendako posible edo komenigarri ez bada, honek ordaindu beharko du benetan entregatu eta adostasunez jasotako prezioa.

2. Horniduraren hasiera sei hilabete baino luzeagoa den epean eteten den kasuan, kontratistak izango du esleipenaren prezioaren 100eko 3ko kalteordaina jasotzeko eskubidea bakarrik.

3. Administrazioaren aldetik hornidurari uko egin edo eteten bada, urtebete baino luzeagoa den epean, kontratistak egin gabe utzitako entregan prezioaren 100eko 6 jasotzeko eskubidea izango du, etekin industrialaren kontzeptuan.

5. Sekzioa

Laguntza kontratua amaiaztea

144. artikulua. Amaiarazteko kausak.

1. Laguntza kontratua amaiazteko kausak dira, 133. artikuluan aipatzen direnez gain, honako hauek:

a) Kontratuaren hasiera etetea, Administrazioari egotzi ahal zaion arrazoiengatik, sei hilabete baino luzeagoa den epean, kontratuan bere hasierarako ipinitako datatik, salbu pleguan epe laburragoa ipintzen bada.

b) Kontratuari uztea edo Administrazioak urtebete baino luzeagoa den epean etetea erabakitzea, salbu pleguan epe laburragoa ipintzen bada.

2. 21. 1 artikulua aipatzen dituen kontratu osagarriak bakarrik amaiaraziko dira, 133. artikulua i) letran ikusten den kasuari dagokionean, kontratu nagusia amaiarazten denean.

145. artikulua. Amaiaraztearen ondorioak.

1. Kontratu amaiarazteak eskubidea emango dio kontratistari, edozein kasutan, kontratuaren arabera benetan egin dituen eta Administrazioak hartu dituen zerbitzuen edo lanen prezioa jasotzeko.

2. Kontratuaren hasiera sei hilabete baino luzeagoa den epean eteten bada, kontratistak bakarrik izango du haren prezioaren 100eko 3ko kalteordaina jasotzeko eskubidea.

3. Aurreko artikulua b) letraren kasuan, kontratistak egiteko gelditzen diren lanen edo zerbitzuen prezioaren 100eko 6 jasotzeko eskubidea izango du, lortu gabe gelditutako etekinaren kontzeptuagatik.

IV KAPITULUA

Kontratuen baliogabetasuna

146. artikulua. Kontratuen baliogabetasuna.

Foru Lege honetan araututako kontratuak baliogabeak izango dira haien prestaketarako egintzaren bat edo esleipen egintza baliogabea denean eta ondoko artikuluek aipatzen dituzten administrazio zuzenbideko edo zuzenbide zibileko arazoietako bat gertatzen denean.

147. artikulua. Administrazio zuzenbideko deuseztasun kausak.

Administrazio zuzenbideko deuseztasun kausak dira, kontratu esleitzen den uneari dagozkiotako, honako hauek:

a) Administrazio Publikoen Araubide Juridikoari eta Guztiendako Administrazio Prozedurari buruzko Legearen 62.1 artikuluan ipiniak.

b) Jarduteko gaitasuna faltan izatea edo kaudimen ekonomikoa, finantzarioa, teknikoa edo lanbidekoa faltan izatea, behar bezala frogatua, edo esleipen-hartzailea Foru Lege honen 29. artikuluan aipatzen diren debeku edo bateraezintasunetako batean sarturik egotea.

c) Krediturik ez izatea edo aski ez izatea, Nafarroako Ogasun Publikoari buruzko Foru Legearen 40. artikuluan eta Foru Lege honen pean dauden gainerako administrazioei buruzko izaera bereko beste arau juridikoetan ezarritakoaren arabera, larrialdiko obrei dagokienean izan ezik.

148. artikulua. Administrazio zuzenbideko deuseztagarritasun kausak.

Administrazio zuzenbideko deuseztagarritasun kausak dira ordenamendu juridikoaren gainerako arau-haustek eta, bereziki, Foru Lege honetan dauden arauenak, Administrazio Publikoen Araubide Juridikoari eta Guztiendako Administrazio Prozedurari buruzko Legearen 63. artikuluekin bat.

149. artikulua. Baliogabetasun deklarazioa.

1. Kontratuen baliogabetasun deklarazioa, aurretiko bi artikuluetan azaldutako arazoientzat, kontratazio organoak erabaki ahalko du, ofizios edo interesatuek eraginda, Administrazio Publikoen Araubide Juridikoari eta Guztiendako Administrazio Prozedurari buruzko Legean ezarritako epeak eta betebeharrak betez.

2. Kontratazio organoen egintzen exekuzioaren etendurari dagokionez, Administrazio Publikoen Araubide Juridikoari eta Guztiendako Administrazio Prozedurari buruzko Legean eta Jurisdikzio kontentzioso-administratiboari buruzko Legean xedatutakoak aginduko du.

150. artikulua. Baliogabetasun deklarazioaren ondorioak.

1. Kontratuaren edo esleipenaren prestaketarako egintzen baliogabetasun deklarazioak, irmoa denean, berarekin ekarriko du edozein kasutan kontratuarena berarena, eta hori likidazio fasean sartuko da; alderdiek elkarri itzuli beharko dizkiote haren indarrez hartuak dituzten gauzak, eta hori interes publikoarendako posible edo komenigarri ez bada, haien balioa itzuliko da. Errudun suertatzen den alderdiak ordaindu beharko dizkio kontrakoari pairatutako kalteak eta galerak.

2. Prestaketarako ez diren egintzen baliogabetasunak beroriek eta beren ondorioak bakarrik ukituko ditu.

3. Kontratu baten baliogabetasun deklarazio administratiboak nahaste larria sortzen badiu zerbitzu publikoari, erabaki berean xedatu ahalko da haren ondorioen jarraipena eta haren klausula beren pean, kaltea ekiditeko presako neurriak hartu arte.

151. artikulua. Zuzenbide zibileko baliogabetasun arazoiak.

Kontratuen baliogabetasuna, zuzenbide zibilean onartutako arazoientzat, administrazio kontratazioari aplikatu ahal zaizkion neurrian, akzioak erabiltzeko ordenamendu zibilean ezarritako epeak eta betebeharrak aginduko dute, baina horretarako prozedura aurreko artikuluetan administrazio egintzen eta kontratuen baliogabetasunerako aurreikusitakoak arautuko du.

IX. TITULUA Lagapena eta azpikontratazioa

KAPITULU BAKARRA Xedapen Orokorrak

152. artikulua. Kontratuaren lagapena.

1. Kontratutik datozen eskubideak eta betebeharrak hirugarren bati lagatu ahalko zaizkio, beti ere lagatzailearen kualitate teknikoak edo pertsonalak kontratua esleitzeko arrazoi erabakiorra izan ez badira.

2. Esleipen-hartzaileek beren eskubideak eta betebeharrak hirugarrenei lagatu ahal izateko honako betekizunak bete beharko dira:

a) Kontratazio organoak lagapena aldez aurretik eta espreski baimentzea.

b) Lagatzaileak gutxienez ere kontratuaren prezioaren 100eko 20 exekutatu izatea, edo, zerbitzu publikoak kudeatzeko kontratua bada, gutxienez ere horren iraupenaren bosten baten epean ustiapena gina izatea.

c) Lagapen-hartzaileak Administrazioarekin kontratatzeke ahalmena izatea eta behar bezala sailkaturik egotea, betekizun hau lagatzaileari eskatu bazaio.

d) Esleipen-hartzailearen eta lagapen-hartzailearen arteko lagapena eskritura publikoan formalizatzea.

3. Lagapen-hartzailea lagatzaileari dagozkion eskubide eta betebeharrak guzietan subrogatuta geldituko da.

4. Administrazioak ez du baimenduko sailkapenen etenduran sartuta edo kontratatzeke desgaituta dauden pertsonen aldeko kontratuaren lagapena.

5. Obra publikoaren kontzesioan, Administrazioak agindu ahalko dio kontzesio-hartzaileari hirugarren bati utz diezaion portzentaia bat, gutxienez ere obrak guztira duen balioaren 100eko 30 hartzeko duena, eta aurreikusitako beharko da lizatzaileek hura gehitu ahal izatea, honetarako zifra kontratuan jasoz. Bestela hauek gonbidatu ahalko dituzte, haien eskaintzetan hirugarrenei utziko dieten gutxienezko portzentaia ipin dezaten.

153. Azpikontratazioa.

1. Salbu kontratuak kontrakoa xedatzen badu edo honen izaeragatik eta baldintzengatik esleipen-hartzaileak zuzenean egin behar duela ondorioztatzen bada, horrek hirugarrenekin hitzartu ahalko du kontratuaren egite partziala.

2. Azpikontratuak egiteko honako betekizun hauek bete beharko dira:

a) Administrazioari idatziz jakinaraztea egin gogo den azpikontratuak, azpikontratatistak egingo dituen kontratuaren zatiak azalduz.

Hala ere, izaera sekretu edo erreserbatua duten kontratuendako, edo horien exekuzioak segurtasun neurri bereziek lagunduta izan behar duenean, lege edo erregelamenduen arabera, azpikontratazioak beti beharko du kontratazio organoaren baimen espresua.

b) Esleipen-hartzaileak hirugarrenekin azpikontratatzen dituen prestazio partzialak ez izatea administrazio klausula partikularren pleguan finkatzen den portzentaia, kontratuaren aurrekontuaren 100eko 50etik gorakoa, baina handiagoak. Aurreikuspen hori pleguan agertzen ez den kasuan, kontratatistak aipatu 100eko 50eko portzentaia baino handiagoa ez den bateraino azpikontratu ahalko du.

c) Kontratistak bere gain hartzea azpikontratatitai eta hornitzaileei batzuekin eta besteekin itundutako prezioa ordaintzeko obligazioa, 99.4 artikuluan Administrazioaren eta kontratatistaren arteko harremanetarako ezarritakoak baino kaltegarriagoak ez diren epeetan eta baldintzetan.

3. Azpikontratatistak kontratista nagusiaren aurrean bakarrik geldituko dira obligatuta. Beraz, horrek kontratuaren exekuzioaren erantzukizun osoa hartuko du Administrazioaren aurrean, administrazio klasula partikularren pleguak eta kontratuaren terminoak hertsiki jarraituz.

4. Kontratistak ezingo du inongo kasutan ere sailkapenen etenduran sartuta edo kontratatzeke desgaituta dauden pertsonen kontratuaren exekuzio partziala hitzartu.

5. Zerbitzu publikoak kudeatzeko kontratuaren azpikontratazioa prestazio akzesorioetan bakarrik egin ahalko da.

X. TITULUA Kontuen Ganbara, Administrazio Kontratazioarako Batzorde Aholkuemailea, Kontratuaren Erregistro Publikoa eta Kontratisten Erregistro Ofiziala

KAPITULU BAKARRA Xedapen Orokorrak

154. artikulua. Kontuen Ganbara.

Administrazio kontratugileak igorriko dio Kontuen Ganbarari, honek, bere jarduketa programaren arabera, duen funtzio fiskalizatzailea bete

dezan, haren kontratu kudeaketari dagozkion agiriak, erregelamendu bidez zehaztuko direnak. Era berean, Kontuen Ganbarak administrazioei eskatu ahalko die egoki ikusten duen datu, agiri eta aurrekari oro, edozein zenbateko eta izaeratako kontratuei buruzkoak.

155. artikulua. Administrazio Kontrataziorako Batzorde Aholkuemailea.

1. Administrazio Kontrataziorako Batzorde Aholkuemailea, Ekonomi eta Ogasun Departamentuari atxikia, organo aholkularia eta kontsultarakoa da, Foru Lege honen 1. artikularen 2. eta 3. idazatietan aipaturiko entitateen administrazio kontratazioari dagokionean.

2. Haren osaketa, eginkizunak eta antolaketa, erregelamendu bidez zehaztuko dira. Aipatu eginkizunen artean, Foru Lege honen artikuluetan espreski aurreikusitakoez gain, honako hauek egongo dira:

a) Txostenak egin, eta, bere kasuan, kontratazio sistemaren alderdi administratiboak, teknikoak edo ekonomikoak ukitzen dituzten arauak, neurriak edo jarraibideak proposatu.

b) Esleipenerako irizpideak eta baremoak egin, kontratazio organoendako erreferentzia izan daitezkeenak.

c) Aurreko idazatian aipatu entitate publikoentzat eta kontratazio administratiboak ukitutako sektoreetako erakunde enpresarialentzat eta profesionalentzat arlo horretan sartzen diren gaiak buruzko txostenak egin, bere eskuhartzea eskatzen zaionean.

d) Nafarroako Gobernuari proposatu eredu normalduak, kontratuen aldaketa, esleipen eta prestaketari buruzko agirienak, onar ditzan.

156. artikulua. Kontratuen Erregistro Publikoa eta Kontratisten Erregistro Ofiziala.

1. Administrazio Kontrataziorako Batzorde Aholkulariaren menpean Kontratuen Erregistro Publikoa izango da, ondorio estatistikoei begira, Administrazioak egin dituenak ezagutzeko bide emango duena, bai eta haiek betetzeak sortutako gorabeherak ere.

2. Administrazio Kontrataziorako Batzorde Aholkularian Kontratisten Erregistro Ofiziala eratuko da, izaera publikokoa; bertan sailkapena alde aurretik lortu duten enpresari guziek izena emango dute. Era berean, aipatu Erregistroa kontrataziorako tresna laguntzailea izango da, lehia sustatzeko eta administrazio kontratazio prozedurak arintzeko.

3. Aurreko idazatietan aipatu erregistroak erregelamendu bidez arautuko dira.

Xedapen gehigarriak

Lehenbizikoa. Garapenerako arauak

Nafarroako Gobernuak Foru Lege hau garatu eta betetzeko beharrezko ikusten dituen erregelamenduzko xedapenak emango ditu.

Bigarrena. Zifrak eta epeak aldatzea.

Nafarroako Gobernuari baimena ematen zaio aldatu ahal izateko, egoera ekonomikoaren arabera, Foru Lege honetan pezetetan ipintzen diren zenbatekoak. Aipatu aldaketa Foru Dekretu bidez egingo da.

Era berean Nafarroako Gobernuari baimena ematen zaio Foru Lege honen artikuluetan jarritako epeak eta zenbatekoak Europako Komunitateak haien iraupenari eta zenbatekoari buruz ezarritakoari egokitzeko, eta haren testuan Komunitatearen Zuzentarauen Eranskinetatik eratorritako bidezko aldaketak sartzeko.

Foru Legearen testuan europar kontu unitateetan (ecu) agertzen diren zifren ordez jarriko dira, aurrerantzean, Europako Batasunak finkatu eta Ekonomia eta Ogasun Ministroaren Agindu bidez argitaratzen direnak.

Hirugarrena. Atzerrian egindako kontratuak.

Atzerrian egiten eta exekututzen diren kontratuak Administrazio Publikoen Kontratuei buruzko Legean horri buruz dauden arauak eraenduko dituzte.

Laugarrena. Kontratista Informatzeko eta Erreklamazioetarako bulegoa.

Nafarroako Gobernuak sortu ahalko du Kontratista Informatzeko eta Erreklamazioetarako bulego bat, Administrazio Kontrataziorako Batzorde Aholkulariari atxikiko zaiona eta horren Idazkaritzak kudeatuko duena.

Bosgarrena. Prozeduren bukaera konbentzionala.

Lege honetan xedatutakoari jarraituz egingo dira Administrazio Publikoen Araubide Juridikoari eta Guztiendako Administrazio Prozedurari buruzko Legearen 88. artikuluan ezarritakoaren babesean formalizatzen diren kontratuak, hauen xedea Lege honetan araututako gaiak direnean.

Seigarrena. Agintarien eta Administrazioaren zerbitzupeko langileen erantzukizunak.

1. Agintarien eta Administrazioaren zerbitzupeko langileen ondareko erantzukizuna, administra-

zio kontratazioko gaietan izan dituzten jardueretik eratorria, hala partikularrei nola Administrazioari berari sortarazitako kalteengatik, Administrazio Publikoen Araubide Juridikoari eta Guztiendako Prozedura Administrazioari buruzko Legearen X. Tituluan eta martxoaren 26ko 429/1993 Errege Dekretuan, ondareko erantzukizuneko gaietan Administrazio Publikoen prozeduren erregelamendua onesten duen hartan, xedatutakoaren arabera galdatuko da.

2. Administrazioaren zerbitzupeko langileek Foru Lege honetan dauden manuek haustea edo behar bezala ez aplikatzea, tartean gutxienez arduragabekeria larria denean, falta oso larria izango da, eta honen disziplinako erantzukizuna gaiaren berariazko araudiaren arabera galdatuko da.

Zazpigarrena. Prozedura arauak.

Administrazio kontratazioaren arloko prozedura Foru Lege honetan eta hori garatzen duten arauetan dauden manuek eraenduko dituzte, eta haien orde aplikatuko dira Administrazio Publikoen Araubide Juridikoari eta Guztiendako Prozedura Administrazioari buruzko Legearenak.

Zortzigarrena. Administrazioarekiko erreferentziak.

Foru Lege honek Administrazioa aipatzen duenean, erreferentzia ulertuko da 1. artikulua 2. idazatian sartutako administrazio publiko, erakunde eta entitate guzietarako eginda.

Bederatzigarrena. Kontratazioa plantilan minusbaliatuak dituzten enprekin.

Kontratazio organoek administrazio klausula partikularren pleguetan lehentasuna ipini ahalko dute kontratuak esleitzerakoan proposamen jakin batzuetarako, alegia, beren kaudimen tekniko frogatzeko unean plantilan 100eko 2 baino txikiagoa ez den langile minusbaliatuen kopurua duten enpresa publikoek edo pribatuek aurkezten dituztenendako. Beti ere proposamen horiek, esleipenaren oinarri diren irizpide objektiboen ikuspuntutik onenak direnekin parekatzen ahal direnean.

Hamargarrena. Nafarroako toki entitateek egindako kontratazioa.

Foru Lege honek indarra hartzen duenetik hiru hilabeteko epean Nafarroako Gobernuak Parlamentura eramango du Toki Administrazioaren Foru Legea egokitzeko Foru Legearen proiektua, honetan jasoko direlarik Nafarroako toki entitateek beren kontratuko jardueran dituzten berezitasunak.

Xedapen iragankorrak

Lehenena. Foru Legearen aplikazioa.

Foru Lege honetan xedatutakoa aplikatuko zaie Legeak indarra hartzen duen datan administrazio klausula partikularren, ustiapenaren edo oinarrien pleguak onartuta ez dituzten kontratuei.

Bigarrena. Europar Esparru Ekonomikoa.

17.3. artikuluko bigarren lerroaldean, 24.3, 29.i), 30.6, 33.1, 34.2, 35.2, 36.3 eta 104.2.d) artikuluetan, dauden Europako Komunitateko kide diren estatuei buruzko erreferentziak, Europar Esparru Ekonomikoaren Akordioa sinatu duten estatuetara hedatuko dira.

Hirugarrena. Administrazioaren ordainketa ezaren ondorioak.

99. artikulua 4., 5. eta 6. idazatietan xedatutakoa aplikatuko zaie Foru Lege honek indarra hartzen duenetik esleitutako kontratuei. Aldez aurretik esleitutakoei aplikatuko zaizkie esleipena egin zen unean indarrean zeuden kontratuei buruzko legediaren manuek.

Laugarrena. Estatu Kontseiluari buruzko aipua.

Foru Lege honetan Estatu Kontseiluari egotzi zaizkion eskumenak Foru Komunitatean, bere kasuan, eratuko den kontsultarako organoak hartuko ditu.

Xedapen indargabetzaileak

Bakarra. Indargabetzen diren xedapenak.

Foru Lege honetan xedatzen denaren kontra dauden xedapen guztiak, lerrun bera edo txikiagoa dutenak, indarrak gabe gelditzen dira, eta bereziki honako hauek:

Azaroaren 14ko 13/1986 Foru Legea, Nafarroako Foru Komunitateko Administrazioaren kontratuei buruzkoa.

Urriaren 25eko 20/1985 Foru Legea, Gizarte Zerbitzuen arloko hitzarmenei buruzkoa, Foru Lege honen kontra dagoen guztian.

1973ko abenduaren 7ko Erabakia, probintzi obrak kontratatzeke Arau Orokorren 7.artikulua aldatzen duena, eta 1975eko martxoaren 26ko Erabakia, Foru Diputazioaren obra kontratuetan prezioak berrikusteko arauak ematen dituena.

Irailaren 19ko 204/1984 Foru Dekretua, Foru Komunitateko Administrazioaren argitalpenak argitaratzeko prozedura arautzen duena.

Maiatzaren 4ko 132/1988 Foru Dekretua, Administrazio Kontrataziorako Batzorde Aholkularia sortzen duena, Foru Lege honen kontra dagoen guztian.

Apirilaren 25eko 161/1991 Foru Dekretua, Foru Komunitateko Administrazioak eta haren erakunde autonomoek izenpetutako laguntza teknikorako kontratuak arautzen dituena.

Martxoaren 23ko 120/1992 Foru Dekretua, urriaren 25eko 20/1985 Foru Legea, Gizarte Zer-

bitzuen alorreko Hitzarmenei buruzkoa, garatzen duena.

Azken xedapenak

Bakarra. Foru Legeak indarra hartzea.

Foru Lege honek indarra hartuko du Nafarroako Aldizkari Ofizialean argitaratu eta biharamunean.